

運鯁塞當如此何胡曰彼尚得沂流越我而上此運何以不得沂流越彼而下邪乃遣安北府司馬沈仲玉將千人步趣南陵迎糧仲玉至南陵載米三十萬斛錢布數十舫豎榜爲城規欲突過行至貴口不敢進遣聞信報胡令遣重軍援接張興世遣壽寂之任農夫等將三千人至貴口擊之仲玉走還顓營悉虜其資實胡衆駭懼胡將張喜來降鎮東中兵參軍劉亮進兵逼胡營胡不能制袁顓懼曰賊入人肝脾裏何由得活胡陰謀遁去己卯誑顓云欲更帥步騎二萬上取錢溪兼大雷餘運令顓悉選馬配之其日胡棄顓去徑趣梅根先令薛常寶辦船悉發南陵諸軍燒大雷諸城而走至夜顓方知之大怒罵曰今年爲小子所誤呼取常所乘善馬飛鸞謂其衆曰我當自出追之因亦走庚辰建安王休仁勒兵入顓營納降卒十萬遣沈攸之等追顓顓走至鵲頭與戍主薛伯珍并所領數千人偕去欲向尋陽夜止山間殺馬以勞將士顧謂伯珍曰我非不能死且欲一至尋陽謝臯主上然後自刎耳因慷慨叱左右索節無復應者及旦伯珍請屏人言事遂斬顓首詣錢溪馬軍主襄陽俞湛之湛之因斬伯珍并送首以爲己功劉胡帥二萬人向尋陽詐晉安王子勛云袁顓已降軍皆散唯己帥所領獨返宜速處分爲一戰之資當停據溢城誓死不貳乃於江外夜趨沔口

綱目乙巳

宋主子業景和元明帝或泰始元

秋九月宋以袁顓爲雍州刺史冬十

一月宋江州刺史晉安王子勛舉兵尋陽宋人弑其王子業而立湘東王或宋雍郢荊州會稽皆舉兵應尋陽丙午秋八月宋臺軍克江州

會稽孔顛章

孔顛字思遠會稽山陰人太常琳之孫也父邈揚州治中顛少骨梗有風氣以是非爲已任口吃好讀書蚤知名初舉揚州秀才補主簿參軍歷江夏內史遷侍中未宋永光乙巳遷侍中未拜出爲會稽太守尋陽王子房右軍長史加輔國將軍行會稽郡事宋主子業弑湘東王或立是爲明帝召顛爲太子詹事以庾業代之又遣孔瑑入東慰勞瑑因說顛奉子房舉兵以應尋陽覲子長公時在建康密使叛歸於是吳郡太守顧琛吳興太守王曇生義興太守劉延熙晉陵太守袁標皆舉兵應之宋主以巴陵王休若督沈懷明張永蕭道成等討覲二月覲遣其將軍晉陵部陳甚盛沈懷明等不敢進宋主復遣吳喜等助攻義興克之延興赴水死臺軍進擊東軍諸壘皆潰遂克晉陵孔瑑與王曇生顧琛皆棄郡奔會稽吳喜等引兵向會稽顛出走喜入城執尋陽王子房獲孔瑑及覲殺瑑顧琛請喜歸罪喜皆宥之送子房建康貶松滋侯

綱目丙午春正月宋分兵討豫州會稽二月宋臺軍克義興晉陵吳興吳郡會稽

荊州孔道存章

孔道存史失其籍人宋主子業時臨海王子頊爲荊州刺史以道存爲長史行荊州事子勛之起也道存奉子頊舉兵以應之袁顛悉衆赴襄陽鄧琬以道存爲侍中行雍州事以黃門侍郎劉道憲代道存行荊州事及濃湖平道憲聞之散兵遣使歸罪荊州治中宗景等勒兵入城殺道憲執臨海王子頊以降道存知尋陽已平遣使請降尋聞柳

世隆劉亮當至衆悉潰道存及三子皆自殺

郢州張沈章

張沈史失其籍人子業時安陸王子綏爲郢州刺史以沈爲衛軍長史行郢州事子勛之起子綏遣參軍鄧景玄馳下并送軍糧及臺軍克江州殺子勛沈變形爲沙門潛走追獲殺之

豫州殷琰章

司州龐孟蚪附

殷琰陳郡長平人父道鸞衡陽王義季右軍長史琰少爲文帝所知遇與琅邪王司文相埒歷遷豫州刺史山陽王休祐右軍長史南梁郡太守乙巳冬晉安王子勛起兵於江州王敬則等弑其王子業立湘東王或爲明帝休祐入朝徙鎮荊州卽以琰爲豫州刺史丙午正月子勛稱帝雍郢二徐諸州皆舉兵應之宋主置司州於義陽以義

陽內史龐孟蚪爲司州刺史孟蚪亦不受命舉兵應尋陽琰司馬劉順說琰使應尋陽琰以家在建康未許會柳光出奔至壽陽言建康必不能守琰信之遂爲參軍杜叔寶等所制不得已而從之琰以叔寶爲長史軍事皆以委之宋主知琰附尋陽非其本意乃厚撫其家以招之而以山陽王休祐爲豫州刺史督劉勔等諸軍以討琰夏五月琰使劉順與諸將據宛唐劉勔擊順走之遂圍壽陽琰與叔寶等皆有降意而衆心不壹復嬰城固守弋陽西山蠻田益之起兵應建康帥蠻衆萬餘人圍義陽鄧琬使龐孟蚪帥精兵五千救之益之不戰潰去孟蚪進至弋陽劉勔遣呂安國等迎擊於蓼陽大破之孟蚪走向弋陽王玄謨之子曇善起兵據義陽以應建康孟蚪走死蠻中劉胡遣其將薛道標襲合肥殺太守裴季勔遣垣閔擊之淮西人鄭

叔舉起兵擊常珍奇以應鄭黑八月皇甫道烈等聞龐孟蚪敗竝開門出降勔因與琰書曰柳倫來具相申述方承足下迹纏穢亂心秉忠誠惘然窮愁不親戎政去冬開天之始愚迷者多如足下流比進非社稷宗臣退無顧命寄託朝廷既不偏相嫌責足下亦無復所獨愧程天祚已舉城歸順龐孟蚪又繼迹奔亾劉胡困於錢溪袁顛欲戰不得推理揆勢亦安能久且南方初起連州十六擁徒百萬仲春以來無戰不北摧陷殄滅十無一二南憑袁顛弱卒北恃足下孤城以茲定業恐萬無一理方今國網疎略示舉宏維皆相白想亦已具矣且倫等皆是足下腹心牙爪所以攜手相捨非有怨恨也了知事不可濟禍害及已故耳夫擁數千烏合抗天下之兵傾覆之狀豈不易曉假令六蔽之人猶當不爲其事況復足下少祖名教疾沒世無

邪所以復有此白者實惜華州重鎮鞠爲茂草兼傷貴門一日滅足下若能封府庫開四門宣語文武示以禍福先遣咫尺之書表達滅欵然後素車白馬來詣轅門若令足下髮膚不全兒姪凋耗者皇天后土實聞此言至辭不率寧復多白薛道標猶在廬江劉胡又分兵揚聲向壽陽及合肥劉勔遣許道蓮馳赴合肥助裴季文又遣黃回等繼之道標率其黨薛元寶等攻合肥勔所遣諸軍未至爲道標所陷季文力戰而死勔馳遣垣閎總統諸軍攻合肥是月劉胡敗走劉勔圍壽陽自首春至於末冬內攻外禦戰無不捷尋陽旣平宋主使中書爲詔諭琰蔡興宗曰天下旣定是琰思過之日陛下宜賜手詔數行以相慰引今直中書爲詔彼必疑謂非真非所以速清方難也不從琰得詔謂勔詐爲之不敢降杜叔寶閉絕尋陽敗問有

傳者卽殺之守備益固凡有降者宋主輒送壽陽城下使與城中人語由是衆情離沮琰欲請降於魏主簿夏侯詳說琰曰今日之舉本效忠節若社稷有奉便當歸身朝廷何可北面左衽乎且今魏軍近在淮次官軍未測吾之去就若遣使歸款必厚相慰納豈止免罪而已琰乃使詳出見勔詳說勔曰今城中士民知困而猶固守者畏將軍之誅皆欲自歸於魏願將軍緩而赦之則莫不相帥而至矣勔許諾使詳至城下呼城中人諭以勔意丙寅琰帥將佐面縛出降勔悉加撫慰不戮一人壽陽大悅魏軍將至聞琰已降乃掠義陽而去琰以壬子歲復爲少府加給事中癸丑卒

綱目丙午

宋明帝或泰始二

春正月宋遣兵擊于勔于勔自立於江州二

徐司豫青冀湘廣梁益等八州皆應之宋分兵討豫州夏五月宋軍圍壽陽冬十一月宋豫州平

徐州薛安都章

薛安都河東汾陰人世爲強族同姓有三千家父廣爲宗豪晉安帝義熙中劉裕定關河以安都爲上黨太守安都少驍勇善騎射劉裕篡晉爲宋上黨屬魏魏主使安都北擊反胡白龍子滅之以爲秦雍二州都統甲申乙酉秋蓋吳之亂安都據弘農其宗人薛永宗亦起兵以應吳魏主自將擊永宗滅其族進擊蓋吳安都遂棄城奔宋宋主延見之求北還聚衆宋主許之遂自盧氏襲魏魏弘農太守李拔等進逼陝城不克退還上洛元嘉末歷遷建武將軍孝建初以討遂劭功封南鄉縣男食邑五百戶又以斬魯爽功進爵爲侯增邑五百戶并前千戶遷太子左衛率右衛將軍乙巳

宋景和元魏和平六

九月宋以安

都爲徐州刺史丙午正月宋遣兵擊子勛子勛自立於江州安都及冀州刺史崔道固皆舉兵應之宋主徵兵於青州刺史沈文秀文秀遣其將劉彌之等將兵赴建康會安都遣使邀文秀文秀更令彌之等應安都濟陰太守申闡據睢陵應建康安都遣其從子直閣將軍索兒太原太守傅靈越等攻之安都壻裴祖隆守下邳劉彌之至下邳更以所領應建康襲擊祖隆祖隆兵敗與征北將軍垣叅祖犇彭城彌之族人北海太守懷恭等皆舉兵以應彌之薛索兒聞之釋睢陵引兵擊彌之彌之戰敗走保北海申令孫進據淮陽請降於索兒宋主使冗從僕射垣榮祖還徐州說安都安都曰今安都無百里地不論攻圍取勝自可拍手笑殺且我不欲負孝武榮祖曰孝武之行足致餘殃今雖天下雷動正是速死無能爲也安都不從於是宋主

因遣榮祖使爲將薛索兒攻申闡久不下使申令孫入睢陵闡聞出降索兒拜令孫殺之索兒將馬步萬餘人自睢陵渡淮進逼宋青州冀二州刺史張永營宋主詔桂揚王休範進據廣陵又詔蕭道成將兵救永五月永道成與索兒戰大破之索兒退保石梁食盡而潰走向樂平爲申令孫子孝叔所斬安都子道智走向合肥詣裴季隆傳靈越走至淮武衛將軍王廣生獲之送詣勔勔詰其叛逆靈越曰九州唱義豈獨在我薛公不能專任智萬委付子姪此其所以敗也人生歸於一死實無面求活勔送詣建康宋主欲赦之靈越辭終不改乃殺之八月宋臺軍克江州殺子勛安都及益州刺史蕭惠開梁州刺史柳元怙兗州刺史畢衆敬豫章太守殷孚汝南太守常珍奇並遣使乞降於建康宋主以南方已平欲示威淮北命張永沈攸之將

兵五萬迎安都蔡興宗曰安都歸順此誠非虛正須單使尺書今以重兵迎之勢必疑懼或能招引北虜爲患方深若以叛臣罪重不可不誅則曩之所有亦已多矣况安都外據大鎮密邇邊陲地險兵彊攻圍難克考之國計猶甚馴養如其外叛將爲朝廷肝食之憂宋主不從謂蕭道成曰吾今因此北討卿意以爲何如對曰安都狡猾有餘今以兵逼之恐非國之利宋主曰諸軍猛銳何往不克卿勿多言安都聞大兵北上懼遣使乞降於魏常珍奇亦以懸瓠降魏皆請兵自救安都又以其子爲質於魏魏遣尉元 救彭城張窮奇等救懸瓠以安都爲都督徐雍等五州諸軍事鎮南大將軍徐州刺史河東公常珍奇爲豫州刺史河內公尉元至瑕丘兗州刺史昱衆敬亦降於魏宋張永沈攸之進兵逼彭城尉元至安都出迎元遣李粲與安

先入城收其管鑰別遣孔伯恭以精甲二千安撫內外然後入其夜張永攻之不克元不禮於安都安都悔降復謀叛魏元和之不果發安都重賂元等委罪於女壻裴祖隆而殺之元使李珠與安都守彭城自將兵擊張永破之永棄城夜走元屯淮陰宋由是失淮北四州及豫州淮北之地戊申三月安都入朝於魏魏以尉元爲徐州刺史

綱目丙午宋大始一魏大安元冬十月宋徐州刺史薛安都汝南太守常珍奇叛降于魏魏取彭城

宋書本傳史臣曰春秋列國大夫得罪皆先致其邑而後去唯邾莒三臣書以叛人之目蓋重地也安都勤王之略義闕於藩屏以地外奔罪同於三叛詩云誰生厲階至今爲梗其此之謂乎

魏書本傳史臣曰薛安都一武夫耳雖輕於去就實啓東南事君圖變而竟保寵秩優矣

劉氏曰徐州初應子勛綱目列不名之叛降于魏則名之何應子勛可也挈土地以事讐則非矣故皆書叛

裴子野曰太宗之初威令所被不滿百里而能開誠布款以致平定既乃賈其餘勇師出無名而長淮以北倏息爲戎若以向之虛懷不矜不伐則三叛奚爲而起哉

卮言曰薛安都起自豪傑亂始北方旣而歸命宋朝立功南服子業之暴初附江州不爲逆節子勛之死再降建康未至失據而宋主無綏懷之道安都爲自固之謀雖據地外叛蓋有由也

汝南常珍奇章

常珍奇汝南人初爲汝南太守周矜司馬丙午

宋泰始二年正月宋主魏太安元

或遣兵擊子勛子勛自立於江州汝南新蔡二郡太守周矜起兵於懸瓠以應建康子勛尚書袁顥誘珍奇執矜斬之以珍奇代爲太守前奉朝請鄭黑起兵於淮上以應建康東杆殷琰西拒珍奇七月淮西人鄭叔舉起兵擊珍奇以應鄭黑宋臺軍旣克江州殺子勛珍奇與薛安都等竝遣使乞降宋主欲示威淮北命張永沈攸之帥兵迎安都安都懼乃遣使乞降於魏珍奇亦以懸瓠降魏皆請兵自救珍奇表曰臣昔蒙劉氏生成之恩感義亡身志陳報答遂與雍州刺史袁顥豫州刺史殷琰等共唱大義奉戴子勛纂承彼曆大運未集遂至分崩而劉或滔天殺主篡立蒼生殄悴危於綴旒伏惟陛下龍姿鳳儀光格四表凡在黔黎延屬象魏所願天地垂仁亟圖南服宜遣

文檄喻以吉凶使江東之地離心草靡荆雍九州北面請吏乞高臣
 官名更遣雄將秣馬五千助臣經略并賜威儀震動江外長江已北
 必可定矣臣雖不武乞備前驅進據之宜更在處分敢冒愚悃推誠
 上聞機運可乘實在茲日魏遣河西公石等救之以珍奇為平南將
 軍豫州刺史河內公十二月石至上蔡珍奇率眾出迎石欲頓軍汝
 北未即入城中書博士鄭義曰今珍奇雖來意未可量不如且入其
 城奪其管鑰據有府庫制其腹心策之全者也石遂策馬入城因置
 酒嬉戲義曰觀珍奇之色甚不平不可不嚴為之備乃嚴兵設備其
 夕珍奇使人燒府屋欲為變以石有備而止丁未十一月珍奇雖降
 於魏實懷貳心劉劭在壽陽復以書招之會魏西河公石攻汝陰珍
 奇乘虛燒劫懸瓠驅掠上蔡安成平輿三縣民屯於灌水宋主以珍

奇督司北豫二州諸軍事司州刺史二月魏西河公石攻之珍

奇單騎奔壽陽子超逃至苦城為人所殺小子沙彌囚送魏刑為閹
 人

綱目丙午

宋泰始二
魏太安元

冬十月宋汝南太守常珍奇叛降于魏丁未

魏皇
興元

冬十一月常珍奇叛魏歸宋戊申春二月魏拔宋歷城常珍

奇奔宋

劉氏曰歸宋反正也必書叛何惡反覆也綱目惡反覆於其叛
 降魏也書叛其歸宋也亦書叛及魏拔歷城也則書奔與書孟
 達異矣

青州沈文秀章

沈文秀吳興建康人太尉慶之弟子也父劭之南中郎行參軍文秀

初爲郡主簿功曹史慶之貴後文秀起家爲撫軍參軍歷射聲校尉遷督青州之東莞東安二郡諸軍事建威將軍青州刺史時宋主子業狂悖無道內外憂危吏部尚書蔡興宗說慶之以廢立大事慶之不從文秀將之鎮帥部曲出屯白下亦說慶之曰主上狂暴如此禍亂不久而一門受其寵任萬物皆謂與之同心且若人愛憎無常積忍特甚不測之患進退難免今因此衆力圖之易于反掌機會難值不可失也再三言之至於流涕慶之終不從慶之尋爲宋主所殺子弟皆死幼子文季走免江州刺史晉安王子勛舉兵尋陽宋主子業爲左右所弑而立湘東王或是爲明帝丙午正月子勛自立于江州徐州刺史薛安都等皆舉兵應之宋主或徵兵于文秀文秀遣其將劉彌之張靈慶崔僧璇將兵赴建康會薛安都遣使邀文秀文秀更

入一之等應安都安都塔裴祖隆守下邳劉彌之至下邳更以所領應建康襲擊祖隆兵敗與垣崇祖犇彭城彌之族人北海太守懷恭從子善明皆舉兵以應彌之薛索兒引兵擊彌之彌之戰敗走保北海四月散騎侍郎明僧暲起兵攻文秀以應建康宋主詔以僧暲爲青州刺史平原樂安二郡太守王玄默據琅邪清河廣州二郡太守王玄邈據盤陽城高陽勃海二郡太守劉乘民據臨濟城並起兵以應建康乘民彌之之從子也文秀遣軍主解彥士攻北海拔之殺劉彌之乘民從弟伯宗合帥鄉黨復取北海因引兵向青州所治東陽城文秀拒之伯宗戰死僧暲玄默玄邈乘民合兵攻東陽城每戰輒爲文秀所破離而復合如此者十餘卒不能克八月宋臺軍克江州殺子勛薛安都等皆降於魏文秀與崔道固爲土人所攻亦遣使乞

降于魏且請兵自救宋主以尋陽既平遣文秀弟文炳以詔書諭文秀曰皇帝前問督青州徐州之東莞東安二郡諸軍事建威將軍青州刺史朕去歲撥亂功振普天於卿一門恃有殊澤卿得延命至今誰之力耶何故負國背恩遠同逆豎今天下已定四方寧壹卿獨守窮城何所歸奉且卿百口在都兼有墳墓想情非木石猶或顧懷故指遣文炳具相宣示凡諸逆郎親為戎首一不加臯文炳所具卿獨何人而能自立便可連率部曲同到軍門別詔有司一無所問如其不爾國有常刑非惟戮及弟息亦當夷卿墳壟既以謝齊土百姓亦以勞將士之心故有今詔宋主又遣劉懷珍將馬步三千與文炳偕行未至值張末等為薛安都所敗懷珍還鎮山陽文秀攻青州刺史明僧暲宋主使懷珍帥王廣之等將兵浮海救之至東海僧暲已退

劉懷珍進據胸城衆心恟懼欲且保郁州懷珍曰文秀

歸索虜計齊之士民安肯甘心左袒耶今揚兵直前宣布威

城可飛書而下柰何守此不進自爲沮撓乎遂進至黔陬文秀所置

高密平昌二郡太守棄城走懷珍送致文炳達朝廷意文炳猶不降

百姓聞懷珍至皆喜文秀所署長廣太守劉桃根將數千人戍不其

城懷珍軍於洋水遣王廣之將百騎襲不其城拔之文秀聞諸城皆

敗乃遣使請降宋主復以爲青州刺史懷珍乃還魏將軍慕容白曜

侵宋青州取無塩肥城冀州刺史崔道固閉門拒魏文秀遣使迎降

于魏請兵援接白曜欲遣兵赴之酈範曰文秀室家墳墓皆在江南

擁兵數萬城固甲堅疆則拒戰屈則遁去我師未逼其城無朝夕之

急何所畏忌而遽求援軍且觀其使者視下而色愧語煩而志怯此

必挾詐以誘我不可從也不若先取歷城克盤陽下梁鄒平樂陵然後案兵徐進不患其不服也白曜乃止文秀果不降九月白曜遣長孫陵等攻文秀於東陽文秀請降陵等入其西郭縱士卒暴掠文秀悔怒閉城拒守擊陵等破之陵等退屯清西屢進攻城不克戊申三月魏慕容白曜既克歷城進圍東陽七月宋主以文秀弟文靜為輔國將軍統高密等五郡軍事自海東救東陽至不其城為魏所困保城自固魏人攻之不克十二月魏人拔不其城殺文靜文秀守東陽魏人圍之三年外無救援士卒晝夜拒戰甲冑生蟻虱無離叛之志己酉正月乙丑魏人拔東陽文秀解戎服正衣冠持節坐齊內魏人執送慕容白曜使之拜文秀曰各兩國大臣何拜之有鎖送平城魏主宥之待為下客給惡衣蔬食既而重其不屈稍嘉禮之拜外都大

是青冀盡入於魏矣文秀後為平南將軍懷州刺史假吳郡公在州數年丙寅卒年六十一

綱目丁未

宋泰始三
魏皇興元

春正月宋青冀州平

冀州崔道固章

崔道固清河人初以幹用見知歷永嘉王子仁左軍司馬宋景和乙巳出為寧朔將軍冀州刺史鎮歷城宋主該既立進號征虜將軍時徐州刺史薛安都附於子勛宋主即還道固本號為徐州刺史以代安都道固不受命遣子景微軍王傳靈越率眾赴安都及安都降魏道固與沈文秀為土人所攻亦遣使乞降于魏且請兵自救丁未正月宋主遣使宣慰青冀青州降道固亦降宋主復其位進號平北將軍道固之未降也綏邊將軍房法壽為王玄邈司馬屢破道固軍歷

城人畏之及道固降皆罷兵道固畏法壽扇動百姓遣法壽使還建康會從弟崇吉自升城來以母妻為魏所獲謀於法壽法壽雅不欲南行怨道固迫之時道固遣兼治中房靈賓督清河廣川二郡事戊盤陽法壽乃與崇吉謀襲盤陽據之降於慕容白曜以贖崇吉母妻道固遣兵攻之白曜自瑕丘遣將軍長孫觀救磐陽道固兵退白曜表法壽為冀州刺史以法壽從弟等八人皆為郡守白曜自瑕丘引兵攻道固於歷城道固拒守不降白曜築長圍守之宋主加道固為都督冀青兖幽并五州諸軍前將軍冀州刺史白曜圍歷城經年戊申二月庚寅拔其東廓癸巳道固面縛出降白曜遣道固之子景業與劉文暉同至梁鄒兖州刺史劉休賓亦出降白曜送道固等于平城遂進圍東陽

綱目丁未春正月宋青冀州平戊申春二月魏拔宋歷城

兖州畢眾敬章

畢眾敬東平須昌人少好弓馬射獵交結輕果常於疆境盜掠為業宋主駿為徐兖刺史辟為部從事駿立歷遷大山冗從僕射丙午正月晉安王子勛自立于江州宋主或遣眾敬詣兖州募人至彭城刺史薛安都召與密謀云晉安有上流之名且孝武第三子當共卿為計西從乃矯宋主命以眾敬行兖州事眾敬從之時兖州刺史殷孝祖留其妻子於瑕丘帥眾赴建康使司劉文石守瑕丘眾敬引兵擊殺之安都素與孝祖有隙使眾敬殺孝祖諸子州境皆附之唯東平太守申纂據無鹽不從八月宋臺軍克江州殺子勛十月薛安都降魏請兵自救眾敬不與之同遣使請降于建康宋主以眾敬為兖州

刺史衆敬子元賓在建康先坐他罪誅衆敬聞之怒拔刀砍柱曰吾皓首惟一子不能全安用獨生十一月壬子魏師至瑕丘衆敬請降于魏尉元遣部將先據其城衆敬悔數日不食魏主以衆敬爲散騎常侍寧南將軍與中書侍郎李璨對爲兖州刺史賜爵東平公戊申正月召入朝至平城魏主以上客待之後復爲兖州刺史將軍如故徵還平城子代爲兖州刺史魏太和辛未十月卒子元賓初代父爲兖州刺史假彭城公以父憂辭任尋卒子義允襲祖爵東平公例降爲侯卒子僧安襲

綱目丙午宋泰始二冬十月宋以羣衆敬爲兖州刺史魏師入懸瓠衆敬降

益州蕭惠開章

蕭惠開南蘭陵人征西將軍思話子也少有風氣涉獵文史家雖貴感而居服簡素初爲秘書郎著作並各家歷遷襄陽太守襲封封陽縣侯累遷御史中丞母喪去職大明甲辰起爲持節督益寧二州諸軍事輔國將軍益寧二州刺史乙巳十月晉安王子勛舉兵尋陽宋王子業遇弒湘東王或立爲帝進惠開號平西將軍丙午正月子勛自立於江州惠開乃集將佐謂之曰湘東太祖之昭晉安世祖之穆其於當壁竝無不可但景和雖昏本是世祖之嗣不任社稷其次猶多吾奉武文之靈兼荷世祖之眷今便當投袂萬里推奉九江乃遣巴郡太守費欣壽將五千人東下爲巴東人任叔兒起義所邀欣壽敗沒陝口道不復通更遣州治中程法度領三千人步出梁州又爲氐賊楊嗣所斷先是惠開爲治多任刑誅蜀土咸懷猜怨及聞欣

壽没法度又不得前晉原一部遂反於是諸郡悉應之合兵圍城城內東兵不過二千凡蜀人惠開疑之皆悉遣出蜀入聞尋陽既平爭欲屠城以望厚賞惠開每遣軍出戰未嘗不捷前後所催破殺傷不可勝計外衆逾合勝兵者十餘萬人十月宋王遣惠開弟惠基步道使成都赦惠開惠基既至涪蜀人過留不聽進惠基率部曲破其渠帥馬與懷等然後得前惠開奉旨歸順城圍得解宋王復遣惠開宗人寶首水路慰勞益州寶首欲以平蜀爲功更獎說蜀人於是處處蜂起凡諸離散者一時還合渠帥趙燕旬文章等與寶首屯軍于上去成都六十里衆號二十萬人惠開欲遣擊之將佐咸曰攻破蜀賊誠不爲難但慰勞使至未獲奉受而遣兵相距何以自明本心惠開曰今水陸四斷表啓路絕寶首或相誣陷謂我不奉朝旨我之欲戰不在通使使若得通則誠心達矣乃作啓事具陳事情使腹心二人帶啓戒之曰須賊破路開使躍馬馳去遣永寧太守蕭惠訓別駕費欣業萬兵竝進與戰大破之生禽寶首囚於城都縣獄所遣使至建康宋王使執送寶首除惠開晉平王休祐驃騎長史南郡太守不拜召還建康資財二千餘萬悉散施道路一無所留惠開至宋王問舉兵狀對曰臣惟知逆順不識天命宋王釋之後爲少府加給事中己酉又除桂陽王休範征北長史南東海大守壬申卒子叡嗣齊受禪國除

湘州何慧文章

何慧文章籍系人宋王子業時邵陵王子元爲湘州刺史以慧文爲長史行湘州事丙午春與諸州共舉兵以應尋陽衡陽內史王應之率

郡文武五百人起兵襲長沙慧文率衆出城與戰殺之時湘東國侍
即虞洽爲宋主督國秩在湘東勸太守顏躍發兵應建康躍不從洽
乃至桂陽收募得數百人還欲攻躍躍懼求和許之有衆二千時鄧
琬徵慧文率衆下尋陽已發聞洽起兵乃還及臺軍克江州殺子勛
沈超之引兵向湘州宋主以慧文才兼將吏使吳喜宣旨赦之慧文
曰旣陷逆節手害忠義何面見天下之士遂自殺邵陵王子元等並
賜死

廣州袁曇遠章

袁曇遠籍系人宋王子業時爲廣州刺史子勛之起也曇遠舉兵應
之鄧琬召始興相殷孚爲豫章太守孚旣去始興以郡五官掾譚伯
初留知郡事士人劉嗣祖等斬伯初據郡起兵琬遣始興太守章希

討之嗣祖亦遣兵出南康與齊王世子合希真等屯廬陵不敢
進曇遠遣將李萬周等率衆討嗣祖嗣祖遣兵戍浚陽萬周亦築壘
相守嗣祖遣人誑萬周曰尋陽已平遣劉劬爲廣州乘至萬周信之
遂還襲番禺曇遠怯弱無防狼狽出奔萬周追斬之

田氏據東豫

田益之弋陽西山蠻也丙午正月宋主或遣兵擊子勛子勛自立於
江州二徐司豫青冀湘廣梁益等八州皆應之夏五月益之起兵應
建康詔以益之爲輔國將軍督弋陽蠻事六月益之帥蠻衆萬餘人
圍義陽司州刺史龐孟蚪帥精兵五千救之益之不戰潰去

田益宗光城蠻也

魏書傳云不言益之何系

身長八尺雄果有將略狀貌舉止有

異常蠻世爲四山蠻帥服於齊齊以益宗爲征虜將軍癸酉

齊末明十一魏

太和十七年四月益宗叛齊降于魏封光城縣伯後於新蔡立東豫州以益宗為刺史改封安昌伯辛巳冬侵齊敗齊師于赤亭甲子二月益宗衰老與諸子孫聚歛無厭部內苦之魏主徙益濟州刺史遣兵奄至入廣陵益宗子曾生等奔關南引梁兵取光城以南諸戍魏師擊破之復置郡戍以益宗還洛陽改封曲陽伯

南齊州鎮篇

庖言曰宋或之立同於子朝齊卷之惡等於桀紂當時諸鎮擁兵別有推戴其義正矣然才非定亂而終為俘虜遂自比於逆節或志非徇國而輕為去就卒同歸於叛臣故於彊藩之類見之

豫州裴叔業章

裴叔業河東聞喜人晉冀州刺史徽後也徽子游擊將軍黎過中朝

子孫徙涼州仕於張氏黎玄孫光福義熙末遠南至滎陽太守叔業父祖晚渡以便弓馬有武幹宋元徽末累官為羽林監齊初除屯騎校尉以功封武昌縣伯為徐州刺史丁丑冬魏攻雍州齊主詔叔業救之已而諸軍敗于沔北叔業侵魏楚王戍魏豫州刺史王肅擊破之叔業進退失據遂走戊寅二月魏攻義陽叔業圍渦陽以救之義陽圍解齊師潰齊王以叔業為豫州刺史鎮壽陽七月齊王鸞殂子寶卷立數誅大臣叔業聞之心不自安及除南兖州意不樂內徙朝廷疑叔業有異志叔業兄子植等皆為直閣在殿中懼奔壽陽說叔業以朝廷必相掩襲宜早為計庚辰正月叔業遣親人馬文範至襄陽問蕭衍以自安之計曰天下大勢可知恐無復自存之理不若回面向北不失作河南公衍報曰羣小用事豈能及遠計慮回惑自

無所成唯應送家還都以安慰之若意外相逼當勒馬步二萬直出
橫江以斷其後則天下之事一舉可定若欲北向彼必遣人相伐以
河北一州相處河南公寧可復得邪如此則南歸之望絕矣叔業沈
疑未決乃遣其子芬之入建康爲質亦遣信詣魏豫州刺史薛貞度
問以入魏可不之宜貞度勸其早降曰若事迫而來則功微賞薄矣
數遣密信往來相應和建康人傳叔業叛者不已芬之懼復奔壽陽
叔業遂遣芬之及兄女壻杜陵韋伯昕奉表降魏庚午下詔討叔業
已亥叔業病卒

綱目庚辰

齊主寶卷末元二
魏主恪景明元

春正月齊豫州刺史裴叔業以壽陽

叛降于魏

廣陵崔慧景章

慧景字君山清河東武城人祖構奉朝請父系之州別駕慧景初
爲國子學生宋泰始中歷位至長水校尉寧朔將軍齊初以功封樂
安縣伯累遷尚書丁丑齊建武冬魏師攻雍州齊王遣蕭衍及慧景將
兵救之戊寅齊末泰元二月魏人拔死北城三月慧景至襄陽沔北五郡
已沒慧景與蕭衍及軍王劉山陽等進行鄧城魏騎奄至諸軍登城
拒守慧景於南門拔軍去諸軍相繼皆遁山陽苦戰魏兵乃退諸軍
皆還襄陽庚辰正月豫州刺史裴叔業以壽陽降于魏三月乙卯齊
主遣慧景將水軍討壽陽齊主屏除出現和城送之戎服坐樓上召
慧景單騎進圍內無一人自隨者裁數言拜辭而去慧景既得出甚
喜也其子覺爲直閣將軍密與之約慧景至廣陵覺走從之慧景過
廣陵數十里召會諸軍王曰吾荷二帝厚恩當顧託之重幼主昏狂

朝廷壞亂危而不扶責在今日欲與諸君共建大功以安社稷何如衆皆響應于是還軍向廣陵司馬崔恭祖守廣陵城開門納之齊主聞其變假右衛將軍左興盛節督建康水陸將軍以討之慧景停廣陵一日卽收衆濟江初江夏王寶玄娶徐孝嗣女爲妃孝嗣誅詔令離昏寶玄恨望慧景遣使奉寶玄爲王寶玄斬其使因發將吏守城臺遣馬軍王戚平外監黃林夫助鎮京口慧景將渡江寶玄密與相應殺司馬孔矜與籤呂承緒及平林夫開門納慧景使長史沈佚之諮議柳愷分部軍衆寶玄乘八摑輿手執絳麾隨慧景向建康臺遣驍騎將軍直閣將軍徐元稱等六將據竹里爲數城以拒之寶玄遣信謂佛護曰身自還朝君何意苦相斷遏佛護對曰小人荷國重恩使於此創立小成殿下還朝但自直過豈敢斷遏遂射慧景軍因合

營崔恭祖將前鋒皆荒愴善戰又輕行不爨食以數舫緣江載酒肉爲軍糧每見臺軍城中煙火起輒盡力攻之臺軍不復得食以此飢困元稱等議欲降佛護不可恭祖等進攻城拔之斬佛護徐元稱降餘四軍王皆死乙卯遣中領軍王瑩都督衆軍據湖頭築壘上帶蔣山西巖守甲數萬慧景至查礪竹塘人萬副兒說慧景曰今平路皆爲臺軍所斷不可議進唯宜從蔣山龍尾上出其不意耳慧景從之分遣千餘人魚貫緣山自西巖夜下鼓叫臨城中臺軍驚恐卽時奔散齊主又遣衛將軍左興盛帥臺內三萬人拒慧景於北籬門興盛望風退走甲子慧景入樂遊苑崔恭祖帥輕騎千餘突入北掖門乃復出宮門皆閉慧景引衆圍之於是東府石頭白下新亭諸城皆潰左興盛走不得入宮逃淮渚荻舫中慧景擒殺之宮中遣兵出

盪不克慧景燒蘭臺府署爲戰場守衛尉蕭暢屯南掖門處分城內
隨方應拒衆心稍安慧景稱宣德太后令廢帝爲吳王陳顥達之反
也齊主召諸王侯入宮巴陵王昭胄懲永泰之難與弟永新侯昭穎
詐爲沙門逃於江西及慧景舉兵昭胄兄弟出赴之慧景意更向昭
胄猶豫未知所立竹里之捷崔覺與崔恭祖爭功慧景不能決恭祖
勸慧景以火箭燒北掖樓慧景以大事重定後若更造費用功多不
從慧景性好談義兼解佛理頓法輪寺對客高談宮祖深懷怨望時
豫州刺史蕭懿將兵在小峴齊遣密使告之懿方食投箸而起帥軍
主胡松李居士等數千人自采石濟江頓越城舉火臺城中鼓叫稱
慶恭祖先勸慧景遣二千人斷西岸兵令不得度慧景以城旦夕降
外救自然應散不從至是恭祖請擊懿軍又不許獨遣崔覺將精卒

二千人渡南岸懿軍昧旦進戰數合士皆致死覺大敗赴淮死者二
千餘人覺單馬退開桁阻淮恭祖掠得東宮女伎覺逼奪之恭祖積
忿恨其夜與慧景驍將劉靈運詣城降衆心離壞四月癸酉慧景將
腹心數人潛去欲北渡江城北諸軍不知猶爲拒戰城內出盪殺數
百人懿軍渡北岸慧景餘衆皆走慧景圍城凡十二日而敗從者於
道稍散單騎至蠡浦爲漁人所斬以頭內鮑籃擔送建康

綱目庚辰

齊永元二

夏四月齊將軍崔慧景奉蕭寶玄舉兵逼建康兵

敗皆死

南齊書史臣曰崔慧景宿將老成憂危昏運回董御之威舉晉陽
之甲乘機用權內襲少主因樂亂之民藉淮楚之剽驍將授首群
帥委律鼓鼙謹於宮寢戈戟跣於城隍陵埤負戶士衰氣竭屢發

銅虎之兵未有釋位之援勢等易京魚爛待盡征虜將軍投袂以先國急東馬旅師橫江競濟風驅電掃制勝轉丸戮帶定襄曾未

及此盛矣哉桓文異世也

征虜謂蕭懿也

荊州蕭穎胄章

蕭穎胄蘭陵人光祿大夫赤斧第四子也齊建武中南康王寶融爲

荊州刺史以穎胄爲西中郎長史行府州事庚辰

齊末元一

十一月齊王

疑雍州刺史蕭衍有異志遣輔國將軍巴西梓潼二郡太守劉山陽將兵三千之官就穎胄兵使襲襄陽衍知其謀遣參軍王天虎詣江陵徧與州府書聲云山陽西上并襲荆雍衍因詣諸將佐曰荊州素畏襄陽人加以唇亡齒寒寧不聞同邪我合荆雍之兵鼓行而東雖使韓白復生不能爲建康計況以昏主役刀敕之徒哉穎胄等得書

能決山陽至巴陵衍復令天虎齎書與穎胄及其弟南康王友

諶達天虎旣行衍謂張弘策曰用兵之道攻心爲上近遣天虎往荆

州人皆有書今段乘驛甚急止有兩函與行事兄弟云天虎口具及

問天虎而口無所說天虎是行事心脅彼間必謂行事與天虎共隱

其事則人生疑山陽惑於衆口必相嫌貳則行事進退無以自明必

入吾謀內是馳兩空函定一州矣山陽至江安遲回十餘日不上穎

胄大懼計無所出夜遣呼西中朗城局參軍安定席闡文諮議參軍

柳忱閉齊定議闡文曰蕭雍州蓄養士馬非復一日而江陵素畏襄

陽人又衆寡不敵取之必不可制就能制之歲寒復不爲朝廷所容

今若殺山陽與雍州舉事立天子以令諸侯則霸業成矣山陽持疑

不進是不信我今斬送天虎則彼疑可釋至而圖之罔不濟矣忱曰

朝廷狂悖日滋京師貴人莫不重足累息今幸在遠得暇日自安雍州之事且籍以相斃耳獨不見蕭令君乎以精兵數千破崔氏十萬衆竟爲群邪所陷禍酷相尋前事之不忘後事之師也且雍州士銳糧多蕭使君雄姿冠世必非山陽所能敵若破山陽荊州復受失律之責進退無可宜深慮之蕭穎達亦勸穎胄從闡文等計詰旦穎胄謂天虎曰卿與劉輔國相識今不得不借卿頭乃斬天虎送示山陽發民車牛聲云起步軍征襄陽山陽大喜甲寅山陽至江津單車白服從左右數十人詣穎胄使前汝陽太守劉孝慶等伏兵城內陽入門卽於車中斬之副車主李元履收餘衆請降柳忱世隆之子也穎胄慮西中郎司馬夏侯詳不同以告忱忱曰易耳近詳求昏未之許也乃以女嫁詳于夔而告之謀詳從之乙卯以南康王寶融教篡巖

又赦囚徒施惠澤頒賞格丙辰以蕭衍爲使持節都督前鋒諸軍事丁巳以蕭穎胄爲都督行留諸軍事穎胄遣使送劉山陽首于蕭衍且言年月未利當須明年二月進兵衍曰舉事之初所藉者一時驍銳之心事事相接猶恐疑怠若頓兵十旬必生悔吝且坐甲十萬糧用自竭若童子立異則大事不成况處分已定安可中息哉昔武王伐紂行逆太歲豈復待年月乎戊午衍上表勸南康王寶融稱尊號不許十二月穎胄與夏侯詳移檄建康百官及州郡牧數齊主反梅蟲兒茹法珍罪惡穎胄遣冠軍將軍天水楊公則向湘州西中朗參軍南郡鄧元起向夏口乙亥荊州將佐復勸寶融稱尊號不許夏侯詳之子驍騎將軍冑爲殿中主帥詳密召之冑自建康亡歸壬辰至江陵稱奉宣德皇太后令南康王宜纂承皇祚方侯清宮未卽大

號可封十郡爲宣城王相國荊州牧加黃鉞選百官西中郎府南康國如故須軍次近路主者備法駕奉迎竟陵太守新野曹景宗遣親人說蕭衍迎南康王都襄陽先正尊號然後進軍衍不從辛巳正月寶融稱相國以穎胄爲長史蕭衍爲征東將軍衍發襄陽遂圍郢城三月南康王寶融卽皇帝位于江陵以穎胄爲尚書令廢齊主爲涪陵王五月巴西太守魯休烈巴東太守蕭惠訓不從穎胄之命惠訓遣子瓚將兵攻穎胄穎胄遣劉孝慶屯硤口以拒之八月魯休烈蕭瓚破硤口進至上明穎胄復遣祭道恭拒之十一月蕭瓚與蔡道恭相持不決而蕭衍已平江郢圍建康穎胄自以不能拒制瓚等憂憤而卒瓚等聞建康已危衆懼而潰及魯休烈皆降夏侯詳乃發穎胄喪贈丞相謚憲武於是衆望盡歸于衍

齊末
元二
閏月庚辰

齊末
元二

冬十一月齊雍州刺史蕭衍起兵襄陽行荊州事

蕭穎胄亦以南康王寶融起兵江陵三月齊蕭衍立南康王寶融于江陵齊巴西東巴西郡遣兵擊之冬十一月齊尚書令巴東公蕭穎胄卒

陳姚察曰永元之末荊州方未有釁蕭穎胄悉全楚之兵首應義舉豈天之所啓人之謀不然何其響附之決也

雍州張欣泰章

張欣泰字義亨竟陵人父興世宋左衛將軍欣泰少有志節不以武業自居好讀書辟州主簿歷諸王府佐遷輔國將軍廬陵王安東司馬庚辰十一月蕭衍蕭穎胄之起兵也齊王寶卷以欣泰爲雍州刺史時寶卷昏亂人情咸伺事隙辛巳七月欣泰與弟前始安內史欣

時密謀結胡松及前南譙太守三靈秀直閣將軍鴻選等誅諸嬖倖廢齊主齊主遣中書舍人馮元嗣監軍救臨秋七月甲午茹法珍梅蟲兒及太子右率李居士制局監楊明泰送之於中興堂欣泰等使人懷刀於座斫元嗣頭墜果柙中又斫明泰破其腹蟲兒傷數膺手指皆墮居士法珍等散走還臺靈秀詣石頭迎建康主寶寅帥城中將吏見方去車輪載寶寅文武數百唱警蹕向臺城百姓數千人皆空手隨之欣泰聞事作馳馬入宮冀法珍等在外齊主盡以城中處分見委表裏相應既而法珍得返處分閉馬上仗不配欣泰兵鴻選在殿內亦不敢發寶寅在杜姥宅日已暝城門閉城上人射外人外人棄寶寅潰去寶寅亦逃三日乃戎服詣草市尉尉馳以啓齊主齊主召寶寅入宮問之寶寅涕泣稱爾日不知何人逼使上車仍將去

不自由齊主笑復其爵位張欣泰等事覺與胡松

綱目辛巳

齊主寶卷末元三寶融中興元

秋七月齊雍州刺史張欣泰謀立建安

王寶寅不克而死

尹氏曰寶融既立寶卷猶在欣泰又謀立寶寅烏有一國二君哉然而綱目亦不以反書則其惡寶卷也

南齊書裴崔張傳贊曰叔業外叛淮淝失險慧景倒戈宮門書欣泰倒戈霜刃不染

益州劉季連章

劉季連字惠績彭城人也父恩考以宋高祖族弟顯於宋世位至金紫光祿大夫季連有名譽早歷清宮齊高帝受禪悉誅宋室近屬將及季連等太宰褚淵素善之固請乃免建元中季連爲尚書左丞歷

至南郡太守建武丁丑荊州史始安王遙欣在江陵多招材勇厚自封殖齊土惡之季連密表遙欣有異迹齊王遂以季連為益州刺史使據上流以制之戊寅七月齊王鸞殂子寶卷立無道庚辰十一月蕭衍起兵襄陽辛巳三月衍立南康王寶融于江陵是為和帝廢寶卷為涪陵十二月衍入建康寶卷已為下所弒追廢為東昏侯衍自為大司馬承制壬午四月衍稱皇帝國號梁六月梁以鄧元起為益州刺史遣左右送季連子弟三人入蜀諭旨季連受飭還裝元起始得之官初季連為南郡不禮於元起都錄宋道琛有罪季連欲殺之逃匿得免至是道琛為元起典籤請先使檢校資糧緣路奉迎許之道琛既至言語不恭見人器物輒奪之不與語之曰會當屬人何須苦情於是軍府大懼謂元起不必討季連亦懼乃召兵歎曰握

兵進可以匡社稷退不失作劉備遂矯稱太后令聚兵復反收珍殺之元起至巴蜀西蜀民投附三萬餘人癸未正月成都城中食盡季連計窮梁王宣詔受季連降季連請罪鄧元啓待之以禮季連謝曰早知如此豈有前日之事季連至建康入東掖門數步一稽顙梁王笑曰卿欲慕劉備而曾不及公孫述豈無卧龍之臣邪赦為庶人

綱目丁丑齊建武四冬十二月齊以劉季連為益州刺史壬午齊和帝中興二

梁武帝天監元夏四月蕭衍稱皇帝六月梁益州刺史劉季連反癸未春

正月劉季連降梁

江州陳伯之章

陳伯之濟陰睢陵人也幼有膂力及年長在鍾離數為劫盜後隋鄉

人車騎將軍王廣之廣之愛其勇每夜卧下榻征伐嘗自隨以功累遷驃騎司馬封魚復縣伯庚辰十一月蕭衍起兵襄陽辛巳八月齊主寶卷以伯之爲江州刺史鎮尋陽以拒衍衍搜得伯之幢主蘇隆之厚賞使說下之許卽用爲江州行兵至尋陽伯之束甲請罪行卽以伯之爲江州刺史帥衆俱下十二月齊人弒寶卷衍入建康自爲大司馬承制進伯之號征南將軍封豐城縣公遣還之鎮四月衍稱皇帝國號梁伯之目不識書與奪決於王者鄧繕以舊恩爲別駕褚縉居建康素薄行仕宦不得志投伯之大見親狎又以朱龍符爲叅軍並乘伯之愚闇恣爲奸利梁主遣人代繕伯之不受命繕於是日夜說伯之反縉贊成之伯之乃集僚佐謂曰我荷明帝厚恩誓死以報卽命纂嚴詔王茂爲江州刺史討之六月兵趣豫章攻不能下茂

伯之敗走遂與縉等奔魏魏以爲平南將軍曲江縣侯乙酉十月梁臨川王宏伐魏與伯之書勸之南歸伯之乃於壽陽擁衆歸梁梁以爲西豫州刺史求新縣侯復以爲散騎常侍久之卒於家

綱目壬午

梁天監元

夏五月梁江州刺史陳伯之反兵敗奔魏

梁書傳史臣曰劉季連之文史小節而不能以自保全習亂然也陳伯之小人而乘君子之器群盜又誣而奪之安能長久矣

卮言曰劉季連陳伯之皆齊臣也蕭衍滅齊而二臣擁兵似乎義舉不爲逆節而綱目於此皆書其人以其先附而後叛耳綱目辨名分懲反覆書法宜然要之擾攘之際自與平時有異故系於此

梁陳州郡篇

建康王僧辨章

王僧辨太原和人父神念仕魏位潁川太守與僧辨據郡歸梁
城縣侯歷衛將軍謚曰忠僧辨字君才學涉該博尤明左氏春秋言
辭辨捷器宇肅然雖射不穿札而有凌雲之氣湘東王繹爲荊州刺
史僧辨隨府爲中兵叅軍歷竟陵太守侯景反繹遣僧辨赴援而臺
城陷沒僧辨遂降于景未幾遣歸竟陵辛未夏六月繹以僧辨爲大
都督帥諸將討景至巴陵聞郢州陷因留戍之景攻之不克六月繹
遣胡僧祐擊景敗之景遁還繹以僧辨爲征東將軍江州刺史封長
寧縣公僧辨進克郢州遂克益城江州刺史陳霸先引兵會之壬申
春二月諸軍發尋陽陳霸先自南江出溢口會僧辨于白茅灣築壇
歃血共盟進擊侯景敗之景亡走吳爲人所殺傳首江陵僧辨以功
進授司徒尚書令改封永寧郡公冬十一月繹卽皇帝于江陵是爲

元帝癸酉九月梁主遣王僧辨還建康陳霸先還京口甲戌三月
主以僧辨爲大尉十月魏遣兵伐梁梁主徵僧辨于建康爲荊州刺
史俄而魏兵入江陵十二月梁主被害僧辨與陳霸先奉晉安王方
智承制時齊王高洋又欲納梁貞陽侯淵明以爲梁嗣先與僧辨書
令帥衆迎接僧辨不從乙亥二月晉安王自尋陽入建康卽梁王位
以僧辨爲中書監錄尚書驃騎大將軍都督中外軍事加陳霸先征
西大將軍三月齊人遣兵送淵明至東關裴之橫禦之敗死僧辨大
懼出屯姑熟謀納淵明五月僧辨遣使啓淵明定君臣之禮因求以
梁王爲太子淵明許之自采石濟江齊師還淵明入建康卽位以僧
辨爲大司馬初僧辨與霸先共滅侯景情好甚篤及僧辨納淵明霸
先遣使爭之不從霸先歎曰武帝子孫甚多唯孝元能復讐雪耻其

子何罪而忽廢之吾與王公並受託孤而王公一旦改圖外依戎狄
援立非次其志欲何爲乎乃密聚金帛爲賞賜之具會有告齊師至
者僧辨遣人告霸先使爲備霸先遂帥兵突入建康僧辨與子顏帥
左右苦戰敗走就執霸先殺之

史臣曰自侯景寇逆世祖據有上游以全楚之兵委僧辨將帥之
任及尅平禍亂功亦著焉在乎策勲當上台之賞敬帝以高祖貽
厥之重世祖繼體之尊泊渚宮淪覆理膺寶祚僧辨位當將相義
存伊霍乃受脅齊師傍立支庶苟欲行夫忠義何忠義之遠矣樹
國之道旣虧謀身之計不足自致殲滅悲夫

吳興杜龕章

譙秦徐嗣徽
青州任約附

杜龕京兆杜陵人其先自北歸南居於雍州之襄陽子孫因家焉曾

龕齊給事中祖懷寶大監中爲梁州刺史父岑知名於世龕少
驍勇善用兵太清中與諸父同歸元帝封廬縣侯從王僧辨平侯景
論功爲最授平東將軍江陵陷齊納貞陽侯淵明以龕爲震州刺史
吳興太守又加鎮東大將軍都督南豫州刺史滎陽縣侯龕王僧辨
之婿也龕恃僧辨之勢素不禮於陳霸先在吳興每以法繩其宗族
霸先深怨之及將圖僧辨客使兄子禧還長城立柵以備龕僧辨死
龕據吳興拒霸先義興太守韋載以郡應之吳郡太守王僧智僧辯
之弟也亦據城拒守陳蒨至長城收兵纔數百人杜龕遣其將杜泰
將精兵五千奄至將士相視失色蒨言笑自若部分益明衆心乃定
泰日夜苦攻數旬不克而退霸先使周文育攻義興義興屬縣卒皆
霸先舊兵善用弩韋載收得數十人擊以長鎖命所親監之使射文

育軍約曰十發不兩中者死故每發輒斃一人文育軍稍却載因於城外據水立柵相持數旬杜龕遣其從弟北叟將兵拒戰北叟敗歸于義興霸先聞文育軍不利辛未自表東討留高州刺史侯安都石州刺史杜稜宿衛臺省甲戌軍至義興丙子拔其水柵譙秦刺史徐嗣徽從弟嗣先僧辨之婿也亡就嗣徽以州入于齊嗣徽密結南豫州刺史任約將兵乘虛襲建康據石頭游騎至闕下侯安都閉門夜爲戰備將旦嗣徽等至安都出戰大破之嗣徽等奔還石頭不敢復逼臺城陳霸先遣韋載族弟翽齎書諭戰丁丑載及杜北叟皆降霸先厚撫之以翽監義興郡引載置左右與之謀議霸先卷甲還建康使周文育討杜龕救長城將軍黃他攻王僧智于吳郡不克霸先使寧遠將軍裴忌助之忌選所部精兵輕行倍道自錢塘直趣吳郡夜

至城下鼓譟薄之僧智以爲大軍至輕舟奔吳興忌入據吳郡因以忌爲太守十一月己卯齊遣兵五千度江據姑孰以應徐嗣徽任約陳霸先使合州刺史徐度立柵於冶城庚寅齊又遣安州刺史翟子崇楚州刺史劉士榮淮州刺史柳達摩將兵萬人於胡墅度米三萬石馬千匹入石頭霸先問計於韋載載曰齊師若分兵先據三吳之路略地東境則時事去矣今可急於淮南因侯景故壘築城通東道轉輸分兵絕彼之糧運使進無所資則齊將之首旬日可致霸先從之癸未使侯安都夜襲胡墅燒齊船千餘艘仁威將軍周鐵虎斷齊運輸擒其北徐州刺史張領州召遣韋載於大航築戾景故壘使杜稜守之齊人於倉門水南立二柵與梁兵相拒壬辰齊大都督蕭軌將兵屯江北甲辰徐嗣徽等攻冶城柵陳霸先將精甲自西門出擊

之嗣徽等大敗留柳達摩等守城自往采石迎齊援十二月癸丑侯
安都襲秦郡破徐嗣徽柵俘數百人收其家得其琵琶及膚遣使送
之曰昨至弟處得此今以相還嗣徽大懼丙辰陳霸先對冶城立航
悉度衆軍攻其水南一柵柳達摩等度淮置陳霸先督兵疾戰縱火
燒柵齊兵大敗爭舟相擠溺死者以千數呼聲震天地盡收其舡艦
是日嗣徽與任約引齊兵水步萬餘人還據石頭霸先遣兵詣江寧
據要險嗣徽等水步不敢進頓江寧浦口霸先遣侯安都將水軍襲
破之嗣徽等單舡脫走盡收其軍資器械己未霸先四面攻石頭城
中無水升水直絹一匹庚申達摩遣使請和於霸先且求質子時建
康虛弱糧運不繼朝臣皆欲與齊和請以霸先從子曇朗為質霸先
曰今在位諸賢欲息肩於齊若違衆議請孤愛曇朗不恤國家今決

國棄之寇庭齊人無信謂我微弱必當背盟齊寇若來請遣使

孤力闔也乃以曇朗及永嘉王莊丹陽尹王冲之子珉為質與齊

人盟於城外將士恣其南北辛酉霸先陳兵石頭南人送齊人歸北

徐嗣徽任約皆奔齊收齊馬仗船米不可勝計齊王誅柳達摩壬戌

齊和州長史烏九遠自南州奔還歷陽江寧令陳嗣黃門侍郎曹朗

據姑孰反霸先命侯安都等討平之霸先恐陳曇朗亡竄自帥步騎

至京口迎之丙子梁敬帝 太平元正月霸先使從事中郎江旰說徐嗣徽使

南歸嗣徽執旰送齊二月癸亥徐嗣徽任約襲采石執戍主明州刺

史張懷鈞送於齊三月戊戌齊遣儀同三司蕭軌庫狄伏連堯難宗

東方老等與任約徐嗣徽合兵十萬入寇出柵口向梁山陳霸先帳

內盟主黃叢逆擊破之齊師退保蕪湖霸先遣定州刺史沈泰等就

侯安都共據梁山以禦之周文育攻湓城未克召之還夏四月丁巳
霸先如梁山巡撫諸軍侯安都輕兵襲齊行臺司馬恭於歷陽大破
之俘獲萬計六月齊人召建安公淵明詐許退師陳霸先具舟送之
癸未淵明疽發背卒甲申齊兵發蕪湖庚寅入丹陽縣丙申至秣陵
故冶陳霸先遣周文育屯方山徐度頓馬牧杜稜頓大航南以禦之
辛丑齊人跨淮立橋柵度兵夜至方山徐嗣徽等列艦於青墩至於
七磯以斷周文育歸路文育鼓譟而發嗣徽等不能制至旦反攻嗣
徽嗣徽驍將鮑磻獨以小艦殿軍文育乘單舫艦與戰跳入艦中斬
磻仍遣其艦而還嗣徽衆大駭因留船蕪湖自丹陽步上陳霸先追
侯安都徐度皆還癸卯齊兵自方山進及兒塘游擊至臺建康震駭
梁王禁兵出頓長樂寺內外募嚴霸先拒嗣徽等於白城適與周文

育會將戰風急霸先曰兵不逆風文育曰事急矣何用古渡山
馬先進衆軍從之風亦尋轉殺傷數百人侯安都與嗣徽等戰於耕
壇南安都帥十二騎突其陳破之生擒齊儀同三司乞伏無勞霸先
潛撤精卒三千配沈泰渡江襲齊行臺趙彥升於瓜部獲艦百餘艘
粟萬斛六月甲辰齊兵潛至鍾山侯安都與齊將王敬寶戰於龍尾
軍主張纂戰歿丁未齊師至幕府山霸先遣別將錢明將水軍出江
乘邀擊齊人糧運盡獲其船米齊軍乏食殺馬驢食之庚戌齊軍踰
鍾山霸先與衆軍分頓樂遊苑東及後卅山北斷其衝要壬子齊軍
至玄武湖西北將據北郊壇衆軍自覆舟東移頓壇北與齊人相對
會連日大雨平地水丈餘齊軍晝夜坐立泥中足指皆爛懸扇以禦
而臺干及潮溝北路燥衆軍毋得番易時四方壅隔糧不至建康戶

口流散徵求無所甲寅少霽霸先將戰調市人得麥飯分給軍士士皆飢疲會陳蒨饋米三千斛鴨千頭霸先命炊米煮鴨人以荷葉裹飯媿以鴨肉數瓣乙卯未明蓐食比曉霸先帥麾下出幕府山戾安都謂其部將蕭摩訶曰卿驍勇有名千聞不如一見摩訶對曰今日令公見之及戰安都墜馬齊人圍之摩訶單騎大呼直衝齊軍齊軍披靡安都乃免霸先與吳明徹沈泰等衆軍首尾齊舉縱兵大戰安都自白下引兵橫出其後齊師大潰斬獲數千人相蹂藉而死者不可勝數生擒徐嗣徽及弟嗣宗斬之以徇追奔至於臨沂其江乘攝山鍾山等諸軍相次克捷虜蕭軌東方老王敬寶等將帥凡四十六人其軍士得竄至江者縛荻筏以濟中江而溺流尸至京口鬻水彌岸惟任約王僧愔得免

綱目乙亥冬十月梁吳興太守杜龕叛梁遣陳蒨討之蒨大破之徐嗣徽南豫州刺史任約襲建康入於石頭以叛十一月齊遣兵援之十二月梁陳霸先及齊人戰敗之徐嗣徽任約奔齊丙子春正月梁陳蒨克吳興獲杜龕殺之夏六月梁陳霸先及齊師戰敗之殺蕭軌及徐嗣徽

劉氏曰杜龕徐嗣徽皆書叛矣殺之則曷為不書誅霸先父子不得而誅之也故止從蕭軌書殺

卮言曰陳霸先既殺王僧辯則篡梁之勢成矣杜龕等據郡以叛葢不附霸先者綱目書叛豈子篡乎龕等固梁臣也是時霸先猶未篡也拒霸先卽叛梁也馬騰拒曹操而書及綱目如此類者亦多矣正名分尊體統不得不然况龕等皆王僧辯姻亞

僧辯死而爲自全計豈與義兵同乎書殺則不予霸先之討也
故系之於此

秦州徐嗣徽章

徐嗣徽高平人父雲伯自青部南歸位終新蔡太守侯景之亂嗣徽
歸荊州元帝以爲羅州刺史及弟嗣產嗣宗並有武用嗣徽從征巴
丘以功爲太子左衛率任譙秦二州刺史嗣徽從弟嗣先僧辯之婿
也僧辯死嗣先亾就嗣徽嗣徽以州入於齊舉兵襲建康敗死詳前
條

豫州

任約爲青州刺史與徐嗣徽同舉兵襲建康敗走詳前條

會稽張彪章

張彪襄陽人南郡王大連之鎮會稽也以彪爲中兵參軍留異爲司
馬已巳冬侯景將宋子仙攻會稽執大連異降於景爲東陽太守庚
午十月彪等起兵於若邪山攻破浙東諸縣有衆數萬吳郡人陸令
公等說太守南海王大臨往依之大臨曰彪若成功不資我方如其
撓敗以我自解不可往也辛未正月彪遣其將趙稜圍錢塘孫鳳圍
富春侯景遣田遷趙伯超救之稜鳳敗走十月彪攻永康克之壬申
四月王僧辯等平侯景癸酉齊人將襲建康十月王僧辯至姑孰遣
侯瑱與彪及吳興太守裴之橫築壘東關以待齊師閏月齊師大敗
甲戌正月陳霸先圍齊廣陵瑱彪皆出石梁爲之聲援六月齊兵趣
涇州王僧辯使瑱彪自石梁引兵助嚴超達拒之瑱彪遲留不進已
而齊擊超達破之陳霸先解圍走瑱彪各還鎮十二月江陵陷王僧

辯陳霸先奉晉安王方智承制以彪爲郢州刺史尋改東揚州刺史
乙亥十月陳霸先殺王僧辯彪素爲僧辯所厚不附霸先丙子二月
陳蒨旣克吳興遂與周文育輕兵襲會稽彪兵敗走入若邪山中蒨
遣其將章昭達追斬之霸先以留異爲縉州刺史

豫章

今江西

南昌府 侯瑱章

詳後

侯瑱巴西充國人父弘遠世爲西蜀首豪蜀賊張文萼據白崖山益
州刺史鄱陽王範命弘遠討之弘遠戰歿瑱固請復讐遂斬文萼由
是知名因事範範委以軍事累官授馮翊太守侯景之亂瑱隨範徙
鎮益城今九江府庚午六月範卒瑱往依豫章內史莊鐵鐵忌之瑱不自
安詐引鐵謀事因殺之自據豫章今南昌府七月侯景將于慶略地至豫
章瑱乃屈降之慶送瑱於建康景以瑱同姓待之甚厚留其妻子及

弟爲質遣瑱隨慶徇蠡南諸郡以瑱爲湘州刺史辛未五月侯景敗
於巴陵七月于慶自鄱陽還豫章瑱閉門拒之慶走江州湘東王繹
以瑱爲兖州刺史景悉殺瑱子弟壬申春瑱隨王僧辯討侯景誅之
湘東立於江陵以瑱爲婺州刺史封郟縣侯癸酉冬從王僧辯禦齊
師敗之遷南豫州刺史鎮姑孰甲戌冬魏兵攻江陵王僧辯以瑱爲
前軍赴援未至而江陵陷瑱之九江因衛晉安王方智還建安承制
以瑱爲侍中江州刺史改封康樂縣公鎮豫章乙亥九月陳霸先殺
王僧辯瑱以本事僧辯亦擁兵據豫章及江州不附霸先丙子二月
霸先使周文育將兵擊益城又遣侯安都等立柵於梁山以備之五
月王琳將侯平叛奔江州瑱與之結爲兄弟初瑱鎮豫章余孝頃於
新吳今南昌府別立城柵與瑱相拒使其從弟翕守豫章悉衆攻孝頃

久不克築長圍守之癸酉侯平發兵攻翕大掠豫章焚之奔于建康
瑱衆潰奔益城依其將焦僧度僧勸之奔齊會陳霸先使蔡景歷
說瑱令降瑱乃詣關歸罪霸先為之誅侯平以瑱為司空累加太尉
都督湘郢六州鎮益城改封零陵郡公陳天嘉辛巳卒謚壯肅

綱目庚午梁大夏五月梁侯瑱殺莊鐵據豫章秋七月侯景陷江
州及豫章辛未秋七月豫章復為梁丙子梁太春正月梁遣兵擊
侯瑱於益城秋七月梁以侯瑱為司空

劉氏曰杜龕書叛書討瑱據江州則曷為書擊瑱不附霸先非
叛於梁也故據江州不書據而書擊瑱於益城降不書降而書
以瑱為司空不使瑱列於叛人也曷為再書梁殊梁於霸先也
危言曰侯瑱始殺莊鐵而據豫章終不附霸先而據江州可謂

故船汭流俱下燒豫章柵偽若遁去者孝頃望之大喜不復設備文
育由間道兼行據芋韶分兵襲歐陽頎傳泰皆擒之攷孝頃退走而
勃為其下所殺攷孝頃猶據石頭為兩城各據其一多設船艦夾水
而陳三月丞相霸先遣侯安都助周文育擊之安都潛師夜燒其船
艦文育帥水軍安都帥步軍進攻之蕭孜出降孝頃逃歸新吳文育
等引兵還霸先復以頎為衡州刺史使討廣州平之五月孝頃遣使
詣丞相府乞降十月霸先篡梁稱帝戊寅正月梁湘州刺史王琳代
陳至益城今江西九江府孝頃遣沙門道林說琳曰周迪黃法氈時為高州刺史即今
崇仁皆依附金陵陰窺間隙大軍若下必為後患不如先定南川然後
東下孝頃請席卷所部以從下吏琳乃遣樊猛等將兵三千赴之使
孝頃總督諸將屯於臨川故郡周敷所屯也蓋并以周敷徵兵糧於迪以觀其所

為五月孝頌等屯二萬軍於工塘連入城以逼周迪迪懼請和并送兵糧猛等欲受盟而還孝頌貪其利不許樹柵圍之由是猛等與孝頌不協七月高州刺史黃法氈吳興太守沈恪寧州時於臨川故郡置寧州刺史周敷合兵救迪敷自臨川故郡斷江口分兵攻孝頌別城樊猛等不救而沒孝頌等皆棄舟引兵步走迪追擊盡擒之送孝頌於建康孝頌之弟孝勸及子公颺猶據舊柵新吳舊柵不下陳遣周文育督諸軍討之四月文育軍於金口公颺詐降謀執文育文育覺之囚送建康文育進屯三陂王琳遣其將曹慶帥二千人救孝勸慶分遣主帥常衆愛與文育相拒自帥其衆攻周迪迪敗文育退據金口熊曇朗殺之侯安都引軍還遇王琳將周炅等南歸與戰擒之孝勸弟孝猷帥所部四千家詣安都降其後孝頌累官領益州刺史

義舉兩降於賊則失據矣始降於景猶曰力屈尚有待也終而伏闕歸罪卒為陳臣固不得為義士也且不得為丈夫乎

巴山今江西撫州崇仁縣黃法氈章

黃法氈巴山人有勇力侯景之亂合徒衆保鄉里太守賀詡下江州命法氈監郡事法氈屯新淦今縣屬江西臨江府庚午七月侯景將于慶自豫章分兵襲新淦廣州刺史陳霸先使周文育進軍擊慶法氈引兵會之侯景平以功為明威將軍丙子冬陳霸先自為丞相分江州四郡置高州以其地在南江之西負山向水據高臨深因名高州以法氈為刺史鎮巴山分廬陵之巴山郡其郡古跡在撫州崇仁縣巴山之北丁丑陳霸先募梁法氈始終為陳詳後各章

新吳今南自奉新縣金氏章

余孝頃新吳今江西南人辛未梁大正月孝頃舉兵拒侯景景遣于

慶攻之不克湘東王暉以孝頃為巴州刺史六月孝頃遣兄子僧重

將兵救鄱陽于慶退走癸酉五月王僧辯圍陸納於湘州孝頃將兵

萬人會之湘州平丙子二月陳霸先既殺王僧辯侯瑱不附據江州

豫章孝頃於新吳別立城柵與瑱相拒瑱攻之不克而豫章為侯平

所焚瑱泉清歸建康孝頃遷南江州刺史丁丑二月蕭勃起兵廣州

遣歐陽頎蕭收為前軍孝頃以兵會之頎出南康屯豫章之苦竹灘

傅泰據蹠口城孝頃遣其弟孝勸守郡城自出豫章據石頭今南昌

章江西岸平西將軍周文育帥大軍討勸軍少船孝頃有船在上牢

文育遣焦僧度襲之盡取以歸仍於豫章立柵軍中食盡使人間行

遺周迪書約為兄弟迪得書甚喜許饋以糧於是文育分遣老弱乘

北江州今湖廣黃曾悉達章

悉達扶風人侯景之亂悉達糾合鄉人以保新蔡今黃力田蓄穀

時江東饑亂餓死者什八九遺民攜老幼歸之悉達分給糧廩全齊

甚眾招集晉熙等五郡盡有其地使其弟廣達將兵從王僧辯討侯

景壬申四月景平以悉達為北江州刺史北江州治在丁丑陳霸先

篡梁戊寅正月梁王琳伐陳屯於白水以悉達為鎮北將軍陳亦以

悉達為征西將軍各送鼓吹女樂悉達兩受之遷延顧望皆不就陳

遣安西將軍沈泰襲之不克琳欲引軍東下而悉達制其中流琳遣

使說誘終不從已卯五月悉達部將梅天養等引齊軍入城悉達帥

麾下數千人濟江自歸拜平南將軍北江州刺史此北江州在今

綱目壬申梁元承夏梁以曾悉達為北江州刺史已卯陳武帝夏

六月齊取梁北江州刺史魯悉達奔陳

臨川周迪章 周敷附

周迪臨川南城人少居山谷有膂力以弋獵為事侯景之亂迪宗人起兵郡中梁始興王毅 時為臨川內史 以郡讓之而去續部將皆郡中豪族

多驕橫續裁制之諸將皆怨相與殺之迪勇冠軍中眾推為主迪素寒微恐郡人不服以同郡周敷族望高顯折節交之敷亦事迪甚謹

迪據工塘 一作上塘地闕 敷據故郡 今江西撫州臨川縣 梁以迪為衡州刺史領臨川

內史封臨汝縣侯敷為寧州刺史 時蓋於臨川故郡置寧州以敷為刺史 封西豐縣侯

按通鑑西豐侯周敷為周迪所殺迪敷同時據地封侯故並系之 時民遭侯景之亂皆棄農業羣聚為盜惟迪所部獨務農桑各有儲蓄政教嚴明徵斂必至餘郡乏絕

者皆仰以取給迪性質朴不喜威儀 時從既雖外列兵衛內有女

霸先篡梁時熊曇朗在豫章留異在東陽陳寶應在晉安與迪共相連結戊寅正月迪欲自據南川 自豫章至南頓謂之南川 乃總召所部八郡守

卒結盟齊言入赴陳主恐其為變厚慰撫之王琳伐陳余孝頃與琳討樊猛等攻迪迪擊擒之 詳前章 遷江州刺史己卯六月陳主霸先殂

兄子臨川王蒨立庚辰二月梁丞相王琳伐陳帥師東下陳主徵南川兵迪與黃法蕤帥舟師將赴之熊曇朗據城列艦塞其中路迪等

與周敷共圍之遂拔其城曇朗走成傳首建康陳以敷為豫章太守移鎮豫章壬午二月陳徵迪出鎮淦城 周迪領江州刺史而屯據臨川徵之鎮淦城若以江州授

之 又徵其子入朝迪赴且顧望並不至其餘南江酋帥私署令長多不受召陳主未暇致討但羈縻之豫章太守周敷獨先入朝進號安

西將軍給鼓吹一部賜以女伎金帛令還豫章迪以敷素出已下深不平之乃陰與留異相結遣其弟方興襲敷敷與戰破之又遣其兄子伏甲船中詐為賈人欲襲淦城未發事覺潯陽太守華皎遣兵逆擊之盡獲其船仗陳主乃以吳明徹為江州刺史督黃法氈周敷共討迪九月明徹至臨川攻迪不能克詔安成王頊代之癸未正月迪眾潰脫身踰嶺奔晉安依陳寶應官軍克臨川獲迪妻子寶應以兵資迪留異又遣子忠臣隨之九月迪復越東興嶺為寇陳護軍章昭達將兵討之十一月昭達大破迪迪脫身潛窟山谷民相與匿之雖加誅戮無肯言者甲申十月迪復出東興宣城太守錢肅鎮東興以城降敵吳州刺史陳詳將兵擊之詳兵大敗迪眾復振南豫州刺史西豐脫侯周敷帥所部擊之至定州與迪對壘迪給敷曰吾昔與弟

方同心豈規相害今願伏罪還朝因弟披露心肺先乞挺身共盟敷許之方登壇為迪所殺十一月章昭達克晉安獲陳寶應留異建康斬之乙酉七月陳遣都督程靈洗自鄱陽別道擊迪破之迪麾下十餘人窟於山穴中日月浸久從者亦稍苦之後遣人潛出川市魚鮭臨川太守駱牙執之令取迪自効因使腹心勇士隨之入山其人誘迪出獵勇士伏於道旁出斬之傳首建康

綱目丙子

梁敬帝太平元

冬十二月梁以周迪為臨川內史壬午

陳文帝天嘉三

春閏二月陳遣兵討其江州刺史周迪於臨川癸未春正月陳周迪眾潰晉安甲申冬十月周迪誘陳南豫州刺史周敷殺之乙酉秋七月陳遣兵擊周迪殺之

劉氏曰書于臨川未受命也然則書討何迪與東陽晉安共相

連結既外敗梁師復內拒陳命是欲自尊一壑存三窟也使廸
初卽降梁則綱目不書以討矣誘殺周敷何以不書陳絕於陳
也廸與陳寶應留異皆書討矣二子書誅廸則何爲書殺廸梁
之內史也綱目於此有權衡矣

考異曰綱目前書陳討周廸後亦當書討書誅誤書擊書殺
庾言曰綱目以周廸等與陳霸先同時事梁不予陳以討也又
以廸等旣受陳官不得不書討而陳寶應悔不早從虞寄之言
留異恒懷兩端故於其敗死也書誅廸始終不屈於陳若爲梁
臨川內史者故不書誅而書擊殺以見其義

晉安

今福建

陳寶應章

陳寶應晉安侯官

今縣屬泉州府

人世爲閩中豪姓父羽有材幹爲郡雄豪

寶應多權詐梁末晉安數反累殺郡將皆羽佐成尋復爲官軍鄉導
破之由是郡中畏服侯景之亂晉安太守賓化侯雲以郡讓羽羽老
但治郡事令寶應典兵時東境荒饑而晉安獨豐衍寶應數自海道
出寇抄臨安永嘉會稽或載米粟與之貿易由是能致富強侯景平
梁元帝因以羽爲晉安太守及陳霸先輔政羽求傳位於寶應霸先
許之以寶應爲晉安太守封侯官縣侯邑五百戶時東西嶺路寇賊
擁隔寶應由海道入會稽貢獻霸先募梁爲陳寶應與周廸等共相
連結閩中豪帥往往立砦以自保陳主患之使黃門侍郎蕭乾諭以
禍福豪帥皆帥衆請降卽以乾爲建安今建寧府太守以寶應爲閩州刺
史領會稽太守陳主霸先殂兄子舊立加羽光祿大夫寶應子女皆
受封爵命宗正編入屬籍壬午二月陳討周廸於臨川廸陰與留異

相結而寶應以異女爲妻亦陰與異合虞荔弟寄流寓閩中荔思之成疾陳主爲荔徵之寶應留不遣寄嘗從容諷以逆順寶應輒引它語以亂之寶應嘗使人讀漢書臥而聽之至蒯通說韓信曰相君之背貴不可言嗾然起坐曰可謂智士寄曰通一說殺三士何足稱智豈若班彪王命識所歸乎是年留異敗奔晉安癸未周迪敗奔晉安寄與寶應書曰自天厭梁德英雄互起陳氏夷凶翦亂海內樂推此乃天時非人力也將軍以藩戚之重率衆勤王豈不勳高賞融寵過吳芮析珪判野判亦分也南面稱孤乎聖朝棄瑕忘過寬厚得人况將軍釁非張繡罪異畢謀當何慮於危亡何失於富貴方今周齊鄰睦境外無虞并兵一向匪朝伊夕非劉項競逐之機楚趙連從之勢何得雍容高拱坐論西伯哉且兵革已後民皆厭亂其孰能棄墳墓

並書以討而寶應獨名

東陽今浙江金華東陽縣留異章

留異東陽長山今金華府金華縣人世爲郡著姓異善自居處爲鄉里雄豪

梁天監中爲蟹浦戍主歷晉安令侯景之亂還鄉里召募士卒東陽郡丞與異有隙引兵殺之及其妻子太守沈巡援臺讓郡於異異使兄子超監知郡事自率兵隨巡出都已巳侯景陷臺城梁武殂簡文立南郡王大連爲東揚州刺史板異爲司馬時會稽豐沃勝兵數萬糧仗山積東土人懲侯景殘虐咸樂爲用而大連朝夕酣飲不恤軍事異兇狡殘暴爲衆所患大連悉以軍事委之十二月宋子仙攻會稽大連棄城走異奔還鄉里尋以其衆降於子仙爲子仙鄉導追及大連於信安執送建康景以異爲東陽太守收其妻子爲質辛未冬

侯景自巴丘敗還景將劉神茂叛景據東陽以應江陵壬申春景遣謝答仁攻東陽神茂降遂建康殺之異外同神茂而潛通於景故得免禍王僧辯等討景誅之使異慰勞東陽仍糾合鄉里保據巖阻其衆甚盛州郡憚之梁元帝以爲信安令及江陵陷王僧辯以異爲東陽太守乙亥冬陳霸先殺王僧辯張彪據會稽不附霸先丙子二月霸先遣兄子禕輕兵襲彪殺之異饋禕糧食霸先以異爲縉州刺史領東陽太守封永興縣侯邑五百戶丁丑冬霸先篡梁加異信威將軍增邑三百戶又以禕女豐安公主妻異子貞臣徵異爲南徐州刺史異遷延不就陳武祖禕立復以異爲縉州刺史領東陽太守異屢遣其長史王漸入朝漸每言朝廷虛弱異信之雖外示臣節恒懷兩端與王琳自鄱陽信安嶺潛通使往來庚辰二月王琳兵敗奔齊陳

柏妻于出萬死不顧之計從將軍於白刃之間乎歷觀前古子陽子孟顛覆相尋餘善右渠危亡繼及况將軍欲以數郡之地當天下之兵以諸侯之資拒天子之兵強弱逆順可得侔乎非我族類其心必異留將軍身縻國爵子尚王姬猶且棄而不顧危急之日豈能同憂共患不背將軍者乎至於師老力屈懼誅利賞必有韓智晉陽之謀張陳井陘之勢北軍萬里遠鬪鋒不可當將軍自戰其地人多顧後衆寡不敵將帥不侔師出無名未知其利爲將軍計莫若絕親留氏釋甲偃兵一遵詔旨方今藩維尚少皇子幼冲凡豫宗族皆蒙寵樹况以將軍之才地名勢而克修藩服北面稱臣寧與劉澤同年而語其功業哉竇應大怒然以寄民望優容之十一月陳將軍章昭達破周迪於東興嶺遂進軍度嶺趣建安以討竇應詔益州刺史余孝頃

督會稽東陽臨海永嘉諸軍自東道會之甲申十一月寶應據建安
 晉安二郡水陸為柵以拒章昭達昭達與戰不利因據上流伐木為
 筏施拍其上乘江漲壞其水柵又攻其步軍方合戰余孝頃自而道
 適至并力乘之寶應大敗逃至莆口謂其子曰早從虞公計不至今
 日昭達追擒之并擒留異及其族黨送建康斬之

綱目乙亥

梁敬帝 紹泰元

十二月梁以陳寶應為晉安太守癸未

陳文帝 天嘉四

冬十一月陳討周廸敗之遂進軍討陳寶應甲申冬十一月陳克
 晉安陳寶應留異誅之

劉氏曰陳之討廸也書其江州刺史其討異也書其緡州刺史
 寶應亦其閩州刺史也曷為削其官罪之也寶應本與周留互
 為三窟陳氏得國再世矣既不受其徵命又主遁逃是亂也故

又遣左衛將軍沈恪代異寶以兵襲之異出軍下淮以拒恪恪與戰

而敗退還錢塘異復上表遜謝時眾軍方事湘郢乃降詔書慰諭且

羈縻之異知陳終當討已乃以兵戍下淮及建德今縣屬池州府以脩江路

陳主詔司空侯安都討之周廸陳寶應陰與異合詳前章壬午三月異始謂臺軍必

自錢塘上既而侯安都步由諸暨今縣屬紹興府出永康今屬今華異大驚奔桃

枝嶺於巖口豎柵以拒之安都因其山勢迤而為堰會潦水漲滿安

都引船入堰起樓艦與異城等發拍碎其樓堞異與子忠臣脫身奔

晉安依陳寶應安都虜其妻及餘子盡收鎧仗而還異黨向文政據

新安今徽州府陳以程文季為新安太守帥精甲三百徑往攻之文季戰

敗遂降甲申十一月陳克晉安并擒異及其族黨送建康斬之貞臣

以尚主得免

綱目壬午陳文帝春三月陳遣兵討其縉州刺史留異于東陽異

奔晉安甲申冬十一月陳克晉安獲陳寶應留異誅之

豫章熊曇朗章

熊曇朗豫章南昌人世為郡著姓曇朗有勇力容貌甚偉侯景之亂

聚眾據豐城今縣屬南昌府為柵梁元帝以為巴山太守江陵陷曇朗兵力

浸強侵掠鄰縣及侯瑱鎮豫章曇朗外示服從而陰圖之侯方見之

及鎮也曇朗為之謀主及瑱敗走曇朗獲其馬仗丁丑二月蕭勃起

兵於廣州以歐陽頔為前鋒出南康屯豫章之苦竹灘曇朗誘頔共

襲高州刺史黃法氈又語法氈約共破頔且曰事捷與我馬仗遂出

軍與頔俱進至法氈城下曇朗陽敗走法氈乘之頔失援而走曇朗

取其馬仗而歸時巴山陳定亦擁兵立寨曇朗偽以女妻定子又謂

定曰周迪余孝頃並不願此婚須以強兵來迎定乃遣精甲三百往

迎既至曇朗執之及其馬仗並論價責贖及陳霸先篡梁稱帝曇朗

以南川豪帥隨例除桂州刺史領豐城令歷豫章太守戊寅秋王琳

遣樊猛等隨余孝頃攻周迪於臨川曇朗帥眾救迪以功加寧遠將

軍封永化縣侯邑一千戶己卯五月陳遣將軍周文育與周迪等共

討余孝頃之子公颺於新吳曇朗引兵會之眾且萬人王琳遣其將

曹慶攻迪敗之文育退據金口時周迪棄船走不知所在文育得迪

書自齎以示曇朗曇朗因其失利殺之於坐而併其眾因據新淦城

今縣屬臨江府曇朗將兵萬人襲周敷敷擊破之曇朗單騎奔巴山庚辰二

月王琳伐陳陳徵南川兵周迪等將赴之曇朗據城列艦塞其中路

迪等共圍之琳敗於蕪湖曇朗部眾離心三月迪攻拔其城虜男女

萬餘口曇朗走入村中村民斬之傳首建康盡滅其族

綱目已卯

陳武帝永定三

夏五月陳豫章內史熊曇朗殺周文育

按通鑑及陳書

曇朗署豫章太守綱目誤書內史且曇朗敗死不書

陳書史臣曰梁末之災沴羣兇競起郡邑巖穴之長村屯鄔壁之豪資剽掠以致彊恣凌侮而爲大高應斯撥亂戡定安輯熊曇朗周迪留異陳寶應雖身逢興運猶志在亂常曇朗姦慝翻覆夷滅斯爲幸矣寶應及異世祖或敦以婚姻或處其類族豈有不能威制蓋以德懷也遂乃背恩負義各立異圖地匪淮南有爲帝之志勢非庸蜀啟自王之心嗚呼旣其迷暗所致五宗屠勦宜哉

卮言曰侯景之亂羣雄並起陳霸先乘之因以篡梁是亦侯景也而欲以收拾人心不亦難乎當時據土擁兵者乍服乍貳至於再世而猶倔強若輩知時之可爭不知已之不能爭也王琳義不臣陳且不能以糾合之旅敵建康之師况其反覆者哉

隋鎮將篇

楚楊玄感章

楚公楊玄感弘農華陰人父素初以功封越國公文帝時爲尚書左僕射專掌朝政文帝廢太子勇而立晉王廣素之謀也及文帝寢疾廣有罪帝遣使召勇素聞以白廣廣遂弑帝而自立是爲煬帝素遷司徒改封楚公卒玄感體貌雄偉美鬚髯少時晚成人多謂之癡素謂所親曰此兒不癡也及長好讀書便騎射以父軍功位至柱國嗣楚國公遷禮部尚書初素恃功驕倨或失人臣禮煬帝心銜而不言

及素卒謂近臣曰使素不歿終當族滅玄感知之內不自安且以朝政日紊自以累世貴顯在朝文武多父之故吏乃與諸弟潛謀作亂煬帝方事征伐玄感自言世荷國恩願為將領帝喜曰將門必有將相門必有相固不虛也由是寵遇日隆頗預朝政大業九年癸酉四月煬帝伐高麗命玄感於黎陽督運遂與虎賁郎將王仲伯汲郡贊治趙懷義等謀故逗遛漕運不時進發欲令度遼諸軍乏食帝遣使者促之玄感揚言水路多盜不可前後而發玄感弟虎賁郎將玄縱鷹揚郎將萬石並從幸遼東玄感潛遣人召之二人皆亡還萬石至高陽為監事許華所執斬於涿郡時右驍衛大將軍來護兒自東萊將入海趣平壤玄感遣家奴偽為使者從東方來詐稱護兒及六月乙巳玄感入黎陽閉城大索男夫取帟布為牟甲署官屬皆準開皇

之舊

不用煬帝所改官制

移書徇郡以討護兒為名各令發兵會於倉所郡縣

官有幹用者玄感皆以運糧追集之以趙懷義為衛州刺史東光尉元務本為黎州刺史河內郡主簿唐禕為懷州刺史治書侍御史游元督運在黎陽玄感謂曰獨夫肆虐陷身絕域此天亡之時也我今親帥義兵以誅無道卿意如何元正色曰尊公荷國寵靈近古無比公之弟兄青紫交映當謂竭誠盡節上答鴻恩豈意墳土未乾親圖反噬僕死不敢聞命玄感殺之玄感選運夫少壯者得五千餘人丹陽宣城篙梢三千餘人刑三牲誓衆且諭之曰主上無道不以百姓為念天下騷擾死遼東者以萬計今與君等起兵以救兆民之弊何如衆皆踴躍稱萬歲乃勒兵部分唐禕逃歸河內先是玄感陰遣家僮至長安召李密及弟玄挺赴黎陽及舉兵密適至玄感大喜以為

謀主謂密曰子常以濟物爲己任今其時矣計將安出密曰天子出
征遠在遼外去幽州猶隔千里南有巨海北有強胡中間一道理極
艱危公擁兵出其不意長驅入薊據臨渝之險扼其咽喉歸路旣絕
高麗聞之必躡其後不過旬月資糧皆盡其衆不降則潰可一戰而
擒此上計也玄感曰更言其次密曰關中四塞天府之國雖有衛文
昇不足爲意今帥衆鼓行而西經城勿攻直取長安收其豪傑撫其
士民據險而守之天子雖還失其根本可徐圖也玄感曰更言其次
密曰簡精銳晝夜倍道襲取東都以號令四方但恐唐禕告之先已
固守若引兵攻之百日不克天下之兵四面而至非僕所知也玄感
曰不然今百官家口並在東都若先取之足以動其心且經城不拔
何以示威公之下計乃上策也遂引兵向洛陽遣玄挺將驍勇千人

先取河內唐禕據城拒守玄挺無所獲禕又使人告東都越
王侗與樊子蓋等勒兵爲備修武民相帥守臨清關玄感不得度乃
於汲郡南渡河從之者如市使弟積善將兵三千自偃師南緣洛水
西入玄挺自白司馬坂逾邙山南入玄感將三千餘人隨其後相去
十里許自稱大將軍其兵皆執單刀柳楯無弓矢甲冑東都遣達奚
善意將精兵五千人拒積善裴弘策將八千人拒玄挺善意度洛南
營於漢王寺明日善意兵至不戰自潰弘策與玄挺五戰皆敗玄挺
直抵太陽門弘策將十餘騎馳入宮城自餘無一人反者皆歸於玄
感玄感屯上春門每誓衆曰我身爲上柱國家累鉅萬金至於富貴
無所求也今不顧滅族者但爲天下解倒懸之急耳衆皆悅父老爭
獻牛酒子弟詣軍門請自效者日以千數內史舍人韋福嗣從軍出

拒玄感爲玄感所獲厚禮之使與其黨胡師耽共掌文翰玄感令福嗣爲書遺樊子蓋數帝罪惡云今欲廢昏立明願勿拘小禮自貽伊戚樊子蓋使裴弘策出戰不肯行遂斬之以徇玄感蓋銳攻城子蓋隨方拒守玄感不能克然達官子弟應募從軍者聞弘策死皆不敢入城凡四十餘人皆降於玄感玄感悉以親重要任委之玄感收兵得五萬餘人分五千守慈谿道五千守伊闕道遣韓世弼將三千人圍滎陽顧覺將五千人取虎牢虎牢降以覺爲鄭州刺史鎮虎牢代王侑時守長安使衛文昇帥兵四萬救東都至華陰樞楊素家焚其骸骨直趣東都城北玄感逆拒之文昇且戰且行屯於金谷反書至遼東煬帝大懼謂蘇威曰此兒聰明得無爲患威曰夫識是非審成敗乃謂之聰明玄感麤疎必無所慮但恐因此寢成亂階耳帝又聞

子弟皆在玄感所益憂之密召諸將使引軍還遣郎將陳稜攻二務本於黎陽又遣宇文述屈突通乘傳發兵以討玄感來護兒至東萊聞玄感圍東都即日回軍令子弘整馳驛奏聞煬帝時還至涿郡已勅護兒救東都矣李子雄從來護兒在東萊煬帝疑之詔鎖送行在所子雄殺使者逃奔玄感衛文昇以步騎二萬度渥水與玄感戰玄感屢破之玄感每戰身先士卒所向摧陷又善撫悅其下皆樂爲致死由是每戰多捷衆益盛至十萬人文昇衆寡不敵死傷大半且盡乃更進屯邗山之陽與玄感決戰一日十餘合會玄挺中流矢死玄感軍乃稍却七月餘杭民劉元進起兵以應玄感始玄感至東都自謂天下響應得韋福嗣委以心膂不復專任李密福嗣每畫策皆持兩端密揣知其意謂玄感曰福嗣元非同盟實懷觀望明公初

起大事而敵人在側聽其是非必爲所誤請斬之玄感曰何至於此
密退謂所親曰楚公好反而不欲勝吾屬今爲虜矣李子雄勸玄感
速稱尊號玄感以問密密曰昔陳勝自欲稱王張耳諫而被外魏正
將求九錫荀或止而見誅今者密欲正言還恐追蹤二子阿諛順意
又非密之本圖何者兵起以來雖復煩捷至於郡縣未有從者東都
守禦尚強天下救兵益至公當挺身力戰早定關中迺亟欲自尊何
示人不廣也玄感笑而止屈突通引兵屯河陽宇文述繼之玄感問
計於李子雄子雄曰通曉習兵事若一得度河則勝負難決不如分
兵拒之通不能濟則樊衛失援玄感然之將拒通樊子蓋知其謀數
擊其營玄感不得往通濟河軍於破陵玄感分爲兩軍西抗文昇東
拒通子蓋復出兵大戰玄感軍屢敗與其黨謀之李子雄曰東都後

至我軍數敗不可久留不如直入關中開永豐倉以賑貧乏三
指麾而定據有府庫東面而爭天下亦霸王之業也李密曰弘
留守元弘嗣握疆兵在隴右可聲言其反遣使迎公因此入關可
以給衆會華陰諸楊請爲嚮導壬辰玄感解東都圍引兵西趣潼關
宣言我已破東都取關西矣宇文述等諸軍躡之至弘農宮父老遮
說玄感曰宮城空虛又多積粟攻之易下玄感以爲然弘農太守蔡
王智積登陴詈之玄感怒留攻之李密諫曰公今詐衆西入軍事貴
速况乃追兵將至安可稽留若前不得據關退無所守大衆一散何
以自全玄感不從遂攻之燒其城門智積於內益火玄感兵不得入
三日不拔乃引而西至閿鄉宇文述衛文昇來護兒屈突通等軍追
及於皇天原玄感上槃豆布陳亘五十里且戰且行玄感一日三敗

八月壬寅玄感陳於董杜原諸軍擊之玄感大敗獨與十餘騎奔上洛追騎至玄感叱之皆反走至葭蘆戍獨與弟積善徒步走自度不免謂積善曰我不能受人戮辱汝可殺我積善抽刀斫殺之因自刺不死爲追兵所執與玄感首俱送行在所磔玄感尸於東都市三日復斮而焚之玄感弟玄獎爲義陽太守將赴玄感爲郡丞周旋玉所殺仁行爲朝請大夫伏誅於長安楊素之門於是滅矣玄感之圍東都也梁郡民韓相國舉兵應之玄感以爲河南道元帥旬月間衆十餘萬攻剽郡縣至襄城聞玄感敗衆稍散爲吏所獲傳首東都煬帝使裴蘊樊子蓋等推治玄感黨與所殺二萬餘人皆籍沒其家在死者大半流徙者六千餘人

綱目煬帝大業九年

癸酉

夏六月楚公楊玄感起兵黎陽圍東都帝

引 遺道宇文述來護兒等擊楊玄感秋七月楊玄感引兵起

於八月宇文述等追之玄感敗歿

尹氏曰春秋之法凡弑君之賊討在四鄰則責其國討在夷狄則責中國皆所以示急於討賊之義楊廣之逆綱目既正其罪於前故凡羣盜之反皆以起兵書之若夫楊玄感者乃素之子素首畫謀逆預聞乎弑則玄感是爲逆黨今又舉兵向闕綱目胡爲亦書起兵嗚呼於此見討賊之尤急矣夫惟急於討賊雖盜賊夷狄皆與其討至於親其逆黨亦不暇顧必志於得賊而後已正猶今捕盜之法或其徒中自能告首亦與免罪行賞此類是也立法若是可謂嚴哉雖然玄感曷不書討曰討大矣玄感初非真能討賊者使其能指楊廣弑父與君之罪正名舉義

若項王之討項籍名其爲賊則綱目亦必以討與之矣帝遣宇文述等擊玄感不書討玄感敗死不書伏誅書法若此可謂得春秋謹嚴之旨矣

卮言曰楊玄感之起也有弔民伐罪之意焉誠與他擁兵繭亂者不可同日道矣然玄感自以爲反李密亦曰楚公好反今綱目不惟不書反也且書爵書起兵若蜀公尉遲迥之於周英公李敬業之於唐是全予之之詞而不系之義師者楊素助煬爲惡自取猜忌玄感久謀作亂又以督運反戈隋可伐矣而楊氏世受隋恩則非伐隋之人故不得爲純於義也史稱煬帝之惡甚於桀紂假手玄感以首其難楊素爲將慘於誅戮廢立弑逆與聞乎故假手玄感以滅其族天有顯道孰能前知哉

通鑑卷之九十二

世系類八十

強藩年代四

唐末方鎮篇一

唐書方鎮表叙曰高祖太宗之制兵列府以居外將列衛以居內
 有事則將以征伐事已各解而去兵者將之事也使得以用而不
 得以有之及其晚也土地之廣人民之衆城池之固器甲之利舉
 而予之何慮於其始也深而易於其後也忽如此之異哉豈其弊
 有漸馴而致之勢有不得已而然哉方鎮之患始也各專其地以
 自世既則迫於利害之謀故其喜則連衡而叛上怒則以力而相
 并又其甚則起而弱王室唐自中世以後收功弭亂雖常倚鎮兵

通鑑卷之九十二

國家圖書館 NATIONAL CENTRAL LIBRARY, TAIWAN, R.O.C.



而其亾也亦終以此可不戒哉

杜牧罪言曰國家大事某不當言實言之有罪故以云生人常病兵兵祖於山東亂於天下不得山東兵不可成山東之地禹畫九土一曰冀州舜以其分太大離爲幽州爲并州程其水土與河南等常重十一二故其人沈鷲多材力重許可能辛苦自魏晉已下胤浮羨淫工機雜意能百出俗益單弊人益脆弱唯山東敦五種本兵矢他不能蕩而自若也復產健馬下者日馳二百里所以兵常當天下冀州以其恃強不循理冀其必破弱雖已破弱冀其復強大也并州力足以并吞也幽州幽陰慘殺也故聖人因其風俗以爲之名黃帝時蚩尤爲兵階自後帝王多居其地豈尚都之邪自周少齊霸不一世晉太常備役諸戾至秦萃銳三晉經六世乃

能得韓遂折天下春復得趙因拾取諸國秦末韓信聯齊有之故蒯通知漢楚輕重在信光武始於上谷成於鄆魏武舉官渡三分天下有其二晉亂胡作于宋武號爲英雄得蜀得關中盡得河南地十分天下有其八然不能使一人渡河以窺胡至于高齊荒蕩宇文取得隋文因以滅陳五百年間天下乃一家隋文非宋武敵也是宋不得山東隋得山東故隋爲王宋爲霸由此言之山東王者者不得不可爲王霸者不得不可爲霸猾賊得之是以致天下國家天寶末燕盜徐起出入成阜函潼間若涉無人地郭李輩常以兵五十萬不能過鄴自爾一百餘城天下力盡不得尺寸人望之若迴鶻吐蕃義無有敢窺者國家因之畦河修障戍塞其術蹊齊魯梁蔡被其風流因亦爲寇以裏拓表以表撐裏混湏迴轉顛倒

橫邪未嘗五年間不戰生人日頓委四夷日冒熾天子因之幸陝幸漢中焦焦然七十餘年矣嗚呼連遭孝武澣衣一肉不畋不樂自卑冗中拔取將相凡十三年乃能盡得河南山西地洗削更革罔不順適唯山東不服亦再攻之皆不利以返豈天使生人未至於帖泰耶豈其人謀未至耶何其艱哉何其艱哉今日天子聖明超出古昔志於理乎若欲悉使生人無事其要在先去兵不得山東兵不可去是兵殺人無有已也今者上策莫如自治何者當貞元時山東有燕趙魏叛河南有齊蔡叛梁徐陳汝白馬津盟津襄鄧安黃壽春皆戍厚兵凡此十餘所纔足自護治所資不輟一人以他使遂使我力解勢弛熟視不軌者無可柰何階此蜀亦叛吳亦叛其他未叛者皆迎時上下不可保信自元和初至今二十九

年聞得蜀得吳得蔡得齊凡收郡縣二百餘城所未能得唯山東百城耳土地人戶財物甲兵校之往年豈不綽綽乎亦足以爲治也法令制度品式條章果自治乎賢才奸惡選置捨果自治乎障戍鎮守干戈車馬果自治乎井閭阡陌倉廩財賦果自治乎如不果自治是助虜爲虐環土三千里植根七十年復有天下陰爲之助則安可以取故曰上策莫如自治中策莫如取魏魏於山東最重於河南亦最重何者魏在山東以其能無趙也旣不可越魏以取趙固不可越趙以取燕是燕趙常取重於魏魏常操燕趙之性命也故魏在山東最重黎陽距白馬津三十五里新鄉距盟津一百五十里埤壘相望朝駕暮戰是二津虜能潰一則馳入成臯不數日間故魏於河南間亦最重今者願以近事明之元和中纂天

下兵誅蔡誅齊頰之五年無山東憂者以能得魏也昨日誅滄頰
之三年無山東憂者亦以能得魏也長慶初誅趙一日五諸侯兵
四出潰解以失魏也昨日誅趙一日罷如長慶時亦以失魏也故
河南山東之輕重常懸在魏明白可知也非魏強大能致如此地
形使然也故曰取魏爲中策最下策爲浪戰不計地勢不審攻守
是也兵多粟多歐人使戰者便於守兵少粟少人不歐自戰者便
於戰故我常失於戰虜常困於守山東之人叛且三五世矣今之
後生所見言語舉止無非叛也以爲事理正當如此沈酣入骨髓
無以爲非者指示順向詆侵族嚮語曰叛去酋酋起矣至於有圍
急食盡餒屍以戰以此爲俗豈可與決一勝一負哉自十餘年來
凡三收趙食盡且下堯山敗趙復振下博敗杜良叔趙復振館陶

敗趙復振故曰不計地勢不審攻守爲浪戰最下策也

新唐書論曰安史亂天下至肅宗大難略平君臣皆幸安故瓜分
河北地付授叛將護養孽萌以成禍根亂人乘之遂擅署吏以賦
稅自私不朝獻于廷效戰國肱髀相依以土地傳子孫脇百姓加
鋸其頸利怵逆汙遂使其人自視由羗狄然一寇成一賊生訖唐
亾百餘年卒不爲王土當其盛時蔡附齊連內裂河南地爲合從
以抗天子杜牧至以山東王不得不王霸不得不霸賊得之故天
下不安又曰厥今天下何如哉干戈朽鉄鉞鈍含忍混貸煦育逆
孽殆爲故常而執事大人曾不歷筭周思以爲宿謀方且嵬岬柳
楊以爲廣大繁昌莫已若也嗚呼其不知乎其俟蹇頓顛傾而後
爲之支計乎且天下幾里列郡幾所自河以北蟠城數百用奔爲

寇伺吾人顛賴天時不利則將與其朋伍駭亂吾民於掌股之上
今者及吾之壯不圖擒取乃偷處恬逸以爲後世子孫皆脇疽根
此復何也議者曰倔強之徒吾以良將勁兵爲銜策高位美爵充
飽其腸安而不撓外而不拘猶豢虎狼而不拂其心則忿氣不萌
此大曆貞元所以守邦也何必疾戰焚煎吾民然後爲快也愚曰
大曆貞元之間有城數十千百卒夫則朝廷貸以法故於是濶視
大言自樹一家破制削法角爲尊奢天子不問有司不呵王侯通
爵越錄受之覲聘不來几杖扶之逆息虜亂皇子嬪之地益廣兵
益強僭擬益甚侈心益昌土田名器分劃大盡而賊夫貪心未及
畔岬淫名越號走兵四略以飽其志趙魏燕齊同日而起梁蔡吳
蜀躡而和之其餘混傾軒輊欲相效者往往而是運遭孝武前英

後傑夕思朝議故能大者誅鉏小者惠來大抵生人油然多欲欲
而不得則怒怒則爭亂隨之是以教笞於家刑罰於國征伐於天
下裁其欲而塞其爭也大曆貞元之間反此提區區之有而塞無
涯之爭是以首尾指支幾不能相運掉也凡今者不知非此而反
用以爲經將見爲盜者非止於河北而已嗚呼大曆貞元守邦之
術永戒之哉魏博傳五世至田弘正入朝十年復亂更四姓傳十
世有州七成德更二姓傳五世至王承元入朝明年王庭湊反傳
六世有州四盧龍更三姓傳五世至劉總入朝六月朱克融反傳
十二世有州九淄青傳五世而滅有州十二滄景傳二世至程權
入朝十六年而李全略有之至其子同捷而滅有州四宣武傳三
世而滅有州五雖然迹其由來事有因藉地之輕重視人謀滅否

歟今取擅興若世嗣者爲藩鎮若田弘正張孝忠等暴忠納誠以屏王室自如別傳云

贊曰傳稱作易者其知盜乎然則盜之情非聖人不能知唐中衰姦雄園睨而奮舉魏趙燕之地莽爲盜區孳叛百年夷狄其人而不能復昏主庸佐惟不知盜故也引妖就瞑以奪厥明寧蕭倪崔植等謂邪

林氏駟論曰藩鎮之爲唐患也尚矣其根萌於武德十道之置使其勢成於至德九節度之分封其禍見於乾元平盧主帥之自立此廢置叛服之由也方太宗平定之後旣分天下爲十道而於軍鎮屯戍之兵爲十二道而置使處之總之以都督者此其爲方鎮已成之兆特待時而張耳且河北隴右此皆極邊之地天下之府

六百餘所而在河北者不過三十在隴右者不過二十九而又皆隸於衛將軍矣此何足以係廢興大致觀其總軍而置使河北一道則折而爲二曰平盧曰范陽隴右一道則折而爲四曰隴右曰安西曰北庭曰河西而其曰軍曰守捉曰城曰鎮焉者大者二十餘小者亦不下十餘以天下之極邊爲天下之重鎮而撫之以都督其品略與十六衛將軍同乃在尚書之上而與左右僕射爲一流所謂五大不在邊者果若是乎漁陽鞞鼓掃境而來亦其勢之必至者此府衛之法壞而方鎮之根形矣嗚呼易封建而爲郡縣論者知其無叛國改刺史而置州牧識者料其羣牧之爭政太宗何不鑑其覆轍耶故曰其根萌於武德十道之置使者是也方肅宗卽位之初安史父子相挺爲禍尚賴諸鎮勤王之師共起誅戮

而九節度之號立焉大難既平蓬宇軒豁是時也正當伸朝廷之紀綱明節鎮之形分君臣幸安苟且歲月河北瓜分方鎮暮布大者連州十餘小者毋慮三四成肱脾難削之形效輔車相依之勢使人視之若羗戎然此節度之名立而方鎮之勢成矣嗚呼割梁以封越所以啟叛者之九起舉吳以予淠而變狀不待異日見之肅宗乃不思及此耶故曰其勢成於至德九節度之分封者是也乾元初侯希逸帥平盧軍士實爲之此一機也尤強弱安危之分也夫天子所恃以鼓舞天下者以爵祿廢置在上不在下焉耳命將帥統藩維事之最大者而委一介之使徇行伍之情此而可爲夫孰有不可爲哉士卒得以陵偏裨偏裨得以陵將帥則將帥之慢朝廷自然之勢也此自立之弊生而唱亂之禍起矣嗚呼賞罰不出於天子而春秋諸侯得以抗衡守相不置於漢廷而七國於王得以僭上又何不是之思耶故曰其禍見於乾元平盧之自立者是也自是以來苟安之念生姑息之政成且承嗣一點虜耳重歛虐民亦何能爲而代宗惟恐少拂其意自置官吏弗之間也私入稅賦弗之誥也兼宰相則就加平章增以鴈門之封重以天雉之號州爲督府子尚公主其寵之不已過乎頓亦一點虜耳黷債淫刑果何能爲而德宗惟恐少拂其意愛惡予奪惟意是徇旣奏元洪流端州矣而復請輕之改爲長史旣奏薛正倫貶峽州矣而復自悔之留爲判官其縱之不已過乎諸鎮相視往往以匹夫而要朝廷以卒伍而抗天子由代德姑息之過也夫抵芽蘖之未萌則片言折之而有餘間隙之已開則干戈取之而不足可不深慮

而早計乎至憲宗之削平諸藩方有太阿出匣之狀然而軍士有犯上之罪以天子之命殛之何所不可而乃給之以利繼之以刑繼自今以往誰敢以信必待朝廷者武宗之宣慰河北方有江漢朝宗之意然郭誼就降縱不舉賞流之遠方可也而乃戮之以刑繼自今以往誰敢以信義望朝廷者大抵韓信之叛心不生於假王之時而生於雲夢之僞遊竇融之內附不畏漢兵之強而畏河西之璽書惟義可以起人之敬畏惟信可以使人之誠服失義與信何以立國此藩鎮與唐三百年相與終始也五代紛紛其弊尤其噫有由也上聖龍興羣雄鼠伏惟正月乙巳以詔諭諸鎮越翼日戊午又別以詔賜諸鎮王言如綸其出如綽誰敢有異心者鎮安之韓令坤自北邊聽命鎮寧之慕容延釗自貞定聽命彥卿之

在天雄則表請而名稱王景之在雄武則治裝而入朝建雄之廷璋駟詔朝馳單車夕至矣成德之郭崇朝發信使夕無違命矣素彥之克率以潘美諭之而至自保義承信之涉嫌以魏不直之而安於獲國一旦以息兵爲問趙公普以方鎮太重對片言之發適當帝心聚天下之精兵收天下之財穀皆入京師隱然有虎豹在山之勢而又支郡長吏得自奏事而長吏得以舉其權鎮將職屬悉委之縣而縣官得以行其職轉運旣以扼其私別乘又以制其專強藩巨鎮皆顛倒於股掌之上吾觀開寶之二年守劇鎮者各罷而歸環衛杯酒易置如制嬰兒自非規模宏遠何以致是嗚呼藝祖一舉而去數百年之患仁矣哉

淄青侯氏章

侯希逸營州人天寶末爲州裨將守保定城安祿山反以親將徐歸道爲平盧節度使希逸率兵與安東都護王玄志斬之遣使上聞詔拜玄志爲平盧節度使肅宗乾元戊戌冬王玄志卒上遣中使往撫慰將士因就察軍中所欲立者授以旌節裨將李懷玉殺玄志之子推希逸爲軍使希逸之母懷玉姑也故懷玉立之朝廷因以希逸爲節度副使節度使由軍士廢立自此始己亥二月李光弼等爲史思明所敗希逸自平盧率兵浮海入青州據之平盧遂陷史朝義殺思明使李懷仙守范陽希逸擊破之於青州北渡河而會田神功等討賊壬寅肅宗崩代宗卽位五月甲申以希逸爲平盧淄青淄等六州節度使沂密海由是青州節度遂有平盧之號永泰乙巳四月李懷玉逐而代之希逸奔滑州王表待罪詔赦之召還京師爲檢校尚書

大曆中進封淮陽郡王建中辛酉卒凡據淄青八年

綱目肅宗乾元元年

戊戌

冬十月以侯希逸爲平盧節度副使

司馬氏曰夫民生有欲無主則亂是故聖人制禮以治之自天子諸侯至於公卿大夫士庶人尊卑有分大小有倫若綱條之相維臂指之相使是以民服事其上而下無覬覦其在周易上天下澤履象曰君子以辨上下定民志此之謂也凡人君所以能有其臣民者以八柄存乎已也苟或捨之則彼此之勢均何以使其下哉肅宗遭唐中衰幸而復國是宜正上下之禮以綱紀四方而偷取一時之安不思永久之患彼命將帥統藩維國之大事也乃委一介之使徇行伍之情無問賢不肖惟其所欲與者則授之自是之後積習爲常君臣循守以爲得策謂之姑息乃至偏裨士卒殺逐

主帥亦不治其罪因以其位任授之然則爵祿廢置殺生予奪皆不出於上而出於下亂之生也庸有極乎且夫有國家者賞善而誅惡故爲善者勸爲惡者懲彼爲人下而殺逐其上惡孰大焉乃使之擁旄秉鉞師長一方是賞之也賞以勸惡惡其何所不至乎書云遠乃猷詩云猷之未遠是謂大諫孔子曰人無遠慮必有近憂爲天下之政而專事姑息其憂患可勝校乎由是爲下者常覬覦焉伺其上苟得閑則攻而族之爲上者常惴惴焉畏其下苟得閑則掩而屠之爭務先務以逞其志非有相保養爲俱利久存之計也如是而求天下之安其可得乎迹其厲階肇於此矣蓋古者治軍必本於禮故晉文公城濮之戰見其師少長有禮知其可用今唐治軍而不顧禮使士卒得以凌偏裨偏裨得以凌將帥則將帥之凌天子自然之勢也由是禍亂繼起兵革不息民塗炭無所控訴凡二百餘年然後大宋受命 太祖始制軍法使以階級相承小有違犯咸伏斧質是以上下有叙令行禁止四征不庭無思不服宇內乂安兆民久殖以迄于今皆由治軍以禮故也豈非貽謀之遠哉

庖言曰舊史藩鎮表傳皆以魏博爲首稱而今首平盧者志亂始也軍士廢節度使而立其所欲自侯希逸始此其謀雖出於李懷玉而希逸固懷玉黨也希逸雖與平賊之功然又棄平盧而據青州朝廷不能正亦以命之其後遂成故事則希逸之罪亦足以首諸鎮矣其見奪於懷玉而復見奪於朝廷會時政之失也後世豈得不誅

淄青李氏章

李正己高麗人生於平盧本名懷玉爲營州副將王玄志卒懷玉殺其子而立侯希逸希逸得命薦爲折衝都尉從希逸入青州寶應中以軍侯從討史朝義時回紇恃功暴橫懷玉與其大酋角逐批而折之首自是沮憚希逸以爲兵馬使永泰乙巳四月懷玉得衆心希逸忌之因事解其軍職希逸宿於城外軍士閉門奉懷玉爲帥希逸還京師七月詔以鄭王邈爲平盧淄青節度大使懷玉知留後賜名正己時成德李寶臣魏博田承嗣相衛薛嵩盧龍李懷仙收安史餘黨各擁勁兵數萬治兵完城自署文武將吏不供貢賦與山南東道梁崇義及正己皆結爲婚姻互相表裏朝廷專事姑息不能復制雖居藩臣羈縻而已正己歷加檢校司空兼太子太保同平章事封饒陽

李靈曜之亂諸道合兵攻之所得之地各爲已有正己又得曹濮徐兗鄆五州因自青州徙治鄆州使子納守青州正己用刑嚴峻然法令齊一賦均而輕擁兵十萬雄據東方鄰藩皆畏之建中辛酉七月卒凡十七年

綱目永泰元年乙巳夏四月平盧將李懷玉逐其節度使侯希逸詔以懷玉爲留後

尹氏曰侯希逸乃李懷玉所立宜其復見逐於懷玉也夫天子制公侯伯子男所以辨君臣之分嚴上下之防耳唐惟不謹於此故亦卒亡於藩鎮此則理之必至者也綱目書平將李懷玉逐其節度使侯希逸詔以懷玉爲留後則唐人紊亂名分自生厲階使人

道變爲禽獸中國胥爲夷狄曉然見矣逐節度而爲節度逐天子豈不爲天子乎

李納正己子也初爲淄州刺史正己徙治鄆州使納守青州正己卒納秘之檀領軍務時朝廷遣馬燧等討田悅納與李惟岳遣兵救之始發喪奏請襲父位上不許其從父洎以徐州歸順納悉兵攻洎爲劉玄佐所敗於是還鄆與田悅李希烈朱滔王武俊連和壬戌四月朱滔王武俊反發兵救田悅李懷光討之敗於陘山十一月滔悅武俊皆自稱王以納稱齊王置百官癸亥十月涇原兵過京師作亂帝出幸奉天朱泚反據長安稱帝興元甲子正月帝下詔罪已納去王浹上表謝罪詔復以納爲鄆州刺史平盧節度使歷檢校司徒封隴西郡王貞元壬申四月卒凡十一年

綱目德宗建中二年辛酉秋七月平盧節度使李正己卒子納自領軍務與李惟岳遣兵攻田悅三年壬戌冬十二月朱滔田悅李納王武俊皆自稱王興元元年甲子春正月王武俊田悅李納上表謝罪詔復官爵貞元八年壬申夏四月平盧節度使李納卒

卮言曰李正己卒納自領軍務未有朝命興元初方命以旌節故通鑑云以曹州刺史李納爲鄆州刺史平盧節度使然前此大曆十二年冬鑑書正己使其子前淄州刺史納守青州不云命爲刺史此年又云曹州刺史不知何時所命綱目前書以李納爲青州刺史在正己之時後以平盧節度使書卒此年書復官爵不知復何官而節使何時命也書法互異殆不可考

李師古納子也初爲青州刺史納卒軍中推師古知留後八月詔以

師古爲平廬節度使歷檢校司徒兼侍中元和丙戌八月卒凡十四

年

綱目書
官書曰卒

李師道師古異母弟也師古疾篤師道時知密州好畫及感築師古謂判官高沐等曰我死子必奉師道爲帥人情誰肯薄骨肉而厚他人顧置帥不善非徒敗軍政也且覆吾族師道不務訓兵專習賤事果堪爲帥乎幸審圖之師古卒沐等迎師道奉以爲帥久之朝命未下杜黃裳請乘其未定而分之上以劉闢未平乃以師道爲留後歲中加檢校工部尚書爲副大使帝討蔡詔興諸道兵而不及鄆師道選卒二千抵壽春陽言爲王師助實欲援蔡也又使人殺武元衡傷裴度及李光顏等敗淮西兵於凌雲師道詐請輸款上以力未能討加檢校司空蔡平師道奉表納質上遣李遜宣慰師道上表以軍不

解上怒詔諸道發兵討之元和己亥二月田弘正李愬屢敗師道兵師道發民治城民懼且怨都將劉悟時屯陽穀以拒官軍淄士得衆心師道潛遣使令斬悟悟乃勒兵入鄆執師道并二子斬之亟首送田弘正營弘正露布以聞淄青等十二州皆平

綱目元和十四年己亥春二月平盧都將劉悟執李師道斬之

右李氏據淄青十二州凡二世共六十年

舊唐書曰自天寶末安祿山首亂兩河至寶應初平史朝義其將薛嵩李懷仙田承嗣李寶臣等受僞命分領州郡朝廷厭兵因僕固懷恩請就加官爵及侯希逸爲軍士逐出正己又據齊魯之地旣而遽相膠固聯姻媪職貢不入法令不加率以爲常仍皆署其子爲副大使父死子立則以三軍之請聞亦有爲大將所殺而自

立者自安史以後迄至于貞元朝廷多務優容每聞擅襲因而授之以故六十餘年兩河號爲反側之俗憲宗知人善任削平亂迹兩河復爲王土焉

通鑑曰李師道誅淄青等十二州皆平上命戶部侍郎楊於陵宣撫淄青分其地以鄆曹濮爲一道淄青齊登萊爲一道兗海沂密爲一道自廣德以來垂六十年藩鎮跋扈河南北三十餘州自除官吏不供貢賦至是盡遵朝廷約束矣

卮言曰藩鎮之跋扈自平盧始其後士卒戕主帥而代之者比也又平盧與河北諸鎮連兵拒命父沒子繼以爲故事代宗朝嘗平李惟岳矣而誅惟岳者其將王武俊也卒以武俊代惟岳而更甚之是拒虎而進狼也憲宗時平李師道而誅師道者其將劉悟也

悟始欲得鄆而憚田弘正乃移鎮義成卒世據之是亦獲狼而虎也雖快一時非長策也然元和十五年間而劉闢李錡吳元濟李師道相繼授首程權田弘正相繼入朝朝廷旣振而藩鎮漸戢矣奈何遇害不以壽終天乎

襄州來氏章

來瑱邠州永壽人父曜奮行間元末持節磧西副大使四鎮節度使著名西邊終右領軍大將軍瑒略知書尚名節崖然有大志天寶初從四鎮任劇職詔舉智謀果決才堪統衆者拾遺張鎬薦瑒之才擢穎川太守安祿山反瑒以擊賊功加御史中丞淮南西道節度兩京平封穎國公徙鎮陝虢上元庚子三月襄州將張維瑾曹玠殺節度使史翽據州反制以韋倫爲山南東道節度使時李輔國用事節度

使皆出其門倫既朝廷所除又不謁輔國尋改秦州防禦使以瑱代之鎮襄鄧均房金商隋郢復九州瑱至襄州張維瑾等皆降寶應壬寅三月召瑱赴京師瑱樂在襄陽其將士亦愛之乃諷將吏上表留已遂得還鎮荆南節度使呂諲及中使往來者言瑱曲收衆心恐久難制上乃割商金均房別置觀察使令瑱止領六州行軍司馬裴茂謀奪瑱位密表瑪倔彊難制請以兵襲取之上以爲然乃以瑪爲淮西河南十六州節度使外示寵任實欲圖之密敕以茂代瑪爲防禦使四月肅宗崩代宗卽位瑪聞徙淮西大懼上言淮西無糧請俟收麥而行又諷將吏留已上欲姑息無事復以瑪爲山南東道節度使五月裴茂師麾下起襄陽瑪以兵迎之曰吾已蒙恩復留鎮此何受代之有因取敕告示之茂驚惑瑪從兵擊之擒送京師賜死八月瑪

入朝謝罪上優待之加同平章事廣德癸卯正月瑪以程元振譖流播州賜死

綱目肅宗上元元年

庚子

春三月以韋倫爲山南東道節度使尋以

來瑒代之代宗寶應元年

壬寅

春三月以來瑒爲淮西河南節度使

夏六月復以來瑒爲山南東道節度使秋九月以來瑒同平章事范氏曰肅宗信讒黜陟不明以藩鎮爲餌欲誘反側之臣故劉展來瑒相繼叛亂皆朝廷易制不以其道也且瑒未失臣節而行裴茂篡奪之謀使茂克瑒而代其位不若瑒跋扈之爲愈也夫藩臣倔彊阻兵得一賢相足以制之謀及宦者得無亂乎

卮言曰來瑒以功臣而領節鉞非有僭竊逆節也而一聞徙鎮輒敢拒命既不受代又擅舉兵是時藩鎮尚未敢弄兵以自肆也而

瑱首為跋扈雖入朝謝罪其可道乎

襄州梁氏章

梁崇義京兆長安人以槩量業於市後為羽林射生從來瑱鎮襄陽累遷右兵馬使崇義有勇力能捲鐵舒鈞沈毅寡言得衆心瑱自襄陽朝京師分諸將戍福昌南陽瑱被誅戍者皆潰歸崇義自南陽勒衆還襄州衆推崇義為帥癸卯三月崇義殺李昭等以鴈衆心朝廷不能討因以崇義為山南東道節度留後崇義據襄鄧均房復郢六州與田承嗣李正己李寶臣等相結期以土地傳之子孫雖奉事朝廷而不用其法令兵賦刑賞皆自尊之朝廷不能制崇義雖與正己等連結而兵勢寡弱禮數最恭或勸其入朝崇義曰來公有大功于國猶不免族誅吾歲久釁積何可往也淮寧節度使李希烈屢請討

之崇義懼益修武備時兩河諸鎮方猜阻上欲示恩信以安之

辛酉四月加崇義同平章事妻子悉加封賞賜以鐵券遣御史張著齎手詔徵之崇義不奉詔乃命李希烈督諸道兵討之八月希烈與崇義戰大破之崇義與妻赴井死傳首京師凡據襄州十九年

綱目寶應元年

癸卯

春二月兵馬使梁崇義據襄陽以為留後

劉氏曰書

留後

建中二年

辛酉

夏六月梁崇義拒命詔李希烈督諸道兵討之

崇義伏誅

相衛薛氏章

薛嵩絳州萬泉人祖仁貴高宗朝名將封平陽郡公父楚玉為范陽平盧節度使嵩少以門廕落拓不事家產有膂力善騎射不知書自天下兵起束身戎伍委質逆徒史朝義偽署為鄴郡節度使守相州

寶應壬寅冬史朝義敗嵩以相衛洛邢州降僕因懷恩令復位有制
凡受僞官者一切不問廣德癸卯春田承嗣以莫州降李懷仙殺史
朝義傳首京師嵩等迎僕固懷恩拜於馬首乞行間自效懷恩亦恐
賊平寵衰故奏留嵩等及李寶臣分帥河北自爲黨援朝廷亦厭
苦兵革苟冀無事因而授之遂以爲相衛邢洛貝磁六州節度使已
又分河北諸州節度爲六管相貝邢洛爲相州管名其軍曰昭義嵩
累遷檢校右僕射大曆癸丑正月卒

綱目寶應元年壬寅冬十月雍王适爲元帥討史朝義大敗之賊將
薛嵩張忠志以州降十一月以僕固懷恩爲河北副元帥廣德元
年癸卯春二月以薛嵩田承嗣李懷仙爲河北諸鎮節度使大曆八
年癸丑春正月昭義節度使薛嵩卒

范氏曰唐失河北實自此始由任蕃夷爲制將也

尹氏曰前書以僕固懷恩爲河北副元帥後書以薛嵩等爲諸
鎮節度使則見處置之權出於懷恩明矣謹書之所以志唐失
河北之始

劉氏曰拜節度未有統稱諸鎮者此其稱河北諸鎮何見河北
之盡失也

薛嵩高弟也嵩卒子平年十二爲磁州刺史將士脇以爲帥平僞許
之旣而讓嵩夜奉父喪逃歸鄉里制以嵩知留後乙卯正月田承嗣
誘兵馬使裴志清使作亂志清逐嵩帥衆歸承嗣嵩奔洛州上表乞
入朝許之其後朝廷以平爲平盧節度使長慶辛丑盧龍劉奏以所
屬平薊媯檀爲一道以平知河朔舊事風俗而盡誠於國舉爲節度

使

右薛氏據相衛二帥共十三年

卮言曰薛嵩以名將之孫而爲賊將落拓不知書之故也賊敗而首先歸附猶爲擇禍矣旣不失旌節而爲藩自固未有逆謀異乎河北諸帥者新唐書云將士欲用河北故事脅平知留後按此時河北尚無故事今只從通鑑所載夫平不敢立又讓其叔而逃之且盡誠於國卒領節鉞可謂克蓋前愆矣

魏博田氏章

田承嗣平州人世事盧龍軍爲裨校祖璟父守義以豪俠聞於遼碣承嗣開元末爲安祿山前鋒兵馬使累破奚契丹遷武衛將軍祿山反與張志忠卽李寶臣爲賊前驅陷河洛祿山使守潁山郭子儀平東都

承嗣以郡降俄而復叛史思明亂承嗣又爲賊導思明再陷洛陽僞授承嗣爲魏州刺史史朝義殺思明自立伐宗廣德癸卯春史朝義爲僕固瑒所敗奔莫州承嗣從之諸軍圍急承嗣說朝義令往幽州發兵朝義從之承嗣卽以城降朝義死河北諸州皆已降承嗣乃與薛嵩等迎僕固懷恩乞行間自效懷恩奏以承嗣爲魏博德滄瀛五州都防禦使四月丁卯制分河北諸州以魏博德爲魏州管六月庚寅以承嗣爲魏博節度使累加同中書門下平章事封鴈門郡王大曆乙卯春承嗣反陷相洛衛州敕發諸道兵討之十一月承嗣將吳希光以瀛州降承嗣屢請入朝詔赦其罪聽入朝丁巳三月詔復討承嗣旣而釋之承嗣據有魏博相衛洛德檀七州己未二月承嗣卒凡十七年

綱目代宗廣德元年

癸卯

春二月諸軍圍史朝義於莫州賊將田承

嗣以莫州降以田承嗣爲魏博節度使大曆八年

癸丑

冬十月加田

承嗣同平章事九年

甲寅

春三月詔以永樂公主妻田華十年

正月田承嗣反夏四月赦貶田承嗣發諸道兵討之十一年

丙辰

二月赦田承嗣入朝十二年

丁巳

春三月詔復討田承嗣既而釋之

十二月

戊午

二月田承嗣卒

戶氏曰前書以田承嗣同平章事又書以公主妻田華代宗所以撫之者亦至矣而承嗣不免於反曷若任用人才修明政事振舉朝綱使稽首順服如其旅拒則振揚天討有以制之乎比而觀之然後知姑息之政固無益也

又曰田承嗣請入朝詔赦其罪然綱目不書表請承嗣本無朝

朝意姑以是款兵耳況前書承嗣反發諸道兵討之未聞赦正其罪乃無故赦之故綱目書直書曰赦以見天討不能加威令不復振之意若曰承嗣反逆未嘗屈服而朝廷自赦之也既反復赦既赦復反請入朝而未嘗入朝代宗坐受玩侮皆無如之何繼書復討田承嗣既而釋之則其姑息亦太甚矣尚何以爲國哉

劉氏曰節度卒書某節度卒恒辭也田承嗣不書何削之也承嗣叛逆稽誅帝雖詔復其官爵罪所不容故特削之

卮言曰舊史云代宗寬仁之度或云姑息之政非也帝蓋厭苦兵革苟安無事故怯懦不振無以懾下耳通鑑此言爲然

田悅承嗣之姪也悅早孤母更嫁平盧戍卒悅隨母轉側淄青間承

嗣得魏訪獲之及長勇冠軍中承嗣愛其才將死顧諸子幼乃命悅
悅軍事而諸子佐之承嗣卒朝廷因以悅爲魏博留後尋爲節度使
德宗建中辛酉夏悅與平盧李正巳成德李寶臣定計連兵拒命悅
舉兵寇邢洛詔馬燧李晟等討破之李正巳卒子納自領軍務與李
惟岳遣兵救悅壬戌春馬燧等破悅與洹水博洛州降朱滔張孝忠
與李惟岳戰大敗之王武俊殺惟岳傳首京師四月朱滔王武俊反
發兵救悅詔李懷光討之六月李懷光敗績於愜山十一月悅與朱
滔等皆自稱王悅稱魏王興元甲子正月大赦悅等皆去王號上表
謝罪詔復官爵加悅檢校左僕射封濟陽郡王三月爲承嗣之子緒
所殺凡五年

綱目書法見
前章李納條

卮言曰按通鑑大曆十四年二月癸未魏博節度使田承嗣薨甲

申以其姪悅爲魏博留後明年二月云魏博節度使田悅事朝廷
猶恭順不書何時命爲使也綱目只書田承嗣卒後三年書田悅
舉兵寇邢洛至死又書田緒殺其節度使田悅蓋略之也然前此
又書詔復田悅官爵不知復何官爵也會編改書云田承嗣死從
子悅自爲留後與通鑑不合惟唐書云以悅爲留後尋爲節度使
其事宜然不知通鑑何以不載通鑑興元元年田悅李納俱上表
謝罪納初自領軍務未有朝命故云以納爲平盧節度使悅惟云
加檢校左僕射則其始之得命爲節使可知矣故綱目於卒時書
之蓋一事也而書法互異如是蓋唐書傳其人而漏於年月通鑑
載其事而小有闕遺綱目取其義而紀載不必其備乃會編又泥
其意而事情不必其合承嗣死也而通鑑書薨綱目書卒會編書

死要之大義則綱目著焉記事則通鑑備焉綱目分註之刪通鑑則失之疎也會編大綱之改綱目則失之鑿也觀史者知之

田緒承嗣第六子悅待諸弟無所間使緒主牙軍而緒凶險多過失悅杖而拘之悅用兵數敗士卒死者十六七其下厭苦之上以給事中孔巢父爲魏博宣慰使巢父至魏州對其衆爲陳逆順禍福悅及將士皆喜悅以歸國撤警備緒遂與左右殺悅及其將佐扈寧許士則蔡濟等登城大呼謂衆曰緒先相公之子諸君受先相公恩若能立緒兵馬使賞緡錢二千大將半之士卒百緡竭公私之債五日取辦於是將士皆歸緒軍府乃定因請命於巢父巢父命緒權知軍府緒遣使奉表詣行在四月庚戌以緒爲魏博節度使累遷檢校尚書左僕射加同平章事封常山郡王又徙王鴈門貞元丙子四月暴疾卒

卒

綱目興元元年甲子春三月魏博兵馬使田緒殺其節度使田悅權

知軍府夏四月以田緒爲魏博節度使

卒書

劉氏曰權知軍府何請帥也故綱目特書權逐主帥用爲主帥君子所深譏也必若田緒然後書以爲節度使不爲譏矣

田季安緒子也緒尚嘉誠公主無子有庶子三人季安最幼其母微賤公主子之緒以爲副大使四月緒卒左右推季安爲留後八月己巳以季安爲魏博節度使元和壬辰八月卒凡十六年

綱目書
官書卒

田懷諫季安子母元誼女也季安卒元氏召諸將立懷諫爲副大使知軍務懷諫幼弱軍政皆決於家僮蔣士則數以愛憎易置諸將衆皆憤怒取承嗣季父田興爲留後以懷諫歸第興立送懷諫于京師

以爲右監門衛將軍

田弘正本名興祖延憚承嗣之季父也位終安東都護府司馬延憚生廷玠於承嗣爲從昆弟廷玠尚儒學不樂軍旅仕爲平舒丞遷樂壽清池東城河間四縣令以治稱遷滄州刺史李寶臣朱滔與承嗣不協合兵圍滄州廷玠固守連年食雖盡無叛者朝廷嘉其節徙相州承嗣盜磁相廷玠無所回染及悅代立忌廷玠之正召爲節度副使廷玠至讓悅曰爾承伯父緒業當守朝廷法度以保富貴何苦與恒鄆爲叛臣自兵興來叛天子能完宗族者誰邪爾志不悛盍殺我無令我見田氏血汗刀也遂稱疾不出悅過謝之杜門不納憤而卒興廷玠之第二子幼通兵法善騎射承嗣愛之以爲必興吾宗名之曰興季安時爲衙內兵馬封沂國公使出爲臨清鎮將季安卒子懷

立召興還爲步射都知兵馬使懷諫幼弱衆迎興而立之興請吏奉貢十月詔以興爲魏博節度使賜名弘正元和己亥七月弘正入朝三表請留不許乃加兼侍中遣還鎮弘正恐一旦物故魏人猶以故事繼襲故兄弟子侄皆仕諸朝上皆擢居顯列朱紫盈庭時人榮之庚子正月憲宗崩穆宗卽位十月成德王承宗卒詔以弘正代之長慶辛丑七月弘正爲王庭湊所殺

綱目元和十四年

壬辰

冬十月魏博兵馬節度使田季安卒冬十月

魏博兵馬使田興請吏奉貢詔以興爲節度使十四年

己亥秋八月

魏博節度使田弘正入朝遣還鎮十五年

庚子

冬十月成德節度使

王承宗卒詔以田弘正代之長慶元年

辛丑

秋七月成德兵馬使王

庭湊殺節度使田弘正

田布弘正長子也王庭湊殺弘正乃起復布爲魏博節度使討之長慶壬寅布以魏兵討鎮軍于南宮將士不悅牙將史憲誠因鼓衆叛之布還魏卽作遺表拜授李右乃入啟父靈抽刀而言曰上以謝君父下以示三軍遂刺心而死

綱目王庭湊殺節度使田弘正起復田布爲魏博節度使討之二年壬寅春正月魏博將史憲誠殺其節度使田布

右田氏據魏博七州凡四世六帥共六十年

卮言曰田承嗣始爲賊將後乃反之及歸順而得州遂連兵以拒命悅旣稱王緒復弑兄而廷玠不從逆謀弘正納土請更孰意強捍之門有此忠正之類然而非承嗣悅緒子孫也弘正父子俱死於忠義而卒保全田氏之族亦無負承嗣矣當時藩鎮之後必如弘正而後爲去逆效順若王承元程權張茂昭亦其次也如劉總之弑父兄而懼禍及他將之殺主帥以自封雖借名歸朝其能免逆亂之誅乎

又曰魏博之據土者五十餘年其將士習而安焉田弘正請吏奉貢此非其衆所欲而弘正之獨見也及入朝請留于此時予弘正他官而置帥魏博可矣旣遣還鎮而後又徙鎮成德成德世據未易可代魏衆怨弘正未易可驅是投之死地也弘正死而復令子布統魏兵是又欲令其復業而布不可也卒以自殺而魏卒爲叛將所據是弘正父子無負朝廷而朝廷處之失宜甚矣彼其忠孝之節真可以對天地質鬼神君子所必予者孰謂田氏世惡而有此世德哉天理之在人間豈有泯滅時乎

恒冀李氏章

李寶臣本范陽內屬奚也善騎射范陽將張鎮高畜爲假子故冒姓張名忠志爲盧龍府果毅安祿山選爲射生官從入朝爲射生子弟出入禁中祿山反遁歸更爲祿山假子使將驍騎安慶緒署爲恒陽節度使舊書恒陽節度使乾元己亥春九節度之師圍慶緒於相州忠志懼歸命于朝詔卽授故官封密雲郡公史思明渡河忠志復叛勒兵守常山思明死忠志不肯事朝義壬寅二月代宗卽位十月王師討史朝義取東京及河陽忠志用王武俊謀乃撤守備以趙恒深足易五州降於河東節度使辛雲京僕固懷恩令復位十一月詔名其軍曰成德卽以忠志爲節度使統恒定易趙深五州賜姓名曰李寶臣助攻莫州朝義平擢拜禮部尚書進封趙國公寶臣與田承嗣李正

劉崇義等結爲婚姻互相表裏自署官吏不輸王賦其後與田承嗣交惡承嗣拒命寶臣與正己朱滔等討之承嗣以滄州許寶臣遂與承嗣通謀反攻朱滔走之俄進封隴西郡王加同平章事戊午八月寶臣請復姓張許之寶臣又不自安己未四月更請賜姓李德宗卽位拜司空建中辛酉正月卒

綱目代宗寶應元年

壬

冬十月雍王适討史朝義大敗之賊將張

忠志以州降十一月以張忠志爲成德軍節度賜姓名李寶臣

劉氏曰賜姓名不悉書甚美甚惡則書書寶臣譏不踐其名也賜姓名始此

李惟岳寶臣子也寶臣卒惟岳自稱留後使將佐共奏求旌節德宗不許初寶臣與田承嗣李正己梁崇義相結期以土地傳子孫故承

嗣之歿寶臣力爲其子悅請繼襲至是悅屢爲惟岳請上亦不許或曰不與必爲亂上曰賊本無資以爲亂皆藉我土地假我位號以聚其衆耳鄒曰因其所欲而命之多矣而亂益滋是爵命不足以已亂而適足以長亂也竟不許田悅乃與正己各遣使詣惟岳潛謀勒兵拒命悅寇邢洛馬燧等討破之會李正己卒子納自領軍務與惟岳遣兵救悅詔以張孝忠爲成德節度使與朱滔合兵討惟岳壬戌正月馬燧等大破田悅於洹水朱滔張孝忠與惟岳戰大敗之兵馬使王武俊殺惟岳傳首京師

綱目建中二年

辛酉

春正月成德節度使李寶臣卒子惟岳自稱留

後三年

壬戌

春正月朱滔張孝忠與李惟岳戰大敗之成德兵馬使

王武俊殺惟岳傳首京師

尹氏曰唐自安史之亂僕固懷恩分置諸帥自爲黨援由是遂失河北德宗痛先朝之失欲革其弊然所用不得其所行不由其道徒益亂而已綱目書李寶臣卒子惟岳自稱留後所以見藩鎮之強日相傳襲初不出於朝廷之命也嗚呼自是而後習以爲常遂不勝其書矣

卮言曰代宗朝昭義薛嵩卒制以其弟寧知留後田承嗣卒以其從子悅知留後又平盧李懷玉逐侯希逸而代之盧龍朱希彩殺李懷仙而代之其將士又殺希彩而以朱泚代之皆因其所欲而命之故德宗云然欲革其弊寶臣之死惟岳請襲不許李正己之死子納請襲亦不許惟岳納擅領軍務雖與田悅連兵拒命而惟岳亦竟亡悅納亦幾不保會奉天之難諸鎮益恣帝意氣莫振自

是而田緒劉濟張昇雲程懷直輩相繼承襲凡所表奏一一行之遂成故事不可復制至憲宗而強藩歸命漸革其弊矣

右李氏據恒冀二州凡二世共二十年

恒冀王氏章

王武俊初號設諾干本出契丹怒皆部祖可訥干父路俱開元中興饒樂府都督李詩帶求襲冠帶入居薊武俊甫十五善騎射與張孝忠齊名隸李寶臣帳下爲裨將寶應壬寅冬王師入井陘寶臣以恒定五州自歸共平餘賊武俊謀也奏兼御史中丞封維川郡王其子士真亦沈悍有斷寶臣倚愛出入帳中以女妻之建中辛酉正月李寶臣卒子惟岳自稱留後與田悅李正己連兵拒命壬戌正月馬燧等破田悅于洹水朱滔張孝忠與惟岳戰大敗之趙州降惟岳使武

俊擊趙州又使其子士真將兵宿府中武俊旣出遂引兵還冀惟岳士真納之遂執惟岳殺之傳首京師二月甲子以武俊爲恒冀節度練觀察使張孝忠爲易定滄州節度康日知爲深趙團練而以德隸二州隸朱滔武俊怨不得節度而失趙定滔亦怨失深州二人相結上遣中使發恒冀易定兵討田悅武俊卽執使者送滔與之叛發兵救田悅以其子士真爲恒冀深三州留後將兵圍趙州敗李懷光於陘山十一月武俊與田悅等擅相王武俊自稱趙王以恒爲真定府興元甲子正月帝下詔罪已武俊去其王號上表謝罪復以武俊爲恒冀深趙節度使加同平章事檢校司空封琅邪郡王進檢校太尉兼中書令貞元辛巳六月丁巳卒

綱目德宗建中三年壬春正月朱滔張孝忠與李惟岳戰大敗之

成德兵馬使王武俊殺惟岳定州降二月以王武俊爲恒冀團練使夏四月朱滔王武俊反李懷光討之敗績稱王謝罪復官書法俱見前章李納條

貞元十七年辛巳夏五月成德節度使王武俊卒

王士貞武俊長子也少佐父立功授德隸觀察使成德節度副使封清河郡王武俊卒七月辛巳以士貞爲成德節度使歷檢校司空加同平章事元和巳丑三月卒

王承宗士貞長子也初爲節度副大使士貞卒承宗自爲留後始河北三鎮相承各置副大使以嫡長爲之父沒則代領軍務承宗叔父士則恐禍及宗自歸京師詔以爲神策大將軍上欲乘士貞死除人代之不從則興師討之以華河北諸鎮世襲之弊裴垍李絳以爲未可中尉吐突承璀欲奪垍權自請將兵討之盧從史久未起復亦因

承璀進說請以本軍討承宗乃起復從史爲金吾大將軍上川公孫誥遣裴武詣真定宣慰命諭令分表自陳八月承宗乃表獻德棣二州九月庚戌以宗承爲成德節度使恒冀深趙州觀察使薛昌朝爲保信軍節度德棣二州觀察使承宗襲昌朝執之以歸制削奪承宗官爵遣吐突承璀發兵討之承璀與戰屢敗盧從史陰與承宗通謀承璀誘而執之承宗遣使自陳爲盧從史所離間乞許自新制雪承宗復其官爵復以德棣二州與之元和丙申春制削承宗官爵發兵討之戊戌四月承宗納質請更復獻二州詔復其官爵加檢校尚書左僕射庚子十一月卒

綱目元和四年巳丑春三月成德節度使王士貞卒秋九月王承宗表獻德棣二州詔以承宗爲成德節度使

王承元承宗弟也承宗卒軍中推承元爲留後承元不敢世于鎮表諸除帥乃以承元爲義成軍節度使承元昆弟及從父昆弟授郡守者四人登朝者四人

綱目元和十五年庚子冬十月成德節度使王承宗卒詔以田弘正代之王承元爲義成節度使

卮言曰王武俊之逆節惡狀與田承嗣等耳而亦有王承元者爲之孫能不貪土地以全其宗雖不如田弘正父子之忠義本於天性至其懼禍自全亦可謂明哲矣世類安可限人人其可以世類自限而不自拔乎

右王氏據恒冀七州凡三世四帥共四十年

幽州李氏章

李懷仙柳城胡也世事契丹守營州善騎射智數敏給祿山之反以爲裨將從陷河洛安慶緒敗又事史思明史朝義殺思明稱帝以懷仙爲燕京留守范陽尹代宗廣德癸卯正月史朝義敗於莫州將趣范陽而懷仙已因中使駱奉仙請降乃遣兵追朝義殺之取其首以獻僕固懷恩卽表懷仙爲幽州盧龍節度使乃分河北諸州以幽莫媯檀平薊爲幽州管懷仙歷遷檢校兵部尚書封武威郡王屬僕固懷恩反朝廷方勤西師故懷仙與田承嗣薛嵩張忠志等得招還散亾治兵完城自署文武將吏私貢賦天子不能制大曆戊申六月麾下朱希彩等共斬懷仙族其家凡據幽州七年

綱目代宗廣德元年癸卯十一月諸軍圍史朝義李懷仙誅史朝義以爲盧龍節度使

幽州朱氏章

朱希彩幽州人初事隸李懷仙爲兵馬使大曆戊申夏希彩與朱泚等殺懷仙希彩自稱留後閏月李寶臣遣將將兵討希彩爲希彩所敗朝廷不得已宥之以宰相王縉領節度使以希彩領幽州留後縉至希彩盛兵嚴備以逆之縉晏然而行希彩迎謁甚恭縉度終不可制勞軍閱旬而還卽以希彩爲盧龍節度使進封高密郡王壬子七月希彩驚恣不軌人不堪其下李瑗因衆怨殺之共推朱泚爲留後希彩據幽州凡四年

綱目大曆三年戊申夏六月幽州將朱希彩殺其節度使李懷仙詔以希彩爲留後七年壬子盧龍將吏殺其節度使朱希彩冬十月詔以朱泚代之九年秋九月盧龍節度使朱泚入朝

尹氏曰朱希彩殺李懷仙而自立不五年間又爲將吏所殺唐
人無政固不足道而出反之報亦甚昭昭此事觀之其理著矣

朱泚代朱希彩鎮幽州其後徙涇原反入長安稱帝詳篡逆門

朱滔幽州昌平人曾祖利贊善大夫祖思明太子洗馬父懷珪平盧留後柳城軍使生泚及滔大曆戊申六月朱希彩與泚滔共殺節度使李懷仙希彩自稱留後以滔同宗倚愛之使主帳下親兵及希彩爲下所殺泚領節度遣滔將兵赴京師備塞代宗嘉之後泚入朝請留闕下以滔知留後許之德宗建中庚申二月以泚鎮涇原壬戌春田悅李正己李惟岳連兵拒命滔及張孝忠與惟岳戰大敗之王武俊殺惟岳傳首京師朝廷以滔功加檢校司徒爲盧龍節度使因以德隸二州隸滔令還鎮滔固請深州不許由是怨望留屯深州朝廷

封滔之義郡王冀以安之而滔反謀益甚遂與王武俊反發兵救田
悅敗李懷光於陜山十一月滔與田悅李納王武俊俱自稱王滔稱
興王置百官是歲召朱泚入朝四年癸亥冬十月涇原兵過京師作
亂帝如奉天朱泚反據長安自稱大秦皇帝立滔為皇太弟興元甲
子正月帝下詔罪已田悅李納王武俊上表謝罪詔復官爵五月王
武俊及李抱真大破滔於貝州六月李晟等收復京城朱泚亡奔其
將韓旻斬之以降七月車駕還長安八月滔為王武俊所攻殆不能
軍上表待罪詔委武俊抱真開示大信若誠心審固當與更始滔還
鎮為劉怵所沮政事一委怵貞元乙丑六月卒凡據幽州十二年

綱目建中三年

壬戌

春正月朱滔張孝忠與李惟岳戰大敗之夏四

月朱滔王武俊反李懷光討之敗績冬十一月朱滔稱王興元元

年

甲辰

夏五月李抱真王武俊大破朱滔于貝州秋八月朱滔上表

待罪貞元元年

乙丑

夏六月朱滔死

卮言曰朱泚兄弟名家子也起自裨將戕殺主帥既領節鉞踵
據盧龍泚徼寵入朝乘亂僭逆滔偏強幽冀擁眾稱兵東西橫
行罪惡貫盈及泚伏誅而後滔待命於此不正天討而詔與更
始欲藩鎮之效順其將能乎



錢代

卷之四

三

海君道部卷之九十三

世系類

強藩年代 五

唐末方鎮篇 二

幽州劉氏章

劉怵幽州昌平人父貢常爲廣邊大斗軍使母朱氏滔之姑也怵少爲范陽裨將朱滔時積功至雄武軍使稍遷涿州刺史滔之討田承嗣表怵知府事和裕得衆心滔敗歸怵終不貳益治兵迎滔歸府乙丑六月朱滔死將士奉怵知軍事七月壬辰以怵爲幽州盧龍節度使封彭城郡公九月卒

綱目貞元元年 乙丑夏六月朱滔死以劉怵爲幽州節度使

劉濟悻子也游學京師第進士歷莫州刺史悻病詔濟假州事悻行軍司馬悻寢疾濟在莫州其母弟雍在父側以父命召濟而以軍府授之九月己亥詔以濟權知節度事悻尋卒濟以雍為瀛州刺史累遷檢校右僕射幽州節度使許他日代已既而濟用其子為副大使雍怨之擅通表朝廷遣兵千人防秋濟怒發兵擊雍破之雍乃歸朝濟以討王承宗加中書令元和庚寅七月為子總所弑

綱目貞元元年乙丑秋九月盧龍節度使劉悻卒以其子濟知節度事

劉總濟次子也濟之討王承宗也以長子緄為副大使掌留務濟軍瀛州總為刺史濟有疾總與判官張玘謀激濟怒追緄詣行營總因進毒殺濟緄至又殺之遂領軍務朝廷不知其姦以總嗣節度使封

曰公累加檢校司空進同年章事總既殺其父兄心常自疑見父兄為祟當於府舍飯僧使為佛事晚年恐懼猶甚亦見河南書皆從化長慶辛丑正月奏乞棄官為僧詔從之子弟將佐皆加超擢以張弘靖代總總以印節授張玘夜遁去卒于定州子礎及弟約至長安者十一人皆擢州刺史

綱目元和五年庚寅秋七月瀛州刺史劉總弑其父濟及其兄緄長

慶元年辛丑春二月盧龍節度使劉總棄官為僧以張弘靖代之

右劉氏據幽州凡三世共三十七年

卮言曰安史亂後藩鎮跋扈咸以賊將擁餘黨而阻兵或以偏裨戕主帥而得代未有仗義旅而秉節鉞者也幽州劉氏殆庶幾焉不貳其帥善撫其眾以此領軍其無愧矣而其子參商至于孫

張善年什 卷五
行大逆豈其無家訓乎其後得全家族朱紫滿朝未必非以善始以善終之報也

易定張氏章

張孝忠本奚種曾祖靖祖遜世爲乙失活部酋長父謚開元中以衆歸國授鴻臚卿後以孝忠貴贈戶部尚書孝忠以勇聞燕趙間與王武俊齊名天寶末以善射授內供奉安祿山奏爲偏將以破突厥功擢漳源府折衝祿山史思明繼陷河洛常爲賊前鋒史朝義敗乃自歸以兵屬李寶臣帳下累加左金吾將軍賜名孝忠寶臣委以易州統制十餘年寶臣與朱滔戰瓦橋奏孝忠爲易州刺史擢太子賓客封符陽郡主寶臣忌孝忠召欲殺之孝忠不往寶臣卒子惟岳自稱留後與田悅李正己等連兵拒命盧龍朱滔遣判官蔡雄往說李忠便以易州歸朝孝忠然之遣使奉表詣闕上悅以孝忠爲承德節度使孝忠德滔爲子茂和娶滔女深相結建中壬戌正月孝忠及朱滔與惟岳戰大敗之王武俊殺惟岳傳首京師詔三分成德地以孝忠爲易定滄州節度使又於定州置軍名曰義武以孝忠爲義武節度使累加檢校司空貞元己巳冬孝忠爲將佐所惑興兵襲蔚州入之驅掠人畜詔書責之踰旬還鎮辛未三月卒

綱目建寧二年

辛酉

秋九月以張孝忠爲成德軍節度使

張茂昭孝忠子本名昇雲以父蔭累遷檢校工部尚書孝忠卒德宗詔以邕王諒領義武節度使以昇雲爲留後封延德郡王癸酉二月甲寅以昇雲爲義武節度使賜名茂昭累加檢校太尉兼太子太傅元和庚寅十月茂昭欲舉族還朝請除代河北諸鎮互遣人說止之

不從凡四上表乃許之徙鎮河中

綱目貞元七年辛未春二月義武節度使張孝忠卒以其子昇雲爲

留後九年春二月以張曇雲爲義武節度使賜名茂昭元和二年

唐冬十月以任廸簡爲義武節度使張茂昭爲河中節度使

右張氏據易定二世凡三十年

卮言曰張孝忠始從安史以擁兵力繼屬寶臣以有易州其與李懷仙薛嵩之輩何異哉舊史多予之爲其反正也夫因朱滔之說而討惟岳又以將佐之惑而入蔚州要之乘機觀釁而動自擇便利非人臣之道焉茂昭之忠順則與田弘正王承元等爭烈矣

滄景程氏章

程曰華定州安喜人始名華父元皓事安祿山爲帳下將從陷兩京

文思明時僞署定州刺史故華籍本軍爲張孝忠牙將滄故成德部州也壬戌春孝忠與朱滔王武俊討李惟岳誅之德宗分成德爲三帥以易定滄卑孝忠滄州刺史李固烈李惟岳之妻兄也孝忠令華往喻之固烈請歸恒州軍中共殺固烈屠其家迎華知州事華不得已從之孝忠聞之卽版華攝滄州刺史會朱滔叛兵屯河間以故滄定道阻不相聞滔及王武俊皆招華不納卽攻之華乘城自守興元甲子夏五月華用叅軍李宇謀絕孝忠以滄州歸朝請別爲一軍華從之遣宇奉表詣行在上卽以華爲滄州刺史復置橫海軍以華爲副大使知節度使賜名曰華乙丑六月以日華爲橫海節度使歷加檢校工部尚書貞元戊辰十一月卒

綱目興元元年甲子夏五月以程日華爲滄州節度使

程懷直日華子也日華卒懷直自知留後已巳二月懷直遣子入朝請分弓高景城爲景州仍請廷除刺史德宗喜曰三十年無此事矣乃以徐伸爲景州刺史以懷直爲滄州觀察使明年以爲節度使累加檢校右僕射貞元乙亥九月爲從兄懷信所逐

綱目貞元四年戊辰十一月橫海節度使程日華卒五年春二月以程懷直爲滄州觀察使

卮言曰綱目書程日華卒以程懷直爲滄州觀察使後書橫海軍逐其節度使程懷直通鑑五年書以懷直爲滄州觀察使十年書橫海節度使程懷直入朝厚賜遣歸不載何時命爲節度綱目蓋畧而通鑑則闕耳唐書懷直自立請分景州置刺史而自領滄州故德宗喜之乃以爲滄州觀察也不然卽當以爲橫海軍留後矣

通鑑云以橫海留後程懷直後爲滄州觀察使乃云懷直請州事理不合今從唐書

程懷信懷直從父兄也初爲兵馬使懷直不恤士卒懷直出獵數日不歸懷信因衆心之怨閉門拒之懷直奔京師十月丁丑以懷信爲橫海留後明年爲節度使永貞乙酉六月卒

綱目貞元十一年乙亥冬十月橫海軍亂逐其節度使程懷直順宗永貞元年乙酉夏六月橫海軍節度使程懷信卒

程權懷信子也始名執恭初爲副使懷信卒以執恭爲留後元和丙戌五月丙子以執恭爲橫海節度使進封邢國公辛卯入朝加檢校右僕射奏改名權戊戌春權自以世襲滄景與河朔三鎮無殊內不自安表請舉族入朝許之橫海將士樂自擅不聽權去林蘊諭以禍

福權乃得出遷檢校司空徙鎮邠寧卒權兄弟子姪在朝列宗族奉朝請宿衛者三十餘人

綱目元和一三年春二月橫海節度使程權入朝

右程氏據滄州三世四帥共三十七年

卮言曰唐藩鎮無義取也彼善於此則幽州劉氏及滄州程氏有之日華始而得州從衆志也旣而歸朝聽忠言也雖子孫世據其土而皆命于朝始終不失臣節權又能舉族入朝其處家國可謂兼之矣

西川崔氏章

崔寧始名旰本貝州安平人後徙衛州世儒家而旰獨喜縱橫衛州刺史茹璋授符離令旣罷久不調因落魄客劔南以步卒事鮮于仲

通又從李宓討雲南無功還成都行軍司馬崔論悅其狀貌又以宗姓厚遇之薦爲牙將歷事崔圓裴冕寶應初蜀亂山賊乘險道不通嚴武奏旰爲利州刺史旣至賊遁去由是知名及武爲劔南節度奏旰爲漢州刺史將兵擊吐蕃連拔其數城攘地數百里武作七寶齋迎旰入成都以寵之未泰乙巳春嚴武卒行軍司馬杜濟等共請郭艾英又爲節度使旰與所部亦請王崇俊奏至朝廷已除英又矣英又至誣崇俊以罪而誅之召旰還成都旰辭不至英又怒自將兵攻之大敗而還旰襲成都英又奔簡州爲韓澄所殺送首於旰大曆丙午二月朝廷復以杜鴻漸爲西川節度使以平蜀亂張獻城爲東川節度使旰爲茂州刺史三月獻城與旰戰梓州而敗旰皆爲旰所奪八月鴻漸至蜀境聞獻誠敗而懼使人達意於旰卑辭重賂以迎

之鴻漸至成都接以溫恭又數薦之於朝請以節制讓旣上不得已從之以旣爲成都尹西川節度行軍司馬丁未七月鴻漸入朝因薦旣才堪寄任上亦務姑息乃留鴻漸知政事以旣爲西川節度使戊申四月旣入朝以弟寬爲留後楊子琳乘虛襲入成都朝廷聞之加旣工部尚書賜名寧遣還鎮已未徵旣入朝進檢校司空徙鎮朔方建中癸亥十月盧杞讚殺之凡據西川十五年

綱目永泰元年己冬十月漢州刺史崔旣殺西川節度使郭英乂大曆元年丙午夏六月以杜鴻漸爲劍南東西川副元帥二年丁未夏六月杜鴻漸入朝秋七月以崔旣爲西川節度使三年戊申夏四月崔旣入朝復使還鎮十四年己未冬十一月以崔寧爲朔方節度使建中四年冬十月盧杞殺左僕射崔寧

尹氏曰前書旣殺西川節度使繼書以鴻漸爲東川副元帥有討賊之功也又書鴻漸入朝以旣節度西川則是鴻漸不惟不能成功又與之是地而朝廷亦不問曲直遂與之節鉞耳由是觀之厥罪可均矣

劉氏曰來朝書還鎮有之矣未有書復使還者書復使還持筆譏失刑也旣前殺節度則罪人也於是入朝可以除之而復使還鎮唐之不能刑甚矣故特書復

汴州李氏章

李靈曜未詳其處人初事汴宋留後田神玉爲都虞侯代宗大曆丙辰五月田神玉卒靈曜殺兵馬使濮州刺史孟鑒北結田承嗣爲援詔永平李勉兼汴宋等八州留後而以靈曜爲濮州刺史靈曜不受詔六

月戊午以靈曜爲汴宋留後遣使宣慰靈曜益驕慢悉以其黨爲管內八州刺史縣令欲效河北諸鎮詔淮西李忠臣河陽馬燧與李勉討之淮南陳少遊淄青李正己皆進兵擊之九月靈曜逆戰淮西軍潰燧曰以順討逆何憂不克大戰於汴州城西靈曜敗入城固守諸軍圍之靈曜夜遁永平將擒之李勉械靈曜送京師斬之汴州平

綱目大曆十一年丙辰夏五月汴宋軍亂七月詔發諸道兵討平之

汴州劉氏章

劉玄佐本名洽滑州匡城人少倜儻不治生業爲縣逋盜犯法吏苦辱幾死乃亡命從軍大曆中李勉鎮永平洽爲其軍牙將時李靈曜據汴州洽襲取宋州詔以州隸永平軍勉卽表洽爲宋州刺史建中辛酉春分永平軍之宋類屬別爲管度便以洽爲之更名其軍曰

宣武洽攻李納於濮州克之加兼都招討使興元甲子春李希烈僭號攻陷汴州李勉奔歸京師加洽汴滑宋毫都統副使知都統事勉悉以其衆授之十一月洽復取汴州以洽兼汴州刺使更名玄佐累加檢校司徒兵馬副元帥丙寅十一月韓滉入朝過汴因說玄佐與俱入朝復以爲宣武節度使貞元壬申八月卒玄佐母雖貴日織絹一匹謂玄佐曰汝本寒微天子富貴汝至此必以死報之故玄佐始終不失臣節

劉士寧玄佐子也玄佐卒將佐匿喪稱疾俟代德宗亦爲隱數日乃發喪遣使卽軍中問所欲立吳湊可乎監軍孟介等皆曰便及湊次汜水軍中擁士寧爲留後嚮請吳湊者士寧出貯財分勞使士劫孟介以請於朝上以問宰相竇參曰今汴人指李納以邀制命不許將

合於納庚寅以士寧爲汴州刺史宣武節度使士寧忍暴淫亂軍中苦之貞元癸酉正月士寧出畋城南大將李萬榮逐之士寧奔歸京師後廢處郴州

綱目興元元年甲子十一月劉洽克汴州貞元二年丙寅十一月韓滉

劉玄佐曲環俱入朝八年壬申春三月宣武節度使劉玄佐卒

卮言曰史言劉玄佐之忠順母教也此言蓋本之劉氏母墓誌唐人誌墓無不溢美者按玄佐之入朝韓滉之計也河湟之使卧而受命其欲據本鎮明矣史不言其何時還鎮而第載其卒蓋在鎮也將佐匿喪請代又拒命而立其子其與幽州劉氏滄州程氏何異故亦系之此章

右劉氏據汴宋父子九年

李氏附

李萬榮故與劉玄佐同里相善爲都知兵馬使玄佐卒子士寧襲節度使諸將多不服士寧淫亂殘忍軍中苦之萬榮寬厚得衆心士寧疑之奪其兵權令攝汴州事癸酉十二月乙卯士寧帥衆出畋萬榮閉城拒之士寧逃歸京師上聞萬榮逐士寧使問陸贄贄上奏以爲今軍州已定宜且遣朝臣宣勞徐察事情冀免差失其畧曰今士寧見逐雖是衆情萬榮典軍且非朝旨此安危彊弱之機也願陛下審之慎之上復使謂贄若更淹遲恐於事非便今議處一親王克節度使且令萬榮知留後其制卽從內出贄復上奏其畧曰臣雖服戒角力諒匪克堪而經武伐謀或有所見夫制置之安危由勢付授之濟否由才勢如器焉惟在所置置之夷地則平才如負焉唯在所授授

踰其力則踣萬榮今所陳奏頗涉張皇但露徵求之情殊無退讓之禮據茲鄙躁殊異循良又聞本是滑人偏厚當州將士與之相得纔止三千諸營之兵已甚懷怨據此頗僻亦非將材若得志驕盈不悖則敗悖則犯上敗則債軍又曰苟邀則不順苟兌則不誠君臣之間勢必嫌姐與其圖之於滋蔓不若絕之於萌芽又曰爲國之道以義訓人將教事君先令順長又曰方鎮之臣事多專制欲加之罪誰則無辭若使傾奪之徒便得代居其任利之所在人各有心此源潛滋禍必難救非獨長亂之道亦關謀逆之端又曰昨逐士寧起於倉卒諸郡守將固非連謀一城師入亦未協志各計度於成敗之勢迴遑於逆順之名安肯捐軀與之同惡又曰陛下但選文武羣臣一人命爲節度仍降優詔慰勞本軍獎萬榮以撫定之功別加寵任褒將士

以輯睦之義原賜資裝揆其大情理必寧息萬榮縱欲跋扈勢何能爲又曰儻後事有愆素臣請受敗撓之寧罪上不從壬戌以通王諶爲宣武節度大使以萬榮爲留後丙子七月萬榮病不知事霍遷鳴薦押牙劉沐爲行軍司馬萬榮子迺爲兵馬使上遣中使第五守進至汴州宣慰軍士呼曰兵馬使勤勞無賞劉沐何人爲行軍司馬沐懼陽中風昇軍士欲斫守進迺止之遂殺大將數人都虞侯鄧惟恭執迺送京師詔以董晉爲宣武節度使萬榮卒惟恭遂權軍事不遣人迎晉晉受詔卽與廉從十餘人赴鎮不用兵衛惟恭以晉來速不及謀乃帥諸將出迎晉命惟恭勿下馬氣色甚和旣入仍委以軍政詔惟恭等各遷官賜錢惟恭謀作亂晉誅其黨械惟恭送京師

綱目貞元九年

癸酉

十二月宣武軍亂逐其節度使劉士寧十二年

丙秋七月宣武軍亂以董晉爲節度使

范氏曰以下犯上以臣逐君此爲國者所深惡聖王之法必誅而無赦者也不惟不討而又賞之使天下皆無君豈得不偏天子乎禮曰政不正則君位危爲國者必嚴上下之等明少長之序使不相陵越者蓋君欲自安也唐之人主壞法亂紀無政刑矣其何以爲天下乎

汴州劉氏章

劉全諒始名逸準懷州武陟人父正臣本名客奴由征行家於幽州之昌平少有武藝從平盧軍開元中室韋酋長段普恪恃驍勇數苦邊節度使薛楚玉以客奴有膽氣令抗普恪客奴單騎襲之斬首以獻授驍衛將軍克遊奕使自是數有戰功天寶末安祿山反平盧節

度使劉全諒知晦受賊僞署客奴與平盧諸將襲殺知晦馳章以聞授平盧軍節度使賜名正臣正臣以兵襲范陽不克奔歸平盧爲王玄志所執而卒贈工部尚書全諒本名逸準以父勲授別駕長史建中初劉玄佐爲宋毫節度使召署爲牙將以勇果騎射聞玄佐以宗姪厚遇之累署都知兵馬使玄佐卒子士寧襲以逸準爲宋州刺史癸酉冬李萬榮逐士寧而代之丙子秋萬榮病卒董晉爲節度使朝議以晉仁柔恐不能集事以陸長源爲行軍司馬以佐之長源性刻急才傲物軍中惡之已卯春二月晉卒長源爲留後揚言曰將士弛慢日久當以法齊之耳衆皆懼或勸之發財以勞軍源曰我豈效河北賊以錢買健兒求節鉞耶軍中怨怒作亂監軍俱文珍以逸準久爲宣武大將得衆心密書召之逸準引兵徑入汴州亂衆乃定是月己丑

以逸準爲宣武節度使賜名全諒八月卒

綱目貞元十五年卯春宣武節度使董晉卒軍亂殺留後陸長源

卮言曰劉全諒之領鎮未有逆節倡亂也惟以宣武數亂而全諒因亂得立故并系之此篇

汴州韓氏章

韓弘潁川人世居滑之匡城少孤依母家宣武節度使劉玄佐卽其舅也弘舉明經不中從學騎射由諸曹試大理評事爲宋州南城將事劉全諒署都知兵馬使貞元己卯秋全諒卒軍中思玄佐之恩以弘材武又玄佐甥也共推爲留後請監軍表諸朝廷亦以玄佐故許之辛酉以弘爲汴州刺史宣武節度使吳元濟叛拜弘淮西諸軍都統弘不親屯遣子公武領兵三千屬李光顏弘樂於自擅欲以賊爲

重不願淮西速平元濟誅弘以統帥功加兼侍中封許國公將兵擊李師道圍曹州元和己亥秋李師道誅弘懼始入朝累拜司徒中書令卒凡鎮汴二十一年

綱目貞元十五年卯秋八月以韓弘爲宣武節度使元和十四年

己亥秋七月宣武節度使韓弘入朝

卮言曰通鑑云宣武軍自玄佐卒凡五作亂弘召倡者及其黨三百人數而斬之自是至弘二十一年士卒無一人敢譴呼於城郭者此言其才也按新舊唐書頗言其不軌之狀而舊傳贊云乘隙陷利犯上無君則其跋扈甚矣其得免於逆亂之誅者幸也

襄州于氏章

于頔河南人後周太祖燕公謹之後也始以蔭補于牛調華陰尉遷

長安令駕部郎中出爲湖州刺史未幾改蘇州有政績遷大理卿爲
陝隴觀察使貞元戊寅九月以頤爲山東南道節度使因討吳少誠
大募戰士繕甲厲兵聚歛貨財有據漢南之志請升襄州爲大都督
府凡所奏建德宗一一從之累遷檢校右僕射同平章事封燕國公
俄擅以兵取鄧州據之朝廷未始誰何德宗順宗繼崩憲宗卽位元
和丁亥冬頤憚上英威爲子季友尚主上以普寧公主妻之因使人
諷之入朝頤遂奉詔拜司空同平章事頤久留長安鬱鬱不得志癸
巳冬復求出鎮貶爲恩王傳卒

綱目貞元十四年庚戌秋九月以于頤爲山南東道節度使元和二
年丁亥冬以普寧公主適于季友八年癸巳春正月貶于頤爲恩王傳
范氏曰爲政必可繼也憲宗不愛一女以悅于頤天下藩鎮焉得

人人而悅之頤方命不朝以女妻其子不亦替乎

舊唐書傳曰于燕公以孺子逢時擾攘不持士範非義非俠僥者
不爲末塗淪躓固其宜矣

卮言曰于頤之鎮襄陽非如來填之拒命梁崇義之擅據也而志
圖不軌亦欲效尤而踵迹者及憚憲宗之英威乃爲子求昏而後
入朝不數年而復求出鎮可謂無忌憚矣綱目兩書于頤而削其
官惡之也故亦系之此章

徐州王氏章

王智興懷州温人少驍銳爲徐州牙兵事刺史李洧洧棄李納舉州
歸朝納怒急攻洧智興能駛步奉表不數日至京師告急德宗發兵
擊納解去自是爲徐特將以破賊功累遷御史中丞沂州刺史穆宗

長慶元年辛丑十月以智興爲武寧節度使先是副史皆以文吏爲之上聞智興勇略欲用之於河北故以是寵之二年壬寅三月時崔羣爲節度使詔遣知興以精兵三千討幽鎮崔羣忌之奏請以爲他官未報會有詔罷兵智興引兵入府逐羣遣兵衛送還朝遣輕兵襲濠州朝廷以新罷兵力去罷討已未以智興爲武寧節度使徐州軍名武寧已酉四月智興以與平李同捷功加守太傅封鴈門郡王十一月入朝進兼侍中改忠武河中宣武三節度卒凡據徐州八年

綱目穆宗長慶元年辛丑冬十月以王智興爲武寧節度副使二年春三月武寧副使王智興作亂詔以爲節度使

舊傳史臣曰韓王二帥乘險陷利犯上無君豺狼噬人鶴鷁幸夜爵祿過當其可已乎

滑州李氏章

李澄遼東襄平人隋蒲山公寬之後也居京兆父錫清江太守以澄贈工部尚書澄以勇票隸江淮都統李恒府爲偏將除試將作監建中初以檢校賓客兼御史中丞從永平節度李勉軍勉鎮汴奏澄爲滑州刺史癸亥冬李希烈陷汴勉歸行在澄遂以城降賊希烈以爲尚書令兼滑州永平節度使興元甲子二月澄遣盧融間道奉表諸行在德宗嘉之署帛詔內蠟丸授澄刑部尚書汴滑節度使澄未卽宣乃先勒訓司馬澄猶外事希烈希烈疑之遣養子六百人戍白馬召澄共攻寧陵澄至石柱使其衆陽驚燒營而遁又諷養子令剽掠澄悉收斬之以白希烈希烈無以罪也十一月希烈遣其將翟崇暉等攻陳州不克澄知大梁兵少不能制滑州又中官薛盈珍持節至

封澄武威郡王賜實封五百戶澄乃焚希烈所授旌節誓衆歸國希烈既失澄又爲劉洽所敗遂奔蔡澄引兵將取汴屯北門不敢進及劉洽師屯東門賊將由懷珍納之比澄入洽已保子城矣澄乃舍浚儀兩軍士日爭忿未能安會希烈鄭州守將詣澄降澄遣子請馳赴之澄遂如鄭詔授清檢校太子賓客更各克寧貞元乙丑三月以澄爲鄭滑節度使名其軍曰義成遷檢校左僕射丙寅八月癸未卒澄始封隴西郡公後乃進王爵每上章必疊署二封士大夫笑其野

綱目建中四年癸亥又二月李希烈陷汴滑州興元元年甲子十一月

李澄以鄭滑降

李克寧澄之李澄卒士寧祕不發喪謀總軍務其行軍司馬馬鉉不許克寧殺之九月庚寅始發父喪墨線出視事增兵城門劉玄佐出

師屯境上以制之且使告諭切至克寧廼不敢襲位丁酉詔以賈耽爲義成節度使克寧悉取府庫之財夜出軍士從而剽之比明殆盡澄樞至京猶賜克寧莊一區錢千緡粟麥千石云

卮言曰李澄以城降賊而爲之守雖奉表密降實懷反覆令賊不敗陳而棄汴澄之向皆未可知也賊勢輕而王爵重雖甚奸究能不歸乎身與劉洽爭汴而子謀襲父位逆節如是乃感其降而數恩賜也德宗之無章甚矣劉洽能制李克寧之不襲而不能保其子士寧之不襲總之自私自利不足語於大義也

淮西吳氏章

吳氏之前爲李希烈借稱楚帝詳篡逆門

吳少誠幽州潞縣人父翔爲魏博節度都虞侯少誠以父蔭爲諸王府戶曹參軍客荆南節度使庾準器之留爲牙門將從入朝道襄陽

度梁崇義必叛密畫計將獻於朝而李希烈以其事聞有詔嘉美封
通義郡王崇義叛希烈以少誠爲前鋒事平賜實封希烈又少誠爲
之盡力貞元丙寅四月陳仙奇殺李希烈以降仙奇爲節度使少誠
爲希烈報仇七月殺仙奇自爲留後己酉以虔王諒爲申光蔡節
度大使以少誠爲留後丁巳以少誠爲節度使名其軍曰彰武戊寅
九月少誠叛侵壽州己卯八月少誠掠臨潁遂圍許州詔削奪少誠
官爵令諸道進兵討之官軍屢敗少誠引兵還蔡州致書監軍求昭
雪監軍奏之遂赦少誠盡還其官爵進檢校司空加同平章事徙封
濮陽郡王元和己丑十一月

綱目貞元二年丙寅夏四月淮西節度使陳少奇爲其將吳少誠所
殺以少誠爲留後十四年秋九月吳少誠叛侵壽州十五年秋八

月詔削奪吳少誠官爵令諸道進兵討之十六年冬十月赦吳少

誠復其官爵元和四年己丑十一月淮西節度使吳少誠卒

胡氏曰陳仙奇爲國殺賊賞以節鉞是也吳少誠黨賊而殺仙奇
亦以與之則賞罰混淆兆淮蔡之亂矣

吳少陽滄州青地人與少誠同在魏博軍相友善少誠得淮西多出
金帛邀之名曰從弟出入如至親少陽度少誠殘忍且畏禍請爲外
捍少誠乃表爲申州刺史己丑十月少誠病亟家僮羊于熊詐以少
誠命召少陽至則殺少誠子元慶自攝副使知軍州事十一月己巳
少誠卒少陽自爲留後上以河朔方用兵不能討少陽庚寅三月己
未以少陽爲淮西留後進拜彰義節度使少陽據蔡州五年不入朝
陰聚亡命抄掠壽州茶山以實其軍元和九年甲午七月卒

綱目元和五年庚寅春三月以吳少陽爲淮西留後九年秋閏七月
彰義節度使吳少陽卒

吳元濟少陽長子也少陽卒元濟匿喪以病聞僞表請元濟主兵帝
遣太醫往視卽陽言少愈不得見元濟自領軍務縱兵侵掠及東畿
制削其官爵發十六道兵討之元和十二年丁酉十月李愬夜襲蔡
州擒元濟檻送京師斬之

綱目元和十年乙未春正月吳元濟反制削其官爵發兵討之十二

年冬十月李愬夜襲蔡州擒吳元濟檻送京師

舊唐本傳曰吳少誠爲李希烈亂胎雖謀奪其軍及嗣而滅而元
濟效希烈之狂悖謂無天地人之克險一至於斯是知王者御治
之道其可忽諸

右吳氏據蔡州二姓二世三帥共三十二年

澤潞盧氏章

盧從史其先在元魏時爲盛族後徙籍不常父虔好學舉進士歷御
史刑部郎中江汝二州刺史秘書監從史少好騎射遊澤潞間節度
使李長榮署爲督將貞元甲申八月長榮卒上遣中使以手詔授本
軍大將但軍士所附者卽授之從史潛與監軍相結又善迎奉中使
卽取詔授之八月己未詔以從史爲昭義節度副大使寢恣不道元
和中丁父喪去官朝廷久未起復從史懼因吐突承璀進說請以本
軍討王承宗以希上意乃起復爲金吾大將軍因詔討賊而勒兵逗
留陰與承宗通謀上甚患之會從史遣牙將王翊元入奏事翊元言
其陰謀及可取之狀上許之庚寅三月吐突承璀琇從史執送京師

貶爲驩州司馬凡據潞州七年

綱目貞元二十年甲申秋八月以盧從史爲昭義節度使元和五年

庚寅春三月吐突承璀瑋盧從史執送京師

范氏曰藩鎮不順未必人情之所欲也由朝廷御失其道而不能服其心是以致亂三軍之士豈不惡夫上下之相陵犯欲得天子之帥而事之哉廢置爵賞人主之柄也德宗不有而推以與人失其所以爲君矣豈非不能與賢人圖事而至此乎

夏綏楊氏章

楊惠琳史失其籍夏綏節度使韓全義之甥也全義入朝以惠琳知留後

元和丙戌二月杜黃裳以全義出征無功驕蹇不遜直令致仕以將軍李演爲夏綏節度使惠琳勒兵拒之表稱將士逼臣爲節度使河

東綏請討之詔河東天德軍合擊惠琳是月辛巳夏州兵馬

承人斬惠琳傳首京師

綱目元和元年丙戌春三月夏綏留後楊惠琳拒命詔河東天德軍討誅之

江淮李氏章

李錡淮安王神通淄川王孝同之玄孫也祖廣業劔州刺史父國貞朔方節度行營都統寶應初爲軍士所殺贈揚州大都督錡以父蔭累官湖抗等三州刺史貞元己卯二月錡州刺史多以寶器賂宮苑使李齊運薦爲浙西觀察使諸道鹽鐵轉運使錡旣執天下利權以貢獻固主恩以饋遺結權貴恃此驕縱無所忌憚布衣崔善貞詣闕上封事言錡不法事上覽之不悅械送錡殺之順永貞乙酉三月以

錡爲鎮海節度使解其轉運使錡雖失利權而得節旄故反謀亦未
發元和丁亥九月時夏蜀旣平藩鎮惕息多求入朝錡文不自安求
入朝上許之錡實無行意屢遷行期稱疾請至歲暮上以問宰相武
元衡曰陛下初卽政求朝得朝求止得止可否在錡將何以令四海
上以爲然詔徵之錡詐窮遂謀反制削官爵屬籍發諸道兵討之錡
遣張子良襲宣州子良知錡必敗與將士夜還執錡送京師并其子
師回斬之

綱目元和二年丁亥四月李錡反制削官爵屬籍發諸道兵討之
鎮海兵馬使張子良執李錡送京師斬之

西川劉氏章

劉闢史失其籍初事西川節度使韋臯臯爲劔南支度副使永貞乙酉八月

臯卒闢自爲留後使諸將表求節鉞朝廷不許以袁滋爲西川節
度使徵闢爲給事中闢不受徵阻兵自守袁滋畏其疆不敢進憲宗
怒貶滋而以初嗣位力未能討闢十二月己酉乃以闢爲西川節度
使使知節度事元和丙戌正月闢旣得旌節志益驕求兼領三川上
不許遂發兵圍東川上欲討闢而重於用兵公卿議者亦以爲蜀險
固難取杜黃裳獨曰闢狂慝書生取之如拾芥耳臣知袖策軍營高
崇文可用願以軍事勸闢必可擒矣上從之命崇文將步騎五千爲
前驅帥諸軍討之上與杜黃裳論及藩鎮黃裳曰德宗自經憂患務
爲姑息不生除節帥有物故者先遣中使察軍情所與則授之中使
或私受大將賂歸而譽之卽降旄鉞未嘗有出朝廷之意者陛下必
欲振舉綱紀宜稍以法度裁制藩鎮則天下可得而理也上深以爲

然如是始用兵討蜀威行兩河皆黃裳啓之也九月崇文至成都闕
奔吐蕃追擒之檻送京師斬之

綱目永貞元年乙酉十二月以劉闢爲西川節度副使元和元年丙戌
春正月劉闢反命神策行營節度使高崇文將兵討之秋九月高
崇文克成都擒劉闢送京師斬之

范氏曰藩鎮之亂異於諸侯諸侯自古以來有之皆聖賢之後
王者不得而絕也唐之藩鎮皆起於盜賊其始也天子錫璽之又
從而姑息之以至于不可制人主自取之也憲宗一裁以法而莫
敢不服天下之治亂豈有不由君相者哉

尹氏曰德宗征討藩鎮多矣或命諸道或遣官臣命諸道則號令
不一遣官臣則事由中制由是罕有成功往往反納侮而止憲宗
承統之初劉闢反叛帝能聽用杜黃裳之策專命一將不置監軍
未幾遂克成都由所以處置者得其理故也觀綱目所書則知憲
宗中興之氣象有自來矣

澤潞劉氏章

劉悟正臣之孫全諒之從子也悟少有勇力全諒節度宣武器其敢
殺署牙將以罪奔潞州王虔休復署爲將被病去還東都全諒積緡
錢數百萬在焉悟破滕鏞用之從惡少年殺人屠狗豪橫犯法繫河
南獄留守韋夏卿貸免李師古厚幣迎之歷牙門右職奏授都知兵
馬使師古卒師道襲憲宗元和十四年二月諸道兵共討師道時悟
將兵屯陽穀以拒官軍務爲寬惠使士卒人人自便軍中號曰劉父
師道疑其收衆心潛遣二使齎帖授副使張暹令漸悟暹數與悟善

懷帖示之悟召諸將立斬其使勒兵圍鄆執師道斬之乃移悟宅鎮以悟爲義成節度使封彭城郡王庚子穆宗卽位十月以悟爲昭義節度長慶辛丑七月徙鎮盧龍悟以朱克融方彊奏請且授節鉞徐圖之乃復以悟爲義成節度使壬寅二月悟執監軍劉承偕囚之上詔悟送承偕悟不奉詔會裴度入朝上問度宜如何處置度對曰承偕在昭義驕縱不法臣盡知之悟在行營與臣書具論其事時有中使趙弘亮在軍中持悟書去欲自奏之不知嘗奏否上曰朕殊不知也且悟大臣何不自奏對曰悟武臣不知事體然今事狀籍籍如此臣等面論陛下猶不能決况悟當是卑辭豈能動聖聰哉上曰前事勿論直言此時如何處置對曰陛下必欲收天下心止應下半紙詔書具陳承偕之罪令悟集將士斬之則藩鎮之臣孰不思爲陛下效

死非獨悟也上曰朕不惜承偕然太后以爲養子卿更思其次度乃奏請流承偕于遠州上從之悟乃釋承偕加檢校司徒同平章事自是悟浸驕欲效河北三鎮招聚不逞章表多不遜寶曆乙巳八月卒綱目憲宗元和十四年己卯春二月平盧都將劉悟執李師道斬之以劉悟爲義成節度使穆宗長慶二年壬寅春二月昭義節度使劉悟執監軍劉承偕

卮言曰監軍雖有罪然天子之命使也藩鎮安得而囚之裴晉公媿媿爲劉悟解罪又欲其斬承偕寧不失之媚乎此悟之所以益驕也

劉從諫悟子也悟卒諫匿喪謀以悟遺表求知留後司馬賈直言責之乃發喪朝廷得悟遺表議者多言上黨內鎮與河朔異不可許李

絳亦言之時李逢吉王守澄納其賂計議已定竟不用絳等謀十二月辛丑以從諫爲昭義留後四月戊申以從諫爲節度使累加檢校左僕射拜司空封沛國公進同平章事昭義自悟時治刑州而人思上黨從諫遠治潞從諫心輕朝廷有驕色累疏論列朝政進檢校司徒會昌癸卯四月卒

綱目敬宗寶歷元年己秋八月昭義節度使劉悟卒十二月以劉從諫爲昭義留後

劉稹從諫弟從素之子也初從諫累表言仇士良罪惡遂與朝廷相猜狠招納亡命繕完兵械及疾病與慕容張谷等謀效河北諸鎮以稹爲都知兵馬使反卒稹秘不發喪逼監軍崔士康奏稱從諫疾病請命其子稹爲留後上遣供奉官薛士幹往諭從諫使就東都療疾

遣稹入朝士幹入境不問從諫疾直爲知其已死之意郭誼等大出兵迎之請用河朔事體遂扶稹出見將士發喪不受敕命上已與李德裕決計討稹李行裕言於上曰議者皆云劉悟有功稹未可亟誅宜全恩禮請下百官議以盡人情二曰悟亦何功當時迫於救死耳非素心徇國也籍使有功父子爲將相二十餘年國家報之足矣稹何得復自立朕以爲凡有功當顯賞有罪亦不可苟免也德裕曰陛下之言誠得理國之要乃制削奪從諫及稹官爵命諸道合兵討之七月王元逵拔宣務寨何弘敬拔肥鄉平恩會昌甲子八月邢洛磁三州降都將郭誼斬稹以降傳首京師復詔石雄將兵至潞誅誼等誼曰望旌節旣久不聞問乃曰必殺他鎮雄至盡執誼等至京師皆斬之

綱目武宗會昌三年^{癸亥}夏四月昭義節度使劉從諫卒其子稹自
爲留後詔諸道發兵討之四年^{甲子}秋八月郭誼斬劉稹以降
司馬公曰董重質之在淮西郭誼之在昭義吳元濟劉稹如木偶
人在伎兒之手其始則勸人爲亂終則賣主規利其死固有餘罪
然憲宗用之於前武宗誅之於後臣以爲皆失之何則賞姦非義
也殺降非信也夫義與信何以爲國如誼等免死流之遠方沒齒
不還可矣殺之非也

卮言曰劉悟以偏將殺主帥以得節鉞而其孫稹亦爲裨將郭誼
所殺反復之報應若影響然悟以榮而誼以誅溫公所謂賞姦殺
降皆失之者也悟得利而誼效尤則誅之亦不爲過要之非悟不
足以滅李氏非誼不足以滅劉氏溢若天意使然豈復令郭氏有

平

右劉氏據澤潞三世三帥共二十三年先鎮義成十四年

滄景李氏章

李全略本王氏名曰簡事成德王武俊爲牙將承宗時虐用其軍故
入朝授代州刺史長慶辛丑秋成德殺田弘正穆宗以日簡故鎮將
召問其計遂授德州刺史經畧其事壬寅正月以日簡爲橫海軍節
度滄德棣州觀察使賜姓名曰李全畧二月復以李光顏節度橫海
以全畧爲德棣節度使光顏固辭還許州全畧復鎮橫海未幾遣子
同捷入朝既還卽奏同捷爲滄州長史橫海副大使押中軍兵馬帝
不得已可其請全畧陰規傳久計選材武以所私結士心外示忠順
內蓄奸謀寶歷戊申三月卒

李同捷全畧子也全畧卒同捷擅領留後重賂鄰道以求承繼朝廷經歲不問敬宗崩文宗卽位同捷冀易世之後或加恩貸遣掌書記崔從長奉表與其弟同志同巽俱入見請遵朝旨乃移同捷鎮兗海同捷不受詔八月削其官爵發諸道兵討之己酉二月李祐帥諸道兵擊同捷拔德州同捷降祐取斬之傳首京師滄景悉平諸道兵攻李同捷二年僅能下之

綱目文宗太和元年丁未五月以李同捷爲兗海節度使李同捷不受詔八月削其官爵發諸道兵討之三年夏四月同捷降滄景平

幽州朱氏章

朱克融滔孫也其父曰洄爲幽州將號有智諳克融事幽州節度使

爲都知兵馬使總將入朝慮後有變盡擇麾下伉健難制者送之京師乞加獎拔克融等久羈旅京師至假百衣食日詣中書求官崔植杜元顥不之省辛丑正月劉總棄官爲僧以張弘靖代之弘靖赴鎮勒克融輩歸本軍驅使克融輩皆憤怨七月判官韋雍出逢小將策馬衝其前導雍命杖之河朔軍士不貫受杖不服雍曰弘靖繫治之是夕士卒連營呼譟作亂囚弘靖殺雍等時洄以疾廢卧家衆往請爲留後洄自辭老病請使克融爲之衆從之迎克融爲留後詔以劉悟爲節度使馳往悟以克融方強奏請且授克融節鉞徐圖之俄而瀛冀皆附克融克融縱兵掠易州轉寇定州自憲宗征伐四方國用已虛及上卽位賞賜無節而幽鎮用兵久無功府藏空竭勢不能支執政乃議王庭湊殺田弘正而克融全張弘靖罪有重輕請赦

克融專討庭湊上從之十二月乙酉以克融爲盧龍幽州節度使克融既得旌節乃出弘靖累進檢校司空爵吳興郡王寶曆丙午五月軍亂被殺

綱目長慶元年辛丑秋七月盧龍軍亂囚節度使張弘靖推朱克融爲留後九月朱克融掠易州十二月以朱克融爲盧龍節度使尹氏曰幽燕自安史以來世爲悖逆重以劉總之惡唐不能討至是又首亂河朔浸淫至于劉守光極矣蓋其腥膻虐焰安於爲逆自爲夷狄禽獸之歸綱目詳書于冊所以志他日淪陷虜庭之由也

朱延嗣克融少子也五月幽州軍亂殺克融及其子延齡以延嗣主軍務延嗣虐用其人八月都將李載義殺延嗣并屠其家三百餘人尹氏曰克融兇悖裴度謂其將斃果如所言則亦以理推之而以唐朝制馭失宜致使狂賊陸梁固亦有以召之然而克融乘間肆惡桀逆不已天理亦豈容之哉既戮其驅又覆其族近在數年之間此固昭昭之報不可誣也

右朱氏據幽州凡二世六年

通鑑曰上之初卽位也兩河畧定蕭俛段文昌以爲天下已太平漸宜消兵請密詔天下軍鎮有兵處每歲百人之中限八人逃死上方荒宴不以國事爲意遂可其奏軍士落籍者衆皆聚山澤爲盜及朱克融王庭湊作亂一呼而亡卒皆集詔徵諸道兵討之諸道兵卽少皆臨時召募烏合之衆又諸節度既有監軍其領偏軍者亦置中使監陳王將不得專號令戰小勝則飛驛奏捷自以爲

功不勝則迫脅主將以罪歸之悉擇軍中驍勇以自衛遣羸懦者就戰故每戰多敗又凡用兵舉動皆自禁中授以方畧朝令夕改不知所從不度可否惟督令速戰中使道路如織驛馬不足掠行人馬以繼之人不敢由驛路行故雖以諸道十五萬之衆裴度元臣宿望烏重胤李光顏皆當時名將討幽鎮萬餘之衆屯守餘年竟無成功財竭力盡崔植杜元穎爲相皆庸才無遠畧史憲誠旣逼殺田布朝廷不能討遂并朱克融王庭湊以節授之由是再失河朔迄于唐亡不能復取

庖言曰河北三鎮世據六十年朝廷不能制自憲宗削平僭亂而田弘正王承元劉總相繼歸朝亦一時盛事也惟當時不得真才用之而代帥非人處置夫宜三鎮卒復爲悍將所據以迄于唐亡惜哉史稱穆宗在東宮聞天下厭苦憲宗用兵故卽位務優游將卒以求姑息又云長慶之初上方酣宴不以天下爲意崔植杜元穎無遠畧不知安危大體苟欲崇重張弘靖故以弘靖爲之先是河北節度使皆與士卒均勞弘靖雍容驕貴政事多委之幕僚韋雍輩皆嗜酒豪縱裁刻軍士由是軍中人人怨怒故至于亂自幽州逐弘靖而鎮州殺田弘正魏州殺田布復如曩日之跋扈不可復返矣使穆宗如憲宗之初求賢納言宣武布令則藩鎮之禍可戢而太平可俟也英主暴崩而庸主踵接欲以撥亂爲治得乎

幽州李氏章

李載義自稱常山愍王承乾之後世以武力稱載義性矜蕩好與豪傑遊力挽疆搏闔劉濟在幽州引補帳下以功爲都知兵馬使敬宗

寶曆丙午五月幽州軍亂殺節度使朱克融而立其子延嗣八月載義與弟牙內兵馬使載寧共殺延嗣屠其家載義權知留後九月數延嗣之罪以聞十月己亥以載義爲盧龍節度使封武威郡王累進檢校右僕射同平章事太和辛亥二月爲楊志誠所逐自易州赴京師上以載義有平滄景之功且事朝廷恭順加太保後鎮河東載義凡據幽州五年

綱目敬宗寶曆二年

丙午

夏五月幽州軍亂殺節度使朱克融而立

其子秋八月都將李載義殺之冬十月以李載義爲盧龍節度使

幽州楊氏章

楊志誠初事李載義爲後院副兵馬使太和辛亥二月載義宴敕使於毬場志誠與其黨呼譟作亂載義與子正元奔易州志誠又殺莫

州刺史張慶初上召宰相謀之牛僧孺曰范陽自安史以來非國所有劉總暨獻其地朝廷費錢八千萬緡而無絲毫所獲今日志誠得之猶前日載義得之也因而撫之使捍北狄不必計其逆順上從之二月壬辰以志誠爲盧龍留後檢校工部尚書癸丑八月遷檢校吏部尚書進奏官徐廸詣宰相言軍中不識朝廷之制唯知朝廷改僕射爲遷不知工部改吏部爲美敕使往恐不得出辭氣甚慢宰相不以爲意二月志誠怒不得僕射留官告使魏寶義等遣牙將王文穎來謝恩并讓官丙申復以告身并批荅賜之文穎不受而去八月壬寅加志誠檢校右僕射仍別遣使慰諭之甲寅十月幽州軍亂逐志誠推史元忠主留務志誠過太原李載義自歐擊欲殺之幕僚諫救得免殺其妻子及其行軍卒朝廷不問十一月史元忠獻志誠所造

袞衣及諸僭物丁卯流志誠於嶺南道殺之凡據幽州四年

通鑑考異曰舊傳云朝廷納裴度言務以含垢下詔論之因再遣使加尚書右僕射按此時度為襄陽節度使舊傳恐誤今從實錄司馬公曰昔者聖人順天理察人情知齊民之莫能相治也故置師長以正之知羣臣之莫能相使也故建諸侯以制之知列國之莫能相服也故立天子以統之天子之於萬國能褒善而黜惡抑彊而扶弱撫服而懲違禁暴而誅亂然後發號施令而四海之內莫不率從也詩曰勉勉我王綱紀四方載義藩屏大臣有功於國無罪而志誠逐之此天子所宜治也若一無所問因以其土田爵位授之則是將帥之廢置殺生皆出於士卒之乎天子雖在上何為哉國家之有藩鎮豈專利其財賦而已乎如僧孺之言姑息偷

安之術耳豈宰相佐天子御天下之道哉

卮言曰裴晉公自憲宗而後蓋亦老矣劉悟因監軍而公不以為非又憲誠助叛藩而公信其不可貳則寬容含垢亦是公本意也舊傳之言亦不為誣

綱目太和五年辛亥春正月盧龍將楊志誠逐其節度使李載義二月以志誠為留後七年秋八月加盧龍節度使楊志誠右僕射八年冬十月幽州軍亂逐節度使楊志誠推史元忠主留務志誠伏誅

尹氏曰楊志誠以偏裨作亂逐其主將朝廷因授節鉞既乃桀驁悖逆邀求爵命惟其所欲無不如意其後亦不能免此固罪盈惡積之報也夫藩鎮在唐更起迭仆一皆聽其所為未有能

正其罪者今志誠獨以伏誅書之于冊若足少伸唐人不平之氣然能誅之於見逐之後而不能誅於未逐之前則其威令不振固自若也然志誠本流嶺南而殺之於道固非能明正典刑而綱目則書其伏誅者既以正志誠之罪又以明當時藩鎮跋扈不臣者皆當加此刑耳

幽州史氏章

史元忠初爲幽州兵馬使太和甲寅十月幽州軍亂逐節度使楊志誠推元忠主留務十二月癸未以通王領盧龍節度以元忠爲留後乙卯三月以元忠爲檢校工部尚書盧龍節度使會昌辛酉十月爲偏將陳行泰所殺比據幽州八年

幽州張氏章

張仲武范陽人舊將張光朝之子也仲武通左氏春秋爲雄武軍使會昌辛酉十月初盧龍軍亂殺節度使史元忠推牙將陳行泰主留務表求節鉞宰相李德裕計河朔請帥遣使太速故軍情遂固若少須之必自生變旣而軍中果殺行泰立張絳復求節鉞亦置未報仲武起兵擊絳且遣軍吏吳仲舒奉表以聞詔宰相問狀仲舒言仲武得士心受命必有逐絳者德裕奏行泰絳皆使大將上表脅朝廷邀節鉞故不可與今仲武表請討亂與之有名乃以仲武知盧龍留後仲武尋克幽州壬戌正月以仲武爲盧龍節度使封蘭陵郡王累進檢校司徒同平章事大中己巳四月卒

綱目會昌元年辛酉冬十月盧龍軍亂雄武軍使張仲武討平之詔以張仲武爲盧龍節度使

蘇氏曰盧龍連害帥臣最後張絳殺陳行泰李德裕以河朔諸帥皆報下太速故其軍得以安若稍緩之必且有變果如其言德裕之謀卽貞元中陸贄之故事也

張直方仲武子仲武卒軍中立直方戊戌以直方爲盧龍留後六月戊申以直方爲節度直方暴忍喜遊獵閏十月軍中將作亂直方知之託言出獵舉族逃歸京師軍中推牙將周繚爲留後直方至京師拜金吾大將軍

綱目宣宗大中三年巳夏四月盧龍節度使張仲武卒六月以張直方爲盧龍節度使閏十一月張直方歸京師

庖言曰河北諸鎮未有以計亂得領節鉞者也惟張仲武爲然綱目書討平軍亂異乎諸鎮之舉矣而又知留後書爲節度使書卒書其子嗣立又書蓋始終予之也然系之此篇者繼亂而得地也其邁衆之才固自不可掩耳

右張氏據幽州凡二世共九年

幽州中張氏章

張允伸范陽人曾祖秀擅州刺史祖巖納降軍使父朝掖贈太尉世爲幽州軍校允伸累職至押牙兼馬部都知兵馬使大中庚午八月盧龍節度使周繚卒軍中推允伸爲留後九月丁酉從之十一月以允伸爲檢校散騎常侍盧龍節度使累進檢校司徒兼太傅同平章事封燕國公咸通壬辰正月卒允伸鎮幽州二十三年勤儉恭謹邊鄙無警上下安之

綱目大中四年庚秋八月盧龍節度使張繹卒軍中推張允伸爲

留後

張簡會允伸子允伸疾請委軍就醫許之以簡會為留後病甚表納
旌節而卒張公素帥州兵來奔喪簡會懼奔京師以為諸衛將軍兄
弟十四人多至大將軍刺史郡佐者

通鑑考異曰舊紀亦無朝廷命周琳為節度使年月至此但云幽
州節度使周琳卒軍人丘允伸為留後

右張允伸據幽州凡二世共二十三年

幽州後張氏章

張公素范陽人以列將事張允伸擢平州刺史素有威望為幽人所
服允伸卒子簡會知留後公素帥州兵來奔喪簡會懼奔京師詔以
公素為留後六月以公素為節度使加平章事公素性暴戾不為軍

士所附乾符乙未六月李茂勳逐公素而代之公素凡據州二年

幽州李氏章

李茂勳本回鶻阿思布之裔張仲武破回鶻茂勳與其侯王皆降資
沈勇善馳射仲武器之任以將兵使戍邊積功封郡王賜姓及名乾
符乙未六月節度使張公素性暴戾不為軍士所附納降軍使陳貢
言者幽之宿將軍中素信服茂勳潛襲殺之聲云貢言舉兵向薊公
素出戰而敗奔京師勳入城眾乃知非貢言也不得已推而立之朝
廷因以為留後八月以茂勳為節度使丙申三月以左僕射致仕
李可舉茂勳之子也丙申三月茂勳病請以可舉知留後自求致仕
詔茂勳以左僕射致仕以可舉為留後五月以可舉為盧龍節度使
累加檢校太尉侍中光啓乙巳六月李全忠殺可舉而代之可舉舉

族自焚

綱目僖宗乾符三年丙夏五月以李可舉爲盧龍節度使光啓二

年乙夏四月李可舉王鎔寇易州王處存討殺之

右李茂勳據幽州凡二世共十一年

始乙未六月終乙巳六月

幽州後李氏章
李全忠范陽人仕爲棣州司馬有蘆生其室一尺三節怪之以問別駕張建建曰蘆茅類得澤而滋公茅土兆也傳節者其三世乎秩滿罷歸事李可舉爲牙將光啓乙巳六月可舉遣全忠攻易州爲王處存所敗全忠恐獲罪還襲幽州可舉自焚死全忠自爲留後七月詔以全忠爲盧龍留後進爲節度使丙午八月卒

綱日光啓元年乙夏六月盧龍將李全忠殺李可舉而代之

劉氏曰可舉曷爲不書節度使削之也可舉嘗書寇矣故削之將校殺主帥然必邀其大將表請節鉞也未有直書代之矣直書代之不用朝命也於是天子擁虛位而已矣

卮言曰按通鑑云以全忠爲留後不言何時命爲節度使也又云盧龍節度使李全忠薨通鑑此類亦多豈畧之乎據考異命與不命年月事情考究精詳則非畧也或有關文或偶脫耳綱目書李全忠殺可舉而代之劉氏謂不用朝命也然亦以節度使書卒豈其自爲而遂書之乎蓋綱目依通鑑之文爲義不考同異也今從

新舊唐書

李匡威全忠子全忠卒以匡威爲稱留後尋拜節度使匡威恃燕薊勁兵斬然有雄天下心意與李克用爭雲代景福癸丑正月李克用

擊王鎔匡威救之爲弟匡籌所逐奔鎮州爲鎮人所殺

李匡籌匡威弟也匡威引兵救王鎔將發家人會別匡籌妻美匡威醉而淫之二月匡威自鎮還至博野匡籌據軍府自稱留後以符追行營兵匡威衆潰奔鎮州甲寅正月以匡籌爲盧龍節度使檢校太保匡籌益驕數侵河東之地李克用怒十二月大舉兵攻匡籌大破之進攻幽州克之匡籌走率其族奔滄州盧彥威遣兵攻之於景城殺之盡俘其衆匡籌素情懦初據軍府匡威謂諸將曰兄失弟得不出吾家亦復何恨但惜匡籌才短不能保守得及二年幸矣

綱目昭宗景福二年癸丑春正月李匡威爲弟匡籌所逐奔鎮州乾寧元年甲子十二月李可用攻幽州克之李匡籌走死

尹氏曰李匡威亂天倫自取奔竄故書爲弟所逐而不以弟

逐其兄爲文也

右李全忠據幽州凡世三帥共十年

舊傳敘曰大都偶國亂之本也故古先哲王建國公侯之封不過千乘所以強幹弱枝防其悖慢彼幽州者列九圍之一地方千里而遙其民剛強厥由沃壤遠則慕田光正卿之義近則染祿山思明之風二百餘年自相崇樹雖朝廷有時命帥而土人多務逐君習苦忘非尾大不掉非一朝一夕之故也若李載義張仲武張允伸因利乘便獲領旌旗以仁守之恭順朝旨亦足多也如朱克融楊志誠史元忠張公素李可舉李全忠以不仁得之靡更曩志或尋爲篡奪或僅傳子孫咸非令終蓋其宜也贊曰碣石之野氣勁人豪三百餘載自相尊高載義仲武亦多忠勞餘因篡得不仁何